

S Y M B O L A R V M
L I T T E R A R I A R V M
V O L V M E N I I .




S Y M B O L A E
L I T T E R A R I A E
O P V S C V L A V A R I A
PHILOLOGICA SCIENTIFICA ANTIQVARIA
SIGNA LAPIDES NVMISMATA GEMMAS
E T
MONVMENTA MEDII AEVI
NVNC PRIMVM EDITA COMPLECTENTES
VOLVMEN SECUNDVM
Ornatum Tabulis II. aere incisis



FLORENTIAE. CIO. IO. CC. XLVIII.

EX IMPERIALI TYPOGRAPHIO
PRAESIDVM PERMISSV





AMPLISSIMO PRAESTANTISSIMO QVE
OTTOLINO OTTOLINIO
NOBILI VIRO VERONENSI
CUSTOZIAE COMITI

ANT. FRANCISCVS GORIVS
DEVOTVS NOMINI EIVS

D_s \bar{D}_s



Oalent eruditi homines, qui in aliquod Opus suum alicui Viro nobilissimo consecrant, fusore calamo non solum merita, & virtutes Maezenatis

sui recensere , verum etiam Familiae de-
cora , & Maiorum praeclara gesta ad cae-
lum ferre , ut id iure quidem optimo se
facere testentur . Dedications hasce qui
legunt , immensa propemodum verborum
pompa , & ingentium encomiorum adpar-
ratu oneratas , vel non satis probant , vel
quandoque ita criminantur , ut statim ,
perinde ac recentia quaedam sepulcrorum
elogia , censeant speciosa mendacia conti-
nere . Ab hac tam frequenti censura im-
munem me esse intelligo , OTTOLINE COMES
PRAECLARISSIME , dum Tibi propter egre-
gia tua omnium laudibus testata in Litte-
rariam Rempublicam merita , & in me
quoque satis luculenta , animo lubens of-
fero Volumen hoc secundum mearum SYM-
BOLARVM , rogoque ut perhumaniter finas
ornari immortali tuo Nomine longe splen-
didissimo . Quum enim primum earumdem
SYMBOLARVM Volumen Eminentissimo Prin-
cipi , S. R. E. Cardinali Bibliothecario Do-
ctissimo , ANGELO MARIAE QVIRINO , Bri-
xiensis Ecclesiae Pontifici Optimo venera-
bundus inscripserim , quem Tu ipse propter
eximias virtutes , insignemque doctrinam ,
& cum eius Gente adfinitatem tuam ma-
ximi

ximi facis, & merito ; iam perspicue vi-
des, me lucubrationes basce dedicaturum
summis illis Viris, qui inter praecipua
Litterati Orbis decora & ornamenta una-
nimi consensu, magnoque omnium plausu,
atque adprobatione censemur. Hoc itaque
ipso tam magno & eximio honore conten-
tus, nihil dico de tua pietate, ac probi-
tate, suavique morum candore ; nihil de
tua prudentia, iustitia, integritate, re-
rumque omnium capaci mente ; nihil de
omnigena, qua excultus es eruditione ; de
luculenta ac toties testata doctrina tua,
quae ab ipsa adolescentia tua summa cum
laude spectata est Senis primum in No-
bili Ptolemaeo Collegio, in quo egregie re-
gesta, adeo praececelluisti, ut celeberrimae
illius Academiae Princeps renunciatus sis,
Doctis Viris adprime carus, arctissimo be-
nevolentiae atque amicitiae vinculo immor-
tali Viro Bernardino Equiti Perfecto, post-
modum in Romano Capitolino Poëtae Lau-
reato, nostri temporis primo, devincens ;
deinde in Florentinis Athenis, valde Litter-
atis omnibus gratus, praesertim vero Au-
gustis Mediceae Gentis Heroibus probatus ;
tandem Romae in amplissimo illo maiesta-

tis ac sapientiae domicilio ; in quo quum
mirifice mentem tuam optimis disciplinis
refertam haberes , quam maturo acrique
polleres iudicio , luculentissime ostendisti non
solum in privatis doctorum hominum con-
ventibus ; sed etiam in publicis illis ma-
xime illustribus Academiis Arcadica , Capi-
tolina , & Conciliorum , quae de Propagan-
da nuncupatur ; in qua Pontificio & Civili
Iure , ut eras instructissimus , quum tecum
Viri Sapientissimi considerent , quos deinde
propter egregiam doctrinam , dignitates , &
merita totus Christianus Orbis valde suspexit
atque est veneratus , & tecum de gravissimis
Religionis ac Fidei rebus differerent , eorum
existimationem ac benevolentiam summiopere
Tibi conciliasti : quod iidem Scriptores com-
plures litteratissimi praeclaris ingenii sui
editis monumentis (ex quibus non pauca Ti-
bi inscripta sunt) testatum reliquerunt .
Hinc statim enatum tecum summorum Prae-
sulum , ac doctrina praestantium Virorum
Litterarum illud Commercium , quibuscum
res Theologicas , Philosophicas , ac Philolo-
gicas , sane difficillimas , gravi iudicio ad
haec usque tempora pertractare consuevi-
sti ; ut si Epistolae illae tuae in unum cor-
pus

pus concinnentur , totidem veluti *Dissertationes* haberri possint , Eruditorum oculis , & adprobatione dignissimae . Iam satis superque constat , ab eo usque tempore , quo in Palladis , & Themidis sacraria penetrasti , Te nihil aliud propemodum fecisse , quam integros dies summa cum voluptate insumere in lectione optimorum . Scriptorum cum antiquorum , tum recentium , praesertim Conciliarum , Sanctorum Patrum , Theologorum , Philosophorum , ac Philologorum magni nominis , quorum libris Bibliothecam tuam leclissimam ac locupletissimam adeo instruxisti , ut non postremum inter Admiranda Veronensia decus & ornamentum habeatur . Haud igitur opus est in tanta tuarum virtutum luce , atque tot ubique micantibus tuae doctrinae editis testimoniis , ut pluribus verbis praedicem , atque extollam tui generis claritudinem , decora , atque eximia in patriam merita ; multoque minus ea quibus circumfluis fortunarum bona , quae quum externa sint , ac saepe etiam indignis obveniant , parum ad commendationem faciunt , ad meritum autem omnino nihil : hoc ipsum singulari elogio complectar , Te revera Nobilis , &

Docti

Docti Viri exemplar esse absolutissimum .
In tanto virtutum ac laudum fastigio ,
quum a Deo Optimo Maximo aliorum bene-
ficio sis conlocatus , cum incredibili illa in
omnes humanitate , in me quoque plane
maxima , adeo certat singularis modestia
tua , pudorque ingenuus , nobilissimi ani-
mi tui peculiare ornamentum , ut testari
publice cogar , Te invita admodum Minerva ,
hunc mihi aliisque honorem de Te loquen-
di contulisse . Incassum tamen ; et si enim os
michi obstruis , ne multa , ut decet , de Te ,
tuaque multiplici eruditione loquar ; tamen
qualis ac quantus sis , testati iam sunt
celeberrima atque eximia illa Litterarum
lumina Eminentissimus HENRICVS NORI-
SIVS , qui Te Adolescentem Concivem suum
sibi dicatissimum , Romae ium morantem ,
ob eximias animi dotes apprime dilexit :
cui Tecum conloqui , tuaque uti amici-
tia , & consuetudine in deliciis fuit : qui
Te tanti fecit , ut insigniora suae Biblio-
thecae Volumina , quibus potissimum usus
fuerat , quaeque non paucis ad eorum
marginem adpositis observationibus adorna-
verat , testamento Tibi reliquerit : itemque
FRANCISCVS BLANCHINIVS , Praesul Roma-
nus ,

nus, & ipse non solum patria, sed etiam amore Tibi coniunctissimus; Vir doctrina, & morum sanctitate celeberrimus, qui Tecum Astronomicas suas Observationes communicare frequenter consuevit, ac Tibi inscribere: His addere lubet Doctissimum Antistitem Perimezium; qui in Praefatione ad suas Ecclesiasticas Dissertationes, quas editas laudavit V. C. Ioseph Valletta, quanti Te faceret, luculenter testatus est. Complures etiam appellare possem iam fatu functos litteratissimos Viros, Fontaninum, Georgium, aliosque, ac praesertim Florentinos, inter quos eminet Calvinius, praeceptor meus; innumeros quoque qui nunc feliciter vivunt, ni copia splendoris nominum eorum offunderer, ac vererer ne Dedicatoria haec Epistola ad exitum suum non facile perveniret. Pro me igitur dum hi magni Viri loquuntur, & cumulate testantur, quam maxima sint tua in bonas artes ac studia priscarum rerum merita, quam tutum in singulis disciplinis iudicium, quam insignis bene de Musarum cultoribus merendi voluntas tua, quae officia, ac praebita frequenter auxilia; id & ipse etiam post tot luculenta testimonia multis exemplis ostendere ac de-

clarare possum. Illud unum fateri non
sine pudore quodam cogor, conceptis antea
votis meis haud cumulate facere nunc sa-
tis, dum tam exiguum mei erga Te ob-
sequii, & grati ariimi monimentum of-
fero, quum maius quid animo meditarer;
sed quia in promtu aliud nunc non est,
parvam hanc benigno, ut soles, animo su-
scipe benevolentiae tesseram, in qua humilia
quidem, sed sinceri nunc haec vota mea
inscripta volo, quibus perpetuo Tibi,
DOCTISSIME COMES, constet, me maximo-
pere cupere, ut quamprimum sospes sis,
atque in columis, & pristina recuperata
valetudine, pro qua preces, & hostias
Deo bonorum omnium largitori perpetuo
offeram, quam diuissime vivas & floreas,
& meis, aliorumque laboribus, ut facis,
humanissime faveas.

- In meo Museo scribebam XIII. Kalendas
August. Anno R. S. CLO. IO. CC. XXXXVIII.



P R A E F A T I O .

Aucis te moror, LECTOR BE-
NEVOLE, in hoc ipso mearum
SYMBOLARVM secundi Volu-
minis vestibulo: haud enim
opus est, ut ait Terentius,
auri montes polliceri, & praeter modum
laudare Opuscula Clarorum Virorum,
quae in eo exhibentur. Satis est, si
optime frugis, & studiosis profutura a
summis Viris iudicentur. Si qui vero
fuerint scioli, qui obtrectationes invidis
oculis oggerant, eos plane non curo,
quin potius contemno.

Prin-

Principem locum tenent Dissertationes duae Celeberrimi Ioannis Baptiste Paserii Pisaurensis, perdoctis observationibus, & quidem reconditis, e Thesauro Etruscae Antiquitatis depromtis, locupletatae; quarum prima est *de Nummis argenteis Etruscis antiquorum PAESTANORVM*, qui nunc primum, me rogante, ab eodem amicissimo Viro egregie illustrati, Nummographis innotescunt; de quibus, quum monuerim nonnulla in sequenti Proemio, quod eandem Dissertationem praecedit, alia plura adnotare, plane supervacaneum videtur. Si placuisse aequis prisorum Monumentorum aestimatoribus intelligam, lubenter proferam in alio SYMBOLARVM Volumine aereis Tabulis incisa non pauca adhuc inedita, oppido rara, antiquorum Capuanorum, ac praeterea Populorum aliquot Campaniae incognita Numismata. Priora ad eos, non vero ad Perusinos, ut nuper aliquis perperam censuit, pertinere indicant litterae in exergo ita scriptae *υ Π Ν Κ*: hoc est, *Kapu*: nimirum vel *Capuae*, vel *Capuanorum*.

Altera eiusdem V. C. PASSERI Differatio , quam ex singulari humanitate sua , & benevolentia mihi inscripsit , DE HELLENISMO ETRUSCORVM egregie pertractat . Ostendit siquidem Etruscani Linguam cum antiqua Graeca adfinitatem habere , atque ex eodem fonte derivatam ; adeoque ex eiusdem Graeci sermonis aditis penitioribus multa interpretanda esse : quae quidem mea fuit opinio , iamdiu proposita in Volumine Primo Musei Etrusci : quam aliqui ex Italis suae potius laudis , & gloriae , quam veritatis studiofi , multis ambagibus sibi plaudentes , contempserunt ; atque omnia sus deque confundentes , Cimmeriis quibusdam obfusis tenebris , id scriptis suis agere voluerunt , ut omnes intelligerent , impossibile prorsus esse , ut Etrusca scripta Monumenta quoquo modo explicari possint ; atque ita susceptum iter , obiectis difficultatibus , impedire conati sunt . Quantum vero Doctissimo PASSERIO debeat Etruscorum natio , quantum bonaे Litterae , & venerandae Antiquitatis studia , licet ex his aliisque editis eius Operibus sit exploratissimum ; tamen etiam ex aliis edendis quamprimum mul-

XVI P R A E F A T I O

multo clarius patebit. Alia interim idem Amicus meus optimus, dum haec scribo, proposuit praeclara convivii sui apophoreta, & statim ad me misit; nimirum Dissertationes duas, quae in sequentibus SYMBOLAS meas ornabunt: alteri titulus est, DE HEBRAISMO AEGYPTIORVM; alteri vero DE HEBRAISMO LATINORVM. Profecto, non ut sibi nonnulli inaniter suadent, facilis res est, rei Antiquariae scientia, quae, omnium doctorum hominum consensu, non acquiritur nisi post diuturnos labores, ac perpetua studia, post adsiduas veterum Monumentorum, & quidem omnis generis plurimorum, inspectiones, observationes, meditaciones, conlationes: quas aerumnosas, sed valde iucundas exercitationes, qui antequam scribant, non praemisere, multa verborum tantum longis ambagibus contextis, expilatisque Lexicis, differere poterunt, sed omne punctum non ferent; nec quod scribunt intelligent, aut id praefstabunt, ut exposita ab aliis intelligantur: quare nil mirum, si quae ipsi nesciunt (nunquam tamen se nescire fatentur) alios nescire effutiant, & identidem An-

ti-

tiquarios audaces dicant, & visiones videre existiment.

Poit egregias has Dissertationes PASSE-
RIANAS , sequuntur Monumenta aliquot
Etrusca , & Romana antiqua , nunc pri-
mum descripta , quae opportuniore in
loco aereis Tabulis accurate incisa , lit-
teris quoque Etruscis ad exemplum ar-
chetyporum expressis , Observationibus
dilucidabuntur . Primum , breviter descri-
pto Hypogaeo Etrusco nuper invento
in Agro inter Perusium ac Tudertum ,
eiusque funebri adparatu , adfertur epi-
graphe sepulcralis Columellae marmo-
reae , cuius forma non differt ab editis
a me in Tomo ii. mei Musei Etrusci ,
ut videre est in Parte ii. Tab. xi. xvi.
& xviii. de quibus luculenter Cl. PASSE-
RIVS differuit .

Alterum est basis ahenea quadratae
formae , intus vacua , dextrorsum fracta ,
quae adseratur in nobilissimo Acade-
miae Etruscae Cortonensis Museo , quam
nunc primum doctis hominibus notam
facio , favente meis curis V. C. Reginal-
do Sellario I. C. & Canonico Cortonensi ,
qui nuper dum adesset conlationibus Illu-

strium Sociorum Columbariorum Florentinorum , mihi humapissime communicavit . Quanti haec ipsa basis , atque eius epigraphē Etruscis litteris concepta facienda sit , mox summis digitis indicabimus . Credibile est sustinuisse Iovis simulacrum , & donarium hoc posuisse eidem Numini Etruscos Cortonenses ; nam *Iovis* nomen , & *Cortonenses* designant litterae in eo scriptae *Ivvi* , *Iovi* , & *Urvs* , *Cortonenses* ; reliquarum vero integrum sensum nobis iniquae temporum vices , vel barbarae manus ignotum esse voluerunt .

Sequitur Designatio novi Operis , quod a me duobus fere ab hinc annis ingentibus sumtibus sedulo paratur exornaturque , cuius iam fere quingentae Tabulae aeri incisae sunt . Istud Opus est **THESAVRVS GEMMARVM ANTIQVARVM** , quae nunquam ad hoc tempus in lucem prodierunt ; adeoque selectae , pulcerimae , ac perrarae sunt , omnigenam eruditissimam copiam complectentes , ad augendam antiquam Mythicam & Heroicam Historiam , item etiam veterum Theogoniam . Huius Thesauri priora duo Vo-
lu-

Iumina in folio, Deo dante, in sequenti anno prodibunt. In his adferuntur Gemmae Astris insignes, quas proinde ASTRIFERAS adpellavi; quam Collectionem meam nunquam antea excogitatam, ne dum tentatam, nuper Litterato Orbi patefecerunt Socii Academiae Olmuciensis Incognitorum Litteratorum, mei Collegae eruditissimi, atque ex his Ephemerides Florentinae. Egregius Vir Ioannes Baptista PASSERIVS aerumnosorum operum ac proinde praestantium lucubrationum flagrantissimus, quum eidem hanc Collectionem elegantissimam ostendisset, ipse suis Observationibus ornare, & locupletare voluit, praemissis suis Prolegomenis, quibus arcana quaedam Vetustatis felici conatu, publico rei litterariae bono, reseravit.

Quid moliar collectis fere cc. Gemmis HOMERICIS, ne quid dicam de aliis Monumentis rarissimis ad HOMERVUM illustrandum pertinentibus, inferius expono. Eidem quoque Cl. PASSERIO complura Monumenta vetustissima Etruscorum obtuli, quae occasionem ei praebuere, ut HETRVRIAM HOMERICAM, sive HOMERVUM

ETRVSCVM insigni labore meditatum felicitè exornet, de quo opere spem facit in Dissertatione II. heic edita; mihique ab eo humanissime inscripta, uti pag. 37. legere est.

Post hasce delicias, SYMBOLAS meas ornat perdocta, & elegans DISSERTATIO CRITICA IN VERGILIVM, qua non peccasse Latinorum Poëtarum Principem ostenditur, dum horribili illa tempestate extemplo perculsum Aeneam describit. Hanc mecum olim communicavit Auctōr ipse, vir ob eximiam doctrinam, morumque integritatem, & candorem spectatissimus; ea tanien conditione, ut eius nomen reticerem: cui profecto alia multa, quorum Adversaria apud me sunt, addidisset, ni morte nobis ac litteris praeceptus fuisset.

Quae in hisce SYMBOLIS promiseram Monumenta medii aevi, ea nunc proferruntur, quae insignia admodum sunt, & Historiam valde illustrant. Primum, quod continet Praeceptum Lotharii Imperatoris Augusti, mecum adiectis suis eruditis Observationibus communicavit Vir de Litteris optimè meritus, eruditione con-

spicuus, itemque Socius Columbarius Florentinus, Franciscus Comes FLORIVS, Canonicus Aquileiensis; alterum, Bullam EVGENII IV. complectens, nuper ad me misit Vir Clarissimus Comes Dominicus BERTOLIVS, Canonicus Aquileiensis, eiusdem quoque Societatis illustre membrum; de qua Bulla nihil modo dicam, quum in eam observationes suas quidam amicus meus, qui eas nunc parat, opportuniore in hisce Symbolis loco proferet.

Postmodum iterum in lucem prodit Doctissimi Dominici GEORGII Dissertatio singularis DE LOCATORIBVS SCENICORVM, de qua nonnulla in praevia Praefatione monui. Ex hac ipsa primum edita typis Seminarii Montisfaliicensis, & inter Calogeriana Opuscula Tom xiv. complura mendata, quae irrepererunt, sustuli, & AVCTARIUM meum adieci: quod quidem longe uberrimum confiscere poteram, si aliorum scrinia expilare, ut alii solent, voluisse: pro quo augendo multa suppeditare poterat Octavii Ferrarii perelegans *Dissertatio de Pantomimis, & Mimis, & Syntagmata duo*, alterum Nicolai Calliachi de *Ludis Scenicis*, alterum *Ageſilai* §§; Ma.

Mariscotti de Personis, & Larvis; sed quum
in manibus omnium Eruditorum sint eo-
rum libri, satius duxi ad eos benevolos Le-
ctores ablegare: Alia plura, quae ad rem
faciebant, adnotare, nec longius evagari
libuit. Adieci ad Scenicorum gregem
illustrandum imaginem antiquam faberri-
nie ex aere sculptam Mimi, sive Ar-
chimini, ut ostenderem quo coronarum
genere spectati donarentur, & quibus ve-
stibus, & calceis uterentur. Huic signo
aheneo alterum simile in toto Antiqui-
tatis Thesauro nondum visum ac prola-
tum censeo.

Huic *Dissertationi*, & *Auctario* subiecta
est SYLLOGE I. Epistolarum aliquot Claro-
rum Gallorum, nempe PP. Mabillonii,
& Montfauconii ad Celeberrimum An-
tonium Mariam SALVINIUM. Syllogen
dixi primam, quia in alio SYMBOLARVM
Volumine hanc altera sequetur aliorum
Virorum, qui non Galliam tantum, sed
litteratum Orbem fama nominis sui pe-
renniter implerunt, qui perspicue osten-
dunt quantum debeant egregio Praece-
ptori meo SALVINIO, & quae ab eo be-
neficia ad Litterariae Reipublicae decus
am-

amplificandum acceperunt ; quae etiam multa ad Litterariam eius temporis Historiam locupletandam nondum nota continent , praeter ea , quae ab iisdem summis Viris Mabillonio , & Montfauconio in Itinere , & Diario Italico adferuntur .

Quae omnium prima est Celeberrimi MABILLONII ad SALVINIVM Epistola , scripta est annis fere decem postquam Florentiae eo usus est familiarissime , & multa accepit officia , ac pro litteris ornandis locupletandisque beneficia , quae in suo Itinere Italico commémorat pag. 166. Librum , quem dono accepit a Cl. SALVINIO , omnigena eruditione refertum , fuisse arbitror Volumen primum Lectiōnum , quas in Apathistarum Academia recitavit , impressum primum anno MDCCXCV. Quantum vero curis Salvinianis profecerit Doctissimus MONTFAVCONIVS , idem testatur in sequentibus Epistolis ; nam , SALVINIO favente , & exscribente absolvit Topographiam Christianam ex Codicibus Vaticano , & Florentino ; edendam accepit ingentem antiquarum Inscriptionum messiem , Aesopi Fabulas una cum eius Vita ante Planudem scriptas

ex insigni Codice Bibliothecae Abbatiae Florentinae ; & Xenophontis Ephesiaca cum eius versione, quorum editionem in se recepit MONTEFAVCONIUS, qui etiam se SALVINIO devinctissimum testatur non semel in suo Diario Italico , quod Florentinarum Bibliothecarum latentes thesauros publico bono aperuerit , solo intelligentis honoris , & gloriae praemio . Sed ei maxime se debere testatus est , quod D. Anselmum Mariam BANLVRIVM Ragusinum , quem etiam Dalmatam adpellat , Graecis litteris omnisque eruditioris peritia adeo excoluerit , ut postmodum immortali suo nomine litteratum Orbem editis doctissimis Voluminibus impleverit : quae omnia incomparabilis humanitatis beneficia praestitit etiam idem SALVINIUS , bono Litterariae Reipublicae natus , QVIRINO meo , dum & ipse in hoc Celeberrimo Coenobio inter professos Monachos degeret ; auctorque fuit , ut Monachi tunc & deinceps Graecarum litterarum , & Philologiae studiis , praeter alias graviores disciplinas Philosophiae , Geometriae , Theologiae , atque Ecclesiasticae Historiae , luculenter excolerentur.

tur . Nunc primum etiam ex iisdem Montfauconianis Epistolis innotescit , SALVINIVM omnium primum de edendis Epistolis Colucii SALVTATI , Florentinae Republicae Secretarii , suae aetatis praestantissimi , non tantum conilium cepisse , sed revera , ut ederet in promptu habuisse eius Epistolas , quas eidem MONTEFAVCONIO donavit . Parasce etiam constat Catalogum MSS. Codicum Bibliothecae Mediceo-Laurentianae , quem etiam ad eumdem MONTEFAVCONIVM misit , adiecta sua nuncupatoria Epistola ad Cosmum III. Magnum Ducem Etruriae , in quo augendo , & ad umbilicum perducendo , usus est sedulis curis Francisci Mariae Duccii Sacerdotis Florentini , cuius custodiae tunc eadem Bibliotheca demandata erat .

Post eam Epistolarum SYLLOGEN adiiciendum curavi *Specimen Adnotationum* , & *Emendationum* Cl. V. Antonii Mariae SALVINI ad Caput xviii. Diarii Italici Celeberrimi P. D. Bernardi MONTEFAVCONI . Alias plures ad oram eius Voluminis idem SALVINIVS adiecit , quas , si probabunt docti homines , alibi a me producentur .

XXVI P R A E F A T I O

Postrema huius Voluminis SYMBOLA
exhibit Descriptionem MUSEI BONAMICIANI
Pratensis. Hanc addere mihi iucundum
fuit, ut morem gererem amico meo ra-
rissimo, de meis studiis, & de litteris
optime merito Pantheum signum pér-
parvum argenteum FORTVNAE adfertur
aeri incisum, quod eidem Deae veluti Do-
narium dedicatum fuisse arbitror.

His igitur fruere eruditis deliciis, Be-
nevoli LECTORI, & Vale.



IN-

INDEX SYMBOLARVM

Q V A E
IN HOC VOLVMINE.

S E C U N D O

C O N T I N E N T V R.



I.

EPISTOLA DEDICATORIA *ad Nobilissimum, &*
Clarissimum Virum Ottolinum OTTOLINIUM,
Custozae Comitem. PAG. V.

II.

PRAEFATIO *ad Benevolum Lectorem.* xv,

III.

DE NUMMIS ETRUSCIS PAESTANORVM Differ-
tatio V. C. Ioannis Baptiste PASSERI Pi-
saurense, &c.

IV.

DE HELLENISMO ETRUSCORVM *Dissertatio eiusdem Cl. V. I. E. PASSERI.*

35.

A. F. GORI PARERGON, quo *Monumenta antiqua Etrusca, & Romana scripta nondum edita indicantur.*

74.

Eiusdem GorI Designatio novi Operis, nempe THESAVRI GEMMARVM ANTIQVARVM.

77.

DISSERTATIO CRITICA IN VERGILIVM.

81.

MONUMENTA MEDII AEVI, nunc primum edita, e Tabulariis Aquileiensibus deponita.

93.

DOMINICI GEORGI a Bibliotheca Eminentiss. Cardinalis Imperialis, mox BENEDICTI XIV. Pont. Max. ab intimo Sacello, EXPLANATIO Antiquae Inscriptionis, in qua DE LOCATORIBVS SCENICORVM disceptatur,

113.

X.

A. F. GORI AVCFARIVM ad eandem Disceptationem DE LOCATORIBVS SCENICORVM. 149.

XI.

SYLLOGE I. EPISTOLARVM Clarorum Gallorum
ad V. Cl. Antonium Mariam SALVINIUM. 191.

XII.

SPECIMEN ADNOTATIONVM & EMENTATIONVM
Cl. V. Antonii Mariae SALVINI ad Cap. xviii.
Diarii Italici Celeb. D. Bernardi de MONT-
FAVCON. 208.

XIII.

MVSEI BONAMICIANI Pratenis Brevis Descri-
ptio. 209.

MONUMENTA ANTIQVA

Tabulis aereis incisa

AD LATA

In hoc SYMBOLARVM VOL. II.

Nummi tres ex Argento antiquorum PAESTANORVM, Etruscis litteris insculpti. Primus & Secundus extant in Museo Goriano; Tertiis in Museo Academiae Etruscae Cortonensis.

17.

PAN-

PANTOMIMI coronati imago abenea , e Floren-
tino Museo Nardio depromta . 187.


FORTVNAE PANTHEAE Sigillum ex Argento ,
e Museo Bonamiciiano Pratenſi adlatum . 214.

MONUMENTA

TABVLIS BVXEIS INCISA

Nummus Argenteus PAESTANORVM , litteris
Etruscis signatus ex Museo Cl. V. Iani
PLACI Arimin . 15

Nummus alter Argenteus PAESTANORVM , or-
natus in postica Minotauro , & Delphine . 32.



DE NUMMIS ETRVSCIS
PAESTANORVM
DISSERTATIO
IOANNIS BAPTISTAE PASSERII
PISAVRENSIS
Protonotarii Apostolici, & Regiae Societatis
Londinensis Membri
Ad Amplissimum Virum
ANTONIVM NICOLINIVM
*E Marchionibus Pontis Sacci, & Castris Camulianis
Patricium Florentinum.*

VIRO AMPLISSIMO ET DOCTISSIMO

ANTONIO NICOLINIO

Ex Marchionibus Pontis Sacci, & Castris Camuliani &c.

Patricio Florentino

IOANNES BAPTISTA PASSERIVS

D. D. D.



I praeter intimam , ac dul-
cem illam intelligendi con-
scientiam , qua tacite delectati , litterarias
elucubrationes iucundissime persequimur ,

A 2 mer-

merces alia reliqua adfulget ulla , quam sperare utique extra ipsani litterarum voluptatem possimus ; ea profecto habenda est , ut nempe ab insigni aliquo , clarissimoque praestantium Virorum Coetu , qui omni liberalium disciplinarum gloria floreat , de studiis , ac literis nostris apud excultas quasque nationes iudicium feratur satis luculentum . Hanc porro mercedem , sive laborum meorum prae-
mium nactus ego nuper sum , opera , stu-
dio , ac beneficio tuo , Optime , Do-
ctissime , ac Nobilissime NICOLINI ; qui
fane excitatus , permotusque cohortatio-
ne praeclarissimi viri , ac utriusque no-
strum amantissimi Antonii Francisci Gorii
Praepositi Basilicae Baptisterii Florentini ,
illud humanissime effecisti , ut Londini
in amplissimum illum , celeberrimumque
REGIAE SOCIETATIS COETVM cooptarer :
quae plane SOCIETAS quum ceterarum no-
bilissima , ac facile princeps habeatur ,
eam mihi dignitatem , atque ornamen-
tum adtulit , quo nunquam ipse maius
expetere potuisset . Quare si qua forte
utilitas ex meis laboribus Litterariae Rei-
publicae accessura aliquando est ; quod
qui-

quidem, etsi maximopere cupio, video tamen nequaquam perfici posse; iam profecto arbitror fructum quammaximum satis mature esse me adsequutum. Quinimo vel ipsa etiam unius iudicij tui testificatio erat quidem satis praeclara mihi, ac valde perhonorifica; nam quum ipse optimis artibus mirifice excellas, maximaque apud omnes auctoritate, atque existimatione valeas; multum sane mihi tribuebam, quod ipse utique tantus Vir de me non mediocriter sentires. Da igitur mihi, ac pro tua humanitate concede, ut aliquod, quemadmodum par est, grati animi argumentum, sive pignus tibi sistam, ut hoc nimirum tenue opus ad Te dirigam, Tibique nuncupem: non quidem quod ex se, aut ex mole sua dignum Te sit, VIR CLARISSIME; sed quia post acceptum beneficium e manibus prodit hoc utique primum in lucem, exitque, quamquam tumultuario, ac raptim, ita postulante, imo urgente Gorio amico meo optimo, ut haec opella mea vulgaretur in hocce suarum SYMBOLARVM LITTERARIARVM Volumine; cuius genio, & eximiae in me benevolentiae omnino parendum a me fuit.

fuit. Ceterum , utcunque ea sit , testam certe omnibus compertamque singularem in Te observantiam meam perpetuo faciet ; argumentoque erit , me longe maximam honoris amplitudinem , quam exoptare unquam possem , Tibi acceptam referre : meque totum , quoad vixero , perenni obsequio , tanquam Maeccenati de re litteraria , de honestis viris , de patria , de civibus , de celeberrimis Academiis , quae tuo noniine ornari maxime gestiunt , gloriosumque ducunt , valde esse devotum . Vale , VIR PRAESTANTISSIME , & emenso erudito Itinere tuo per Europae celebriora Regna , sospes atque incolumis , auctis tuae egregiae eruditionis opibus , moribusque hominum accurate expensis , ad tuos tandem aliquando , ut praesens sis , mihiique propior , mea forvens studia , feliciter quamprimum revertere .

Pisaurie meo Museo dab. xiiii. Kalend.
Iun. An. ccc. iij. cc. xxxviii.

A D

AD LECTOREM

ERUDITAE VETVSTATIS CVLTOREM

ANT. FRANCISCVS GORIVS

DRaeclaro more institutoque , dum nuper ostenderem eruditis Sociis Columbariis Florentinis Numismata duo perparva argentea , typis percussa , quae mihi summa cum humanitate dono dedit , misitque Vir Doctus Joseph Baro Antoninius Neapolitanus , edito nuper Historiae Lucaniae (in qua eadem Numismata effossa sunt) priore volumine , de Literaria Republica , deque Lucanis civibus optime meritus ; quumque eadem iisdem Sociis expendenda proponerem , & magnopere mibi gratularer , quod tam rara Etruscae Nationis monumenta meis Cimeliis adcessissent : ecce statim peropportune ex Sociis Columbariis unus , Vir Nobilis , peregredia vetustatis eruditione excultus , Reginaldus Sellarius , Canonicus Cortonensis , eiusdemque inclutae Academiae Etruscae membrum , alterum & ipse Numisma argenteum eiusdem moduli , eiusdemque typi , Autumnali tempore , elapso anno MDCCXLVII . in Cortonensi Agro inventum , in postica parte , duabus litteris Etruscis auctius , & locupletius

8 A D L E C T O R E M.

ostendit. Non pauca de hisce Numis expendenda in Annali XIIII. Societatis Columbariae adnotata sunt ad diem XIII. Martii huius currentis anni. Probata itaque, atque ab omnibus Sociis ea ita laudata sunt, ut delineata in Annali percuperent. Satis eorum votis faciendum, genioque indulgendum censui. Videbam enim quantum conlata inter Amicos studia, nobis, & Litterario Orbi, si communicarentur, prodeffent; & quantum ex Sociorum observationibus proficere possem, ut bonas litteras iuvarem. Quum autem Societas Columbaria Florentina frequentibus suis eruditis congressibus optimarum disciplinarum, artiumque studia excitare, atque instaurare satagat, quae ad augendum patriae decus, & splendorem, ac Florentinam Historiam novis accessionibus exornandum, maxime conducent; de ea illud identidem dicere soleo, quod de Eloquentia in aeterna Vrbe praedicat Auctor Dialogi ad Cornelium Tacitum, qui Fabio Quintiliano tribuitur: Non aliud in Civitate nostra vel ad utilitatem fructuosius, vel ad dignitatem amplius, vel ad Vrbis famam pulcrius, vel ad totius Imperii, atque omnium gentium notitiam illustrius, excogitari potuit; hoc laudabili instituto in libris describendis, adnotandisque omnibus prisciae Eruditionis monumentis, quae contemplanda, atque observanda ab Illustribus Sociis certatim frequentibns curis, MVTVISQVE OFFICII offeruntur.

Absentium quoque Sociorum, & exterorum Amicorum iudicium in hisce Numis illustrandis, explicandisque, ut obtinerem; statim curari, ut non solum diligentissime delinearentur; verum etiam aereae Tabulae, quam heic proxime propono, inciderentur. Numismata duo, quae sculpta in eadem Tabula num. I. & II. adferuntur, mea sunt; tertium vero

vero idem Cl. Sellarius in Museum Academiae Etruscae Cortonensis, aeterno munere, ut servaretur, lubentissime intulit, eique dono dedit. Hoc absolu-
to opere, primum impressum Schema horum Numismatum proposui Amico meo optimo, Viro Do-
ctissimo ac Celeberrimo IOANNI BAPTISTAE PASSERIO,
utriusque Academiacae Etruscae Cortonensis, & Co-
lumbariae Florentinae Socio eximio, ut quid de
bis sentiret, actum per epistolam exponeret.
Intra perpaucos dies respondit Cl. PASSERIVS ea
ipsa Numismata insignis raritatis, sibi esse valde
nota; nam alterum ad simile ex Museo Planco de-
promptum, utque in aerea lamella incisum (quod
infra ad eius exemplum expressum exhibetur) brevi-
bus suis animadversionibus iam illustraverat, quas ad
Cl. Plancum miserat. De hoc ipso Plancano Numismate
multa scripta sunt, quae adnotata leguntur in Novis
Litterariis Florentinis anni, ni fallor, MDCCXLVI.
in quibus, repugnante eodem Passerio, ad Pisto-
rienses pertinere multis conjecturis ostensam est.
Igitur idem Vir mibi amicissimus Passerius confe-
stum hanc ipsam Dissertationem ad me mittit, mul-
ta exquisitae ac reconditae eruditionis fruge cu-
mulatam; qua perspicue ostendit eadem Numismata
Etrusca ad PAESTANOS pertinere: quo quidem mu-
nere nil mibi gratius, iucundius nihil adcidere
potuit: praesertim postquam HERCULANENSIVM Anti-
quitates illustravi; dumque interim e Neapolitano
Regno alias doctae Vetustatis opes in lucem proferre
mibi feliciter contingit, quas nemo hactenus editas
conspexit. Ei quoque, & mibi gratulatus sum
maxime, quia Viro Nobilissimo ac Celeberrimo Lit-
terarum, & doctorum Hominum fautori, & aestima-
tori eximio Marchioni NICOLINIO consecravit Dis-
sertationem hanc singularem; qua res adhuc in-
cognit.

cognitae in Re Monetaria veterum Etruscorum nunc primum aperiuntur , atque e tenebris vetustatis eruuntur . Illud nunc supereft , ut Lectores moneam , PASSERIVM Virum probissimum , & humanissimum plus in meis studiis laudandis indulgere amori suo , quam iudicio acerrimo . Tanti igitur Viri laboribus , aliisque a me quamprimum edendis , eius nempe eruditissimis Observationibus in GEMMAS ANTIQVAS ASTRIFERAS , quas collegi , atque aereis Tabulis peraccurate incidendas curavi , fruere , LECTOR BENEVOLE , & me Genio Clementissimo Augustissimi Caesaris Domini Nostri FRANCISCI I. Romanorum Imperatoris , Patris Patriae , Pii , Felicis , Augusti , cui maxime Litterarum instauratio , decus , & gloria cordi est , multis que praemii hac de causa adlicit & ornat Litteratos Viros cum Pisani , tum Florentini Lycei , remis velisque obsecundantem , patriae tantum gloriae , & Litterarum utilitatis flagrantissimum existima ; & si muneri munus addere non recusas , perhumaniter dilige , ac tuere .



DISSERTATIONIS

DE NVMMIS ETRVSCIS PAESTANORVM

ARGUMENTA.

I.

Laudatur Cl. Gorius ob difficiles, maximisque sumptibus comparatas veterum Monumentorum Collectiones, ab eo feliciter publico Studiosorum bono adornatas, & in lucem depromtas; praeferunt vero ob studium Monetariae Rei Etruscae illustrandae, cuius Specimen explicandum peravice mecum communicavit.

II.

Nummi, quorum typi nunc primum exhibentur, cum altero Musei Cl. Iani Planci conferuntur: Pi-
storiensibus non convenire probatur, & PAESTANIS tribuuntur.

III.

Expenduntur eorumdem Numismatum Inscriptio-
nes, quarum discrimen conciliatur; atque in illis non obscure PAESTI nomen deprehenditur:
multa itidem de prisca ratione, & origine inscri-
bendorum Nummorum adtinguntur, & derivatio
nominis perscrutatur.

IV.

Insignia eorundem Nummorum explicantur, & PAESTANAE urbi convenire ostenduntur; multaque de primitivo eius Vrbis nomine profervuntur.

V.

Describitur ex veterum Scriptorum testimonio eiusdem Vrbis origo, & in illam deductae Coloniae recensentur; ex quibus triplex eiusdem Vrbis status, & lingua eruitur sub Graecis, Tuscis, & Latinis, & Nummorum testimonio confirmatur.

VI.

Notae in hisce Nummis expressae, sive emblemata επιχειρη declarantur.

VII.

Numus argentus n. I. in eadem Tabula expressus, ad PAESTANOS pertinere ostenditur, adlatore exemplo alterius Numi PAESTANORVM edito apud Cl. Augustinum, quem latuit ad eosdem PAESTANOS pertinere: cuius in antica, & postica parte notae, & emblemata elucidantur.



IO. BAPTISTAE PASSERII PISAVRENSIS

*Protonot. Apost. & Reg. Societatis Londinensis
Membri*

DE NUMMIS ETRUSCIS PAESTANORVM

D I S S E R T A T I O.

* *


I.

DOlebam aliquando, NICOLINE MAR-
CHIO DOCTISSIME, bonarum ar-
tium studia apud potentiores Viros
nullo iam in honore esse; illorum-
que maiestatem penitus iam popu-
laribus hominibus commissam, quo-
rum domestica angustia magnitudini rerum non
responderet. At Dei Optimi Maximi nutu fa-
ctum est, ut privatorum Virorum ingenium eo
extol-

extolleretur, ut intentata olim Magnatibus literaria molimina, ad eam gloriam perducerent, quae Reges ipsos quandoque deterruisset; quod praeципue in GORIO Viro laudatissimo, mihiique benevolentia coniunctissimo, factum esse gaudeo: quum sumptuosissimis Operibus, quae in lucem protulit, maiora semper addat, & maxima moliatur. Si qua vero Natio omnium maxime ei devincta, ea profecto est ETRVRIA nostra, cui insperatam lucem toto iam orbe propagatam, atque in aeternum victuram ipse contulit. Nulla enim eius Antiquitatis pars est, cui lumen pari doctrina cum industria non addiderit; ut in praesentiarum non exultem modo, sed & stupeam eum obscurissimam atque difficillimam illius partem, nempe *Nummariam Etruscam* declarandam attigisse. Quod enim spectat ad huius scientiae difficultatem, rarissima adhuc sunt Etruscorum Numismata, quae quum a singulis Populis cuderentur, multiplicia quidem erant; sed non adeo copiosa, ut seriem integrum ex illis aliquando colligendam fore speraremus. Rursus vero, quo antiquiora, eo profundiis conseputa, vel hominum iniuria destructa, praesertim argentea, quorum pretium illis fatale fuit, ut facilius conflarentur. Sed iam haec detrimenta ipsa fortuna compensat, ut quae iam veluti interierant, GORIVM nostrum, Virum Celeberrimum, undequaque convenienter, & veluti opem ab eo postulent, ut in saeculi lucem, eo auspice, preferantur. Placuit totum Dissertationis de NVMMIS ETRVSCIS PAESTANORVM argumentum hisce Programmati ordinatim disponere, quae iam supra proposita sunt.

II.

Felici huic fato debet Clarissimus GORIVS denarios duos (nam ita a mole nominaverim) quos recens in Lucanis effosso, & Etrusca epigraphe signatos, in penetrali suo, & ut verius dicam, Musarum sacrario condidit: quos quum mihi contemplando obiecerit, meamque de illis sententiam postulaverit (quae eius modestia est) coniectationes quascumque meas de illis proferre non dubitavero; praesertim vero cui nam Tuscarum Vrbium ad censendi videantur. At nummos eiusdem formae dudum cognoveram ex alio fere simili, quem in interiore Etruria effossum Ianus Plancus Ariminensis, Vir omni litterarum genere ornatissimus, nuper exceptit, & mecum communicavit. En eius schema uti ab eo editum est.



Huius igitur nummi typum ad me transmissum, quem ille quidem *Pistoriensibus* tribuebat, sedulo meditatus, PAESTANIS potius referendum iudicavi: quod firmius credendum censi, ubi geminos nummos GORIANOS, in quibus eadem inscriptio recur-

currit, ad examen revocavi. Nam quod attinet ad *Pistorienses*, ipsum nomen novitiam redolet significationem: sive illud, ut aliqui putant, & *peste* post *Catilinae* caedem exorta, sive a *Pistoribus*, ut communius censem, deducamus: cui posteriori opinioni favet Antonini *Itinerarium*, & vetusti a *Gorio* editi lapides, qui Urbem illam nuncupant, *AD PISTORES*. Hinc communiter reputatur, id nomen a Latinis inditum, quum lingua Etrusca iam esse desisset. Urgebat praeterea argenteum nummum, nondum effossum, qui interioris Etruriae nomen praeseferret; quum quotquot hactenus huiusmodi eruperunt, ad Samnum, atque Campaniam, finitosque Populos omnino pertineant. Habuerit ne montana Etruria argentum cusum, nec affirmare ausim, nec impugnare. Unum id tantum certum est, quod Plinio debemus Lib. xxxiii, Cap. III. Romanos omnium potentissimos non ante annum Urbis DLXXX. quinque annis ante primum bellum Punicum, argentum signare incoepisse. Non equidem hanc gloriam, sive calamitatem Etruriae invidemus; at habuisse nondum idoneo testimonio probatum est: quod constanti observatione statutum a me est in libello de *Nummis Tudertium* Cap. ix. At Campani non ante primi Belli Punici aetatem numeros cuiusvis metalli inscribere consueverunt; quum ante hac illiterati signarentur: quapropter huiuscemodi denarii nihilo maiorem sibi vindicant antiquitatem, nisi forte etiam posteriorem. Postrema ratio mihi omnium urgentissima visa est, ipsa symbolorum natura, quae ad maritimam Vrbem clamant, delphin, & acrostolium, insuper & pingue granum illud, quod ad loci fertilitatem denotandam a Siculis, & Campanis saepissime in numeris

mis usurpatum videmus. Haec vero navalia symbo-
la duplii quidem ac potissima ratione Paestanis
conveniebant; quarum prima descendit ab ipso
Neptuni cultu, a quo incolae Posidoniates, ut mox
declarabimus, dicti erant: altera vero quod haec ci-
vitas in ipso littore condita esset, ubi adhuc eius
rudera observantur, atque oppidum dictum *Pestii*, & *Tor di Pestii*; ibique ab antiquis Geogra-
phis reponitur, Pomponio Mela, Ptolemaeo, at-
que Plinio auctioribus: qui inde denominatum dicunt
finum Posidoniatem, exinde Paestanum nuncupa-
tum.

III.

Quod vero PAESTANIS hosce nummos tribue-
rimus, primario persuasit eorum inscriptio, quam
iterum hic exhibemus:

In nummo Iani Planci: 21VV A 218

In nummo Gorii utrimque { *PIRTELIL*
scripto: { *VUTRI8*

In nummo Acad. Cortonensis: 21VV T 218

Nec prima facie est, cur ab ipsa deformitate dia-
lecti, & varietate inscriptionis deterreamur. Si
enim Tuscorum inscriptos nummos simul confe-
ramus, haec & plura sphalmata Artificum Moneta-
riorum deprehendemus: sive ea tunc fuit inconstan-
tia Etruscae Linguae nec satis politae, nec admo-
dum cultae, quae praecipue hostium, & colonorum
novitate in ea regione vexata, nunquam sibi certo
constaret; quem profecto errorem in Tuscorum

inscriptionibus adeo frequenter animadvertisimus, ut nisi maximo usu illas familiares nobis fecissemus, non intelligere modo, sed nec pronunciarē linguam Tuscam valeremus; ut in Thesau-ro Linguae Etruscae, qui studio, & opera Gorii Clarissimi, brevi in lucem prodibit, quem lucubrations aliquot nostrae subsequentur, & peculiari Tractatione *de Tuscorum Cacographia* demonstratum iri confidimus. Vt cumque se res habeat, PHISTVM, seu PISTVM, pro Latinorum PAESTO, Etrusca diale^cto in is, seu in il desinente, in utraque epigraphe deprehendo, immo in Goriana PHISTELIL. Nomina vero Vrbium diversa ratione in nummis scribebantur; nam aliquando primitiva, seu, ut Grammatici vocant, radicalia, signabantur in nummis, ut ecce: ROMA. VALEN-TIA. CAPUA. ATINA. quae aliquando a recto in secundum casum deflectebantur, ut RAVEN-NAE. SIRMII: vel in sexto casu, quemadmo-dum CARTHAGINE, CONSTANTINOPOLI, prout nominum natura postulabat; quibus subin-telligenda venit nota illa MONETA SIGNATA. Sed aliquando pro nomine Vrbis primitivo, deri-vativum, quod etiam dicunt gentile, appositum est; propieque non Vrbem, sed Populum exprimit, sem-per multitudinis numero expressum: aliquando in recto, ut IKVVINI. SALENTINI: saepe etiam in obliquo, ut ARIMINENSIVM. PISAVREN-SIVM. ut earumdem Vrbium Graeca numismata apud Goltzium evincunt.

Iuvat nunc nomen id nostrum ad trutinam re-vocare, ut quantum in re obscurissima datum est, cognoscamus utri exemplo conveniat. Et quidem in exemplari Plancano litteram a pro τ irrepsisse puto, seu potius prae antiquitate fuisse corruptam:

si enim litteram A claudamus, facile nobis reddet Θ. Littera vero V facile confunditur cum Tuscorum J, quae respondet L Latinorum. Exempla facillimi huius erroris exuberant in Tuscorum epitaphiis; sed ne a Nummaria recedamus, unum prae ceteris exemplum feligemus ex nummis Samniticis a Cl. Oliverio meo illustratis, qui primus omnium in hac re facem praetulit; nam idem cognomen MVTILI in aliquibus, & VITVM; in aliis vero scriptum VITVM. Facile enim erat in resistente materia stilum aliquando plus debito excurrere, ut, vel invita manu, lineola plus debito protrahetur. En igitur in epigraphē PHISALVIS, ipsum PHISTLVIS, seu PHISTELIL, quem in aliis duobus nummis expressum legimus; in quibus omnibus Paestii Latinum nomen seu deformatum, seu potius, ut Etrusci pronunciabant, expressum cernimus; nam Antiqui litteram I lubentius proferebant; cui recentiores ad ampliorem pronunciationem E substituerunt; quod probant exempla antiquissimorum monumentorum, ut MIRQVRIOS. ALIXENTROM. pro MERCVRIOS. ALEXANDROS in patera apud Causeum, & in quibusdam inscriptionibus Luci sacri Pisarenium, DIANII. & TIIDRO. pro DIANAE. & DEDERVNT. quam consuetudinem latius monstrabimus in Tractatu nostro *de Transmutatione litterarum Etruscarum*. Etiam initialis PH facilis abiit in P, abiecta adspiratione, quod Aeoliis familiare fuit, ut ostendit Vossius in libello de transmutatione litterarum.

Sed ne videamur sententiam nostram veterum erroribus suffulcire, coniecturam omnium probabilem afferemus, nomen Vrbis primo non fuisse Paestum, sed Phaeustum, ab aliqua Graecorum Colonia, quae Vrbem alioqui insalubrem, seu bel-

lo vastatam frequentaverit. Fuere siquidem plures in Graecia Vrbes hoc nomine nuncupatae; una in Macedonia, quam Ptolemaeus Lib. III. Cap. 13. Estioris Thesialis primam adsignat: quae Vrbs forte eadem est cum Phaesto, quam Livius Lib. xxxvi. Cap. xiii. a Baebio captam tradit. Altera huius nominis in Locrensisibus fuit, cuius mentio sit apud Plinium Lib. IV. Cap. 3. alia demum in Creta, quam recenset idem Plinius eiusdem libri Cap. 12. Hanc Diodorus Siculus a Minoë conditam tradit ad littus maris; quam idem Plinius, & Strabo Lib. X. & Dionysius Periegetes in Mediterraneis locant:

Iuxta sacrum Gortynem, & mediterraneam Phaeustum.

Eius vero conditorem fuisse Phaeustum, Ropali filium, & Herculis nepotem, tradit Stephanus in ΦΑΙΣΤΟΣ, quem Pausanias in Corinthiacis Cap. VI. ex Oraculi responso in Cretam migrasse, scribit. Ex horum sobole aliquos prodiisse, qui Phaeustum Itallicam condiderunt, & patrio nomine, ut moris erat, nuncuparunt, suspicari quis potest, praesertim vero ex Phaesto Cretensium: multas enim illorum Colonias in eam Italiae oram, praesertim vero in Campaniam, deductas fuisse demonstrabimus in Dia-triba de *Nominibus Vrbium, & locorum Italico-rum*. Forte haec etiam Vrbs nostra PHAESTVS, seu PHAESTVM, ita a cultu Apollinis dicta est, cum Phaeustum Apollinem memoret nobis Plinius eodem Cap. III. Lib. IV. quod eo probabilius mihi videbatur, quod in triplici numinorum inscriptione multas quidem advertimus diversitates; sed in hac initiali omnes convenient. Nostrum vero PHISTLVIS idem est, ac si diceremus PHAESTIVS; nam Antiqui post S libenter interponebant litteram L, ut exempli gratia stlatum, & stlites; pro latum, &

& *lites* dicebant : quod etiam multiplicibus exemplis probabimus in nostro *Glossario primaevae Latinitatis*. *PHISTELIL* vero mihi obliquum eiusdem nominis sonat, sed decurtatum, ac si dixerimus *PHISTELIORVM*, quod *Phaeſtiorum* rectius dixissent *Latini*; nam a *PHAEſTO*, sit *PHAEſTIVS*, ut monet Stephanus loco citato : fed radicales tantum nobis novisse sufficiat ; nam inflexiones Etruscae Linguae, praesertim vero Campanae dialecti, quorum inscriptiones rarissimae sunt, ob temporis brevitatem, quo haec lingua apud ipsos obtinuit, non ignoramus modo ; sed aſsequi aliquando nos posse omnino desperamus. Hanc vero dialecti diversitatem inconstantiae Populi, ut infra dicemus, imputamus.

IV.

Quae hucusque diximus, pertinent ad explanationem nominis, quod nummis hisce inscriptum est. Nunc utriusque lateris insignia percurramus. Iuvenile caput crispis capillis ornatum, Hercem aliquem antiquum, gentis auctorem, seu restitutorem Vrbis significat, seu Numen Vrbis peculiare, sive *Phaeſtium Apollinem*, sive *Phaeſtum Herculis nepotem*; fed haec inquirenda potius, quam credenda proponimus Eruditis: quum Religiones municipales, & locorum Historiae nobis omnino delitescant. Averfae partis symbola acrostolium, & delphin maritimae Vrbis indicia sunt, & Neptuno sacra noscuntur : quae ut luculentius explicemus, indagare nunc oportet quale nam fuerit antiquum Vrbis nomen, a quo multum populi Religio pendet. Primitivum vero huius Vrbis nomen *Posidoniam* fuile, ostendit Plinius Lib. II. Cap. 5. *Paeſtum Graecis Posi-*

donaia appellatum : & Gellius Lib. xiv. Cap. 6. *quod Paeston ΠΟΣΕΙΔΩΝΕΙΟΝ dicta sit*: quod etiam confirmat Servius in Georgic. iv. vers. 119. *Paestum, civitas Lucaniae. Haec civitas Posidonia dicitur*. Idem nobis affirmat Strabo infra citandus: quapropter satis credibile est populum hunc a Neptuno, qui Graecis ΠΟΣΕΙΔΩΝ est, cum ipso nomine religionem, & symbola mutuasse. Dubium restat utrum nomen fuerit antiquius. Ego quidem pro hoc postremo suffragium ferrem, innixus autoritati eiusdem Strabonis Geograph. Lib. v. in fine: *Picentinos quidem Romani Posidoniatem in sinum Celonos traduxere. Hoc vero tempore sinus ipse Paestanus nuncupatur. Verum Vrbs ipsa Posidonia, Paestus vocatur, medio in sinu locata*. Quae verba clare evincunt Vrbem illam, quae prius *Posidonia* cum *sinu* vocata erat, *Paesti* nomen accepisse. Id vero nomen postremo ei stetisse, manifestum sit omnium Scriptorum testimonio, qui *Paestum* ob *rosas* celebrant. Virgil. Georg. iv. vers. 119.

— canerem, biferique rosaria Paesti :

& Ovidius de Ponto Lib. ii. Eleg. iv. vers. 28.

Calthaque Paestanas vincet odore rosas.

& Propertius Lib. iv. Eleg. V. vers. 59.

Vidi ego odorati viatura rosaria Paesti.

Hoc etiam nomine audit apud Geographos. Pomponius Mela Lib. iI. Cap. 2. *Paestanus sinus, Paestum oppidum, Silarus amnis, omnia Lucaniae loca*: & Ptolemaeus Lib. iiI. Cap. I. *Lucanorum similiter iuxta*

iuxta Tyrrhenum pelagus, Silari fluvii osfia, Paestum, Velia: quibus testimoniiis inducimur, ut credamus Posidoniam antiquum nomen, ut Paestum recentius ferunt, fuisse. Neque illis adsentior, qui utrumque contemporaneum fuisse putant, primum a Graecis, quia Graecum; secundum ab Italibz usurpatum; hallucinati fortasse auctoritate Plinii loco citato dicentis: Paestum Graecis Posidonia appellatum; nam ea verba intelligenda sunt, ut apud Graecos vetus nomen manserit; apud Italos vero unum alteri successebit: quod manifeste probatur testimonio nummorum apud Goltzium, in quibus, quum adhuc tota Campania, & Lucania Graeco idiomate uteretur, primigenium nomen lingua, & litteris Graecis aliquando inverso ordine procedentibus, ita inscriptum cernitur:

ΙΕΖΟΠ

ΔΙΕΜΟΠ

ΠΟΜΕΙ

ubi praecipue notanda est littera Μ, quae pro Σ posita est: quod etiam notatur in aliis monumentis, praecipue vero in praecitata patera apud Causum, in qua legitur:

ΣΟΙΨΥΩΗΜ

ΑΛΙΞΕΙΑ

pro

ΑΛΙΞΕΙΑ

In nummo etiam apud Cl. Arrigonum Tom. I. legitur ΠΑΙΣ. In ceteris vero posterioribus, qui magis de proximo ad Romanorum mores accedunt, de quibus infra dicendum est, non amplius haec Civitas hoc nomine inscribitur, sed *Paeſtus*, hoc est PAISTANO. Cupiendum tamen esſet, ut qua aetate haec mutatio ſequuta ſit, innotefceret; ſed haec quodammodo ab aetate nummorum indagari potest, ad quam aſsequendam, unice conſerre poterunt ea quae ad propositum diximus in Diſſertatione de *Nummis Tuderium*. Quum igitur ex praemissis liquido conſtet primitivum nomen Vrbi a Neptuno inditum; facile aſsequemur acroſtolium, atque delphinum in nostris hiſce nummis ſignatum aptiſſime huic Vrbi convenire. Quod ut diligentius explicaremus, alios etiam eiusdem Vrbis indubitatos nummos obſervavimus in Muſei Arrigonii Tomo I. & apud Cl. Maffeium Obſervat. Litter. Tom. v. pag. 379. quibus nomen PAISTANO ſubscriptum legitur: in quorum antica parte caput Neptuni, adiecto delphino, expreſſum eſt; in poſtica vero eius filius Taras, alteri delphino inſidens cum tridente, qualis propemodum in Tarentinorum nummis exprimitur apud Goltzium: de quibus locuti ſumus in Notis ad Luceſtas Tom. I. num. 42. Granum vero tritici ad regionis fertilitatem pertinet: cui manifeſte alludit alter eiusdem Vrbis nummus apud eundem Arrigonum, in cuius poſtica copiae cornu expreſſum cernitur.

Expendimus iam, Vir Clariffime, utriusque nominis originem, & antiquitatem; ſed quia frequenter contigit, ut quum nomina mutarentur, significatio tamen maneret, ut ſaepe obſervavi in Traſtatu de *Nominibus Urbium*; inquire nunc poſſet, an nomen *Paeſti* analogiam ullam ſervet cum *Posſido-*

fidone, seu *Neptuno*. Ego quidem nullam obviam invenio, ut indubitanter credam ab aliqua Phaeſtiorum Colonia noviter inditum; quod etiam sub Tuscis mansit; quum praeterea Neptuni Tuscum no-men adhuc nobis non innotuerit. Si tamen pla-ceat ad ingenium excitandum, ut aliquod Neptu-ni attributum in nomine *Paeſti*, seu *Phaeſti* con-e-mur indagare, difficile nimis non foret; ipſe enim ΕΝΟΣΙΚΘΩΝ, & ΕΝΝΟΣΙΓΑΙΟΣ, quaſi terram concutiens dictus est, quod terram fluctibus qua-tiat. At eadem fere ratione *Paeſtus*, a ΠΑΙΩ, *per-cutio* dici poterat.

V.

Ad nostrorum monumentorum illustrationem non parum contulerit aliqua praenotasse de huiusce Vrbis origine. Hanc ita refert Strabo circa finem eiusdem Lib. v. *Porro Sibaritae ad mare (Paestum) Urbem posuere, quippe qui ante se habitantes alios eiecerunt, quos vicissim posteriori tempore Lucani.* &c. Solinus Cap. viii. Polyhistor. *Paestum a Dorenibus conditum tradit.* Plinius contra Lib. II. Cap. 5. *Lucanos a Samnitibus ortos, duce Lucio,* refert: inter quorum oppida memorat *Paestum, Graecis Poſidonia appellatum.* Servius vero in citatum locum Georgic. hanc gloriam Tarentinis attribuit: *Paef-ſtum Civitas Lucaniae. Haec Civitas Poſidonia di-citur, & eſt in agro Salentino Colonia Tarentino-rum.* Cui ſententiae favet nummorum ſimilitudo, quum in utrisque idem Tarantis typus occurrat. Haec tamen Scriptorum ambiguitas clare demon-strat Urbem illam ſaepe Cives immutasſe: quod praecipue & bellorum incuſionibus tribuendum eſt, atque aeris insalubritati, quae diuturnos habitatores

res non pateretur: quod constat ex eodem Strabone ita de Vrbe Paesto loquente: *Insalubre facit amnis diffusus in paludes, vicinus oppido: ut inter loca mortifera Paestum numeraverit Martialis Lib. iv. Epigr. LX.* et si Cluverius probet *Castanaque:*

Ardea solstitio, Paestanaque rura petantur,

Quique Cleonaeo fidere fervet ager.

*Nullo fata loco possis excludere; quum mors
Venerit, in medio Tibure Sardinia est.*

Demum haec Civitas Romanis concessit. Idem Strabo: *Lucanis inde Romani oppidum intercepere, coloniamque in illam deduxerunt: Paterculus Lib. I. Cap. 14. Cossam, & Paestum abhinc annos ferme ccc. (deductas Colonias) Fabio Dorsone, & Claudio Canina Consulibus ait.* Id etiam plane indicatur apud Livium Lib. xxvii. ubi inter Colonias a Romanis deductas, Paestum quoque commemorat, subdens: *Harum Coloniarum subfido tum Imperium Populi Romani sletit, iisque gratiae & in Senatu, & apud Populum actae.*

Eorumdem vero Scriptorum auctoritate certiores sumus ternam praecipue fortunam expertos esse Paestanos; nam primo Graeci, a quibus originem ducunt (sive interim Dorienses fuerint, seu Sibari-tae, seu denique Tarentini) eam urbem tenuere: dein paruere Italos; nam Lucanos priores incolas eieciisse Italos tradit Strabo: Lucanos vero a Samnitibus ortos, Plinii auctoritate indicavimus: demum in Romanorum ditionem devenerunt. Hos vero triplici aetate, triplicem quoque characterum formam adhibuisse, quam in eorum numinis expres-sam observamus, iam nullus dubito; nam primum characteres Graecos in usu habuerunt; deinde Tu-scos, qui plerumque & Samnio, & Campaniae com-mu-

munes fuere, ut in Roncaliensibus demonstravimus: quod praecipue evidens fit ex ipsis Tuscorum Coloniis per ea loca diffusis, inter quas *Martinum Tuscorum aedificium*, Paestum conterminum, numerat idem Strabo. Tusci vero characteres diu manserunt hisce Vrbibus etiam ex quo in Romanorum ditionem concesserunt: quod evidenter probant Tudertium nummi Etruscae inscripti, quum iam Romani iuris essent; quorum etiam aetatem ad ammussim conquisitam indagare conatus sum in praecitata Dissertatione. Demum vietrici Populo ita se conformarunt, ut etiam haec postrema pristinae dignitatis vestigia adderent nummis suis Latine signatis cum inscriptione *PAESTANO*: quod pariter ceterae Campaniae Vrbes admirerunt, in quibus subscriptum legimus: *THEANO. CALENO.* *AQVINO. SVESSANO. AISERNINO*: quorum gratiam aucupantes ipsi quoque Romani, quodam veluti pacto foedere, Campanam dialectum imitati sunt, & in suis nummis inscripserunt *ROMANO*: cuius inflexionis grammaticam rationem, atque significationem apud Latinos antiquatam, & iam diu obsoletam, in eadem mea *de Nummis Tudertium* Tractatione ad examen revocavi.

VI.

Quod unum expendendum supereft, est globulus ille in horumce nummorum aversa parte constanter signatus. Ad notas monetales, si quid re^ecte sentio, referendus ille est. In nummis quidem aereis unciam denotat; quod communi Italicarum Vrbium consuetudine exceptum erat, nec nisi unitatem denotabat: multiplicatus vero totidem designabat unitates, seu uncias in eodem nummo
con-

contentas. Id etiam ostendit Herculaneum aereus nummus nuper in Gorianis Vindiciis Alphabeti Etrusci pag. 166. & in priore harum Symbolarum Volumine pag. 11. productus. In nummis vero argenteis unitatem denarii significavit, quod Romani per X aut \mathbb{X} exprimere consueverunt. In nummis Samniticis aliquando idem asterismus eamdem vicem supplet: saepe etiam littera A, per quam facile Argenteum pro Denario nuncupabant. Demum aliquando in his nota iii. deprehenditur, per quam totidem sextertios, communiorem fortasse illorum nummorum speciem, ex quibus denarius coalescebat, denotare voluerunt, quorum icones expressos vide-re est in dupli Dissertatione eiusdem Cl. Oliv-
rii Pisauri typis demandata.


Verum, quia haec Cl. Gorius de globulo illo a me proposita non omnino probat, ea & ipse non probo; quare videndum si potius referre credamus clavi caput, quo acrostolium illud prorae navis adfigi solebat. Quod attinet ad medianum alterum symbolum, quis vetat lanceae cuspidem nuncupare? nam & in assibus Romanis fusis saepe saepius occurrit, ut videre etiam est in nummis adferendis in Musei Etrusci iam a doctis Viris optata continuatione. Forma utrique communis est: nec litem dirimeret, nisi sola moles, quae nos latet. Quid ni? forte etiam remum significare posset; quem praesertim cetera ornamenta ad artem nauticam spectent; nam & in altero quadrante fuso apud me asservato, duplia eiusdem formae instrumenta observantur, quae proceriore hasta instructa sunt. Sed rejectis aliis omnibus coniectationibus iam expositis, magis probo, quod expendendum proponebam, nempe globulum illum referre caput clavi. Reiecto igitur altero symbolo, de quo supra dicebam, nempe glo-bulo

bulo illo numerali; valde probabile censeo illud referre clavi caput; nam oportuit haec acrostolia ingenti aliquo, ac insigni clavo transfixa fuisse; quum haec navium praecipua ornamenta omnino mobilia essent, ut facile resigi possent, vel quum naves sub tecto hibernarent, vel quassatae denudarentur, ut facilius in navalibus fulcirentur. Constat vero insititia fuisse acrostolia ex his quae Diodorus Siculus Lib. xx. narrat de navibus Rhodiis incensis: *Rhodii celeriter acrostolia detraxerunt, iniectisque malleolis, & taeda in naves, eas ipsas concremaverunt.* Narrat etiam Appianus in Mithridate inter spolia ex captivis navibus detracta, computata fuisse navium acrostolia, quae ab illis revulsa inter tropaea censemabantur. Constat etiam ex Xenophonte, & Diodoro Siculo suprascripto in loco, haec acrostolia avulsa ab hostium navibus inseri vetricibus ad ostentationem virtutis consuevit; quod clare supponit, facile tolli, atque avelli solita, ut cetera navium ornamenta, clavoque obfirmari, ut firmius haererent.

Interim, rogante Gorio Amico meo optimo, ut accurate alterum medianum symbolum expenderem, & de rosis Paestanis nonnulla ut investigarem monente, haec subienda censui. Profecto ambiguum est hoc parergon inter delphinum, & acrostolium, de quibus nullum oriri dubium potest: nam ex ipsa forma tum hastae, tum nautico remo adsimilari ex coniecturis facile potest: quis enim ex minutis his & rudibus signis veritatem indubiam deprehendet? Potius vero rosae bulbulnm, ac pupulum imitari dixerim: nam forma omnibus communis est; nec immerito hoc ornamentum in nummis Paestanorum indagamus, quum ex his, quae praemisimus, Paestanae rosae celebres haberentur; ideoque

que tamquam praecipuum naturae donum, atque eius loci praecipuum decus potuit inter cetera Vrbis insignia connumerari huiusmodi rosa, & in nummis exprimi. Quis enim in re Nummaria tam peregrinus est, qui nesciat consueuisse Veteres in iisdem nummis signare una simul plura & diversa symbola, inter quae nulla intercedebat cognatio: atque ea potissimum, quae locorum dignitatem, praestantiam, indolem in rebus gignendis producendiisque summo cum honore declarabant? Quia tamen vel Vrbi communia erant, vel ad diversos pecuniae Praesides spectabant, una simul copulabantur; praecipue quum pondus monetae mutari, ac sensim minui soleret; tunc enim novis nummis nova etiam indicia addebantur: quod a nobis exemplis, & ratione probatum est in memorata Tractatione *De Nummis Tudertium*.

Haec dum animo volverem, in mentem venit, accepisse me aliquando aereum nummulum, unciam unam aequantem, Etrisci artificii, mihi dono datum ab amico optimo Andrea Ioannellio, Sanctae Tudertinae Ecclesiae Presbytero, Viro Ornatisissimo, in quo idem rosae pupulus, sive calix ac bulbus cum rana in aversa parte, huiusmodi typo, quem subiicio, expressus est.



Confestim nummum ad manum revoco, & non sine laetitia ac voluptate invenio Tuscam litteram 1 in eo expressam. Pertinueritne ad Perusinos, quorum tamen Tuscum nomen ignoramus, an ad Paestanos, aut ad alios populos, quorum nomen ea litera initiali constaret, dicere non ausim; quia vero a coniectura hac nostra de rosae pupulo in nummis Paestanis non longe recedit, heic depro mendum & hunc nummum curavimus, rati nos rem gratam Eruditis exhibituros, quum non dum vulgatus sit.

VII.

Vix Opellam hanc e manibus dimiseram, quum alterius Nummi argentei, sed illitterati, cui primus locus in edita Tabula Goriana datus, imaginem contemplandam mihi idem Gorius Praeclarissimus obtulit, rogans, ut de illo iudicium meum proferrem; nam singularis adhuc est, & penitus in perspectus. Pars antica iuvenile caput obiicit, passis undequaque, & volitantibus capillis, ac veluti vento, seu concito cursu exagitatis, horrescens. In postica ruditer expressum animal est, anticis pedibus sublatis currens, cuius speciem ex obiecta iconē haud assequor. Hunc vero dum sedulo meditor, forte fortuna mihi occurrit alter nummus apud Augustinum de Re Nummaria Dialog. V. pag. 160. & ipse argenteus, cuius prior pars ad simili protome exornatur. At in aversa parte Minotaurus cum subiecto delphine conspicitur, adiecta epigraphe, quam incognitam Vir ille doctissimus nuncupavit: quae plane in hunc modum, ut vides, expressa est:

S I S + L V S hoc est 2 V V + 2 1 8

Ea-



Eadem fere est, quam in hisce Paestanis nummis signatam intuemur: nam littera S nihil est nisi 8 aliquantulum detrita; adeoque eam sic interpretor: PHISTLVIS: etenim mihi videtur Phesti Etruscum nomen fuisse Phaeftulus; gentile vero Phaeftilius. Auguror tamen ab Augustinio epigraphen illam inverso litterarum ordine forsitan exscriptam esse; cum ad normam aliorum numismatum scribendum esset, 2VJ†218: litteris a dextra ad sinistram excurrentibus; quamquam & e contra (cuius modi exempla non desunt) scribi potuerint.

Id vero mihi perquamgratum fuit, quod inde rem Nummariam Paestanorum novo hoc monumento cumulatam intellexerim. Sed nec cumulatam modo, verum & confirmatam; nam insigne Minotauri Campanis, & Lucanis Vrbibus, aliisque finitimis comune fuit, quo se a Cretensibus ortos profitebantur; unde etiam roborari videbatur suspicio illa mea, Paestanos nostros a Phaestanis Cretensibus derivasse. Accedit delphinis imago, quae maritimam Vrbem designat. Nec longe abiit Augustinus, qui nummum hunc illi orae attribuit,
per

per haec verba : *In aliquibus nummis plurimarum Vrbium Regni Neapolitani, Latinis, Graecis, & Oscis, Minotaurus conspicitur, facie tantum, & barba humana, cetera taurus.* Nummos vero Oscos appellat, *in quibus incognitae litterae reperiuntur; cetera vero aliis Neapolitanis assimilantur.* Incomptum vero caput Medusae referrem: seu potius, quia serpentibus caret, vel Pasiphae Minotaurei matri, seu Circe Solis filiae, cuius per ea littera maxima fama extitit, nisi in Musei mei Lucerna 89. Tom. I. caput Solis ita expressum intuerer, aurigae habitu effictum. Inscriptio haec praefens FISTLV, omnium maxime accedit ad nomen Vrbis Paestanae; sed, ut verum fatear, diminutive mihi videtur conceptum, quasi non Paestus, sed Paestulus, seu Phestulus dictum esse videatur: tradita forte ratione ad Phaestum Cretensium, unde profecti Coloni, Phestulum, sive parvam Phestum condiderint: quod etiam in aliis Graecorum Coloniis factum fuisse demonstravimus in Libro de Nominibus Vrbium & Locorum Italicorum. Huius vero inscripti nummi conjectura facile assequor etiam alterum, qui editus est in eadem Tab. num. I. ex Museo Goriano, & in quo idem plane caput observatur, licet litteris destitutum sit, Paestanis tribendum. Forte decurrens animal, Minotaurus est. Sit interim quidquid libet; omnibus aliter iudicandi ius esto. Area, per quam id animal decurrit, instar tortuosi serpentis, qui in nodum sinuatur, expressa est; cuius ratio nobis in occulto. Pluribus vero globulis exasperatur, casu ne, seu ad valorem designandum adiectis, mihi non constat. Haec tamen omnia ad excitanda potius Cultorum Antiquitatis ingenia, ut meliora proferant, quam ad instruendum me dixisse, denuntio; atque ut Gorio Viro ami-

cissimo morem gererem , & tuum mihi , NICOLE VIR AMPLISSIME , favorem ac benevolentiam tenui hac obsequii significatione conciliarem .

Pisauri , in meo Museo scribebam vii. Eidus
Apriles . ann. MDCCXLVIII .





IO. BAPTISTAE PASSERII PISAVRENSIS

*Protonotar. Apostol. & Regiae Societatis
Londinensis Membri.*

DISSE R T A T I O

D E

HELLENISMO ETRVSCORVM

A D V I R V M C L.

ANT. FRANCISCVM GORIVM

BASIL. BAPTISTERII FLOR.

P R A E P O S I T V M

*Eiusdemque Regiae Societ. Londin. Florentinae,
Etruscae, & Columbariae Membrum.*

Felicibus auspiciis venit ad Te, CLARISSIME GORI, quae Tibi omnino debetur, haec mea Dissertatio, sive Diatriba D E H E L L E N I S M O E T R V S C O R V M. Siquidem primus omnium, quum observas veterimas Etruscorum litteras, easdem esse ac antiquissimas numero xvi. Graecorum, idque probasses adlatis figuris, & schematis ex pri-

scis monumentis utriusque Nationis (1): adnotasse que Etruscos (exceptis Fabulis aliquot propriis, ac peculiaribus) convenisse cum Graecis in Fabulis exhibendis in suis seu Sculpturis, seu Picturis; inde hac face praelucente, multa detexisses; hoc amplius ope, & praesidio Graecae Linguae confecisti Interpretationem *TABVLAE EVGVBINAE*, Etruscis litteris scriptae, quae in Dempsteriano Opere numero II. adfertur; sed apud me, ut vidisti, est xi. ut ostendi in meis *Roncaliensibus Epistolis*: quam tamquam merae Divinationis specimen expendendam & probandam, vel improbandam Litterario Orbi obtulisti in Volumine Primo tui Musei Etrusci; editoque Etruscorum vetustissimo Alphabeto, earumdem litterarum potestatem ex scriptis monumentis, quae in Etruria effossa sunt, comprobasti; & antea iucognitam aliquot litterarum, nempe v & z potestatem, ipse primus aperuisti. Pro hisce igitur tuis aliisque egregiis in Litterariam Rempublicam meritis, has meas lucubrationes Tibi animo lubens sisto, voloque ut sit perpetuum mei in Te amoris & benevolentiae monumentum.

Occasionem, ut ingenue fatear, ad hasce eruditas epulas instruendas, suaviter hortans, immo amice impellens, mihi praebuit amicus noster Eruditissimus, & Clarissimus *PACI AVIVS*, qui proximis annis, quum Pisaurum divertisset, & me, breviusculo quidem, sed suavissimo temporis intervallo, praesentia sua beasset, una cum Ornatiissimo *OLIVERIO* nostro, quo Cive Vrbs ista perpetuo gloriabitur; quae eiusdem viri summa est in me benevolentia, non probavit solum, verum & lau-

(1) In Prolegomen. ad Tabulam Eugubinam in Vol. I. Musei Etrusci pag. XLVIU. & XLVIII. & in Vindiciis Alphabeti veterum Etruscorum.

& laudavit prospectum alterius Opusculi, quod animo dudum conceperam, de ETRVRIA HOMERICÀ, in quo ea Tuscorum Monumenta ordinaveram, in quibus divini Poëmatis Historia continetur. Fortasse labor ille meus in lucem iam prodiisset, Te auspice, mi GORI Amicissime, cui adhuc sub ascia illud dedicaveram, nisi interim subiisset animum, ut in Tabulas Dempsterianas nondum satis explicatas, PARALIPOMENA quaedam conscriberem, quae magna sui parte Etruriam Homericam absorbere visa sunt: quod continuo praestiti, fore sperans, ut brevi ea tibi perlegenda offerantur. Ne tamen interim spem tuam, & expectationem omnino fallerem, opellam hanc priori affinem perfeci DE HELLENISMO ETRVSCORVM, quae Tibi in praesentia sistitur: in qua quidem indubitate plura vestigia Graecae linguae per Etruscam ubique sparsa præ oculis subiiciuntur; adeo ut ex illis huius idiomatis origo, & natura quodammodo ostendatur. Quae vero nunc expendenda, Vir Doctissime, Tibi subiicio, ea sunt, quae ad rem sacram tantummodo pertinent, quae tamquam omnium maxime perspicua agmen ducunt. Cetera, quam per otium licebit, prosequemur.

I. Quod vero hoc argumentum tractandum sum pserim, id Cl. Paciaudi ingenio acceptum quoque refero. Quum enim Commentaria eius in Monumenta Cuprensa sedulo meditarer, ubi praincipue de DEA CVPR A mentio est, quo nomine Etrusci Iunonem appellant; quaerere incoepi, unde hoc illi inditum fuisset, & quid Etruscis significaverit: & primo quidem obtutu nihil aliud importasse credidi, quam si Bonam dixissent; nam scriptum legimus apud Varronem de Ling. Lat. Lib. iv. *Vicus*

Cyprinus a Cypro, quod ibi Sabini cives additi conferderunt, qui a bono omine id appellarunt; nam *Cyprum Sabine Bonum*. Fuisse vero Sabinam linguam Etruscae filiam, vel sororem, aut omnino affinem, & conterminam, nemo dubitaverit. Hinc propterea in suspicionem veni, *Deam Cypram* eamdem fuisse ac *Bonam Deam*.

Sed quia in re dubia haud facile acquiescendum est, textum Strabonis adeundum censui, ex quo huius Deae nomen excepimus. Sic ille Lib. v. *Dein Cuprae est Fanum conditum, dedicatumque ab Etruscis, qui Iunonem vocant CVPRAM*. Sed quia in Graeco texto ΚΥΠΡΑΣ, & ΚΥΠΡΑΝ manifeste legimus; *Cypram* potius, quam *Cupram*, vertendam fuisse evincitur: & quamquam obvia semper fuerit transmutatio Υ in V; nihilominus inane videbatur ad hanc metastasis confugere, quum ad vocis etymon assequendum plana erat via ex ipsomet nomine, quod passim *Veneri* attribuitur, quae *Cypris* vocatur a Latinis: quapropter, ubi nos analogiam inveniremus inter utramque *Deam*, quae satis prompta est, ut infra indicabimus; si intelligamus quid significet idem nomen *Veneri* attributum, facile quoque obtinebimus quid importet, ubi *Iunoni* tribuatur.

Unde *Venus CYPRIA* dicta sit, disputant veteres Mythologi. Putant aliqui a *Cypro* insula *Veneri* sacra fuisse nuncupatam. At horum opinio facile refellitur, quum eamdem insulam longe alio nomine ab Antiquis dictam intelligamus; nam Plinius Lib. v. Cap. 31. eius vetusta nomina recenset *Acamantida*, *Cerastin*, *Aspeliam*, *Amathusiam*, *Macariam*, *Crypton*, atque *Coliniam*. Addit Stephanus de *Vrbibus Amathusiam*, *Meionim*, & *Spheciam*: subditque *Philostephanus*, *Spheciam* appellatam, antequam *Venus* ad eius littora appulisset; unde facile

con-

coniectatur alterum ei nomen indidisse Venerem, quod inde ei loco stetit, & quo adhuc illum appellamus: quapropter potius a Venere Cypræ datum fuisse insulae nomen, quam inde acceptum reputamus. Idem fere observatur in ceteris locis, quae a Deorum contubernio nomen, & famam simul acceperunt, ut in Opusculo de nominibus Urbium Italicarum demonstrabimus. Rursus alii putant Venerem Cypriam nuncupatam a ΚΥΠΡΙΖΩ, quod est *germino*; unde etiam *cupressum*, & *cyprium*, aliasque non paucas plantas vocatas ferunt: recte vero haec significatio Veneri tribuebatur, quum generationis principium esse putaretur; quam vim etiam Iunoni attribuebant, quae partubus praeside-re ferebatur. Sed omnium maxime mihi arridet sententia illa, quae *Cypriam* Venerem dictam ferunt a ΚΤΕΙΝ ΠΟΡΕΙ, quod facultatem indicat partuum feliciter gestandorum; nam ΚΤΩ est *in utero gerere*; ΠΟΡΕΩ, dare seu concedere: cui opinioni adhaeret Festus in *Cypria Venus*, qui præ ceteris hanc probat: *quia parentibus praesidet, quod graece ΚΤΕΙΝ parere sit*. Etiam Giraldus in Historia Deorum Syntag. XIII. idem Veneris agnomen inde factum recenset, haec scribens: *Cypris Venus frequenti cognomine dicta, ut ait Theophilus, quod parere faciat, quod & Phurnutus innuit, idemque fere in Homerum Grammatici dicunt, hoc est veluti ΚΤΕΙΝ ΠΟΡΕΖΟΥΣΑ*: quod etiam firmat Phavorinus in hac voce allegatus a Tusano per haec verba: ΚΥΠΡΙΣ *Venus* dicta, quasi ΚΤΟΠΟΡΙΣ ΤΙΣΟ ΙΣΑ ΩΕ ΤΟ ΚΤΕΙΝ ΠΑΡΕΧΟΥΣΑ

Hinc colligimus Graecos, quum ΚΥΠΡΙΝ dicerent, idem fere intellexisse, quod Latini, quum *Lucinam* proferebant; hoc est potestatem quamdam, quae partibus feliciter egerendis praesideret: unde etiam

assequimur cur *Iuno Cypra* ab Etruscis dicta sit; ipsa enim non aliter ac Diana, eodem Lucinae nomine indigitata, hoc officium praestare putabatur. Varro Lib. iv. de Ling. Lat. Ideo videtur a Latinis *Iuno Lucina dicta*, vel quod *Terra*, ut Physici dicunt, iuvat, & lucet: vel quod ab luce eius, qua quis conceptus est, una iuvat, donec mensibus actis produixerit in lucem. Facta igitur a iuvando, & luce, *Iuno Lucina*, a quo parientes eam invocant: Et Cicero de Natura Deor. Lib. ii. Ut apud Graecos *Dianam*, eamque *Luciferam*; sic apud nostros, *Iunonem Lucinam* in pariendo invocant. Hinc etiam *Natalis* dicitur apud Tibullum:

Natalis Iuno sanctos cape thuris acervos.

Egeria quoque ab egerendo, ut Festo placet, dicta est. Quemadmodum vero Latini, quum Lucinam dicerent, nullum peculiare Numen indigitabant, sed attributum tantum, quod pluribus conveniebat; ita quum Strabo tradiderit, *Iunonem a Tuscis vocatam Cypram*, non de nomine proprio intellexisse credendum est; sed tantum de attributo: quum ceteroquin diversimode ab Etruscis appellatam fuisse constet ex inscriptis monumentis, quae suo loco indicabimus. Propria enim Deorum nomina inter Religionis arcana censebantur, quae non nisi Pontificibus innotescabant: forte ac etiam nulla erant; neque alio signo inter se distinguebantur, quam attributorum, quae dum alicui Poetae, vel usu populorum probata essent, rata, ac iusta habebantur.

Video tamen mihi bellum parari ab his, qui nullam affinitatem inter Graecum, & Etruscum idiomam inveniri posse asseruerunt: ex quo inique patriter, atque inaniter Te, mi Gorî, huius sententiae antesignanum criminati sunt: nempe ii, qui ita crediderunt, & de Etruscae linguae natura

atur disputare praesumpserunt , & extrinsecis potius , iisque nimium ambiguis argumentis dubitationem suam fulciverunt , quam ipsius linguae experimento : quam si sedulo attentassent , totam scatentem Hellenismo deprehendissent . Neque alia certe patetebat via ad hanc veritatem asequendam ; nam qui Etruscae gentis origines perscrutandas sibi constituerunt , ut viam sibi sternerent ad illorum linguam intelligendam , in duplice difficultatem incurserunt . Harum prima est ipsa Scriptorum ambiguitas , qui de huius gentis derivatione sermonem fecerunt . Qui praeterea de Etruscis quum loquuntur , numquam de universo Populo , sed de peculiaribus quibusdam Coloniis in Etruriam deductis intellexerunt . Nemini enim in Antiquitatibus perito persuasum unquam erit totum illum , ac tam grandem Populorum coetum , qui Etrusco nomine vocatus est , ex una eademque origine provenisse . Veteres Coloniae a satis modicis principiis processerunt ; nam ubi civiles discordiae , annonae caritas , populatio , exscidium , aut alia calamitas populos vexarat , pars illorum vel magis depressa , vel audentior , modicis paratis navibus , ad secoique Deorum oraculo ad spem credulorum confirmandam , novas sibi sedes tentabant potius , quam quaerebant : hinc , atque inde saepe saepius ab incolis propulsati , ut plerunque solet , non quae magis commoda , & opportuna forent , sed quae magis solitaria , atque inermia , loca deligere coacti sunt . Et revera quotquot in Etruria , in Campania , & magna Graecia Vrbes extiterunt , omnes fere diversam originem , aetatem , & Conditores habuerunt , quarum historiam diligent inquisitione prosequuti sumus in praefata Diatriba de *Nominibus Urbium , & Locorum Italicorum* : quam si per otium liceat ad finem perducere , brevi publicare meditamus .

mur. Hinc sit, ut inanis paene sit disquisitio de Etruscorum origine, qui a tam diversis principiis processerunt, ad linguam illorum intelligendam.

Quod ubi etiam assequeremur, alia nihilo minor difficultas insurgeret, ob penitus immutatam veterum Populorum linguam, eamque omnino ignoratam. Ubi enim constituerimus Etruscos ex Lydia processisse, quis unquam demonstrabit, quo idiomate veteres Lydi, illisque contermini Phryges uterentur? Vix enim ex omnibus Scriptoribus vicinas Phrygias voces superstites habemus, quae diligenter collectae, nihil fere cum Etruscis commune habent. Eadem fere observavi in pauculis aliis, quae ex lingua Punica relictae sunt. Multo plures remanent nobis ex vetere Aegyptia, quae tamen nihil omnino praestant ad finem hunc asequendum. Lingua quoque Phoenicum penitus excidit, nec pauca eius monumenta contemporanea sunt deductionibus Coloniarum; & si quae sunt posteriora, atque Syriacae linguae affinia, in hac re quidquam non praestant. Si vero vestigia aliqua ex enumeratis dialectis in Etrusca unquam recurrunt, haec potius primitivae linguae referenda sunt, cuius semina longe lateque dispersa in omnibus, quae inde derivatae sunt (quamquam corrupta saepe saepius deprehendantur) quae diligent studio prosequutus est Rabi David Provenzalius in Libro, cui titulus דוד אפלגה, in quo profitetur se innumeris fere voces ex Hebraica lingua superstites invenisse in Illyrica, Graeca, ac Latina: quod etiam de hac postrema observavi in Diatriba de *Hebraismo Latinorum*, in qua innumeris alias a Vossio praetermissas collegi. Ex quibus probe intelligis, Gorius PRAESTANTISSIME, Latinum idioma vix ab nepotem ab Hebraico computari.

Si tamen ab Historia Etruscae originis auxilia ultra expectanda essent ad eam linguam percipiendam, ea potissimum Hellenismo faverent, quum, ut plurimum, intelligamus Etruscas Urbes a Graecis, Cretensibus, & Pelasgis fuisse conditas, ut in eadem Diatriba *de Nominibus Urbium* demonstrabo: quae omnia in causa fuere, cur tu, CLARISSIME GORI, plus Graecae, quam ceteris linguis circa id officium praestandum detuleris. Id etiam multiplici experimento observavi circa Deorum Etruscorum nomina, quae cum paene omnia a Graeca lingua processerint; maxima inde suboriebatur suspicio totam quoque linguam Etruscorum ex Graeca, quum adhuc cruda, & inculta esset, processisse: non quidem ex illa, qua Graeci Scriptores usi sunt; sed utique antiquiore, dum adhuc Phoeniciam, & Aegyptum, unde processerat, resonaret; quod etiam in *Roncaliensibus* indicaveram. Referamus igitur singula Tuscorum Numinum vocabula, ut, illa *Dea Cupra* agmen ducente, HELLENISMVM profiteantur.

II. In patera Cospiana edita Mus. Etrusc. Tom. I. Tab. cxx. ubi ab erroribus repurgata, integritati suae tuis curis redditam est, & in qua Minervae ortus repraesentatur; huic Deae inscriptio addita est ΑΙΗΙΤ. Multi multa ingeniose de hoc nomine prodiderunt. Mihi aphaeresis est Graeci nominis ΑΘΗΝΑ; quod factum volunt ex Α, & ΘΗΛΗ, quasi sine mammilla, aut lacte educata; quippe quae adulta nata est. Tusci vero ex alio principio nomen ΑΙΗΙΤ, hoc est *Tinia*, adscire potuerunt; nimirum a ΤΙΝΑΣΣΩ, quod *concutere* significat; eo prorsus modo, quo ΠΑΛΛΑΔΑ, a ΠΑΛΛΩ, *vibrare*, dictam volunt Eruditi.

III. MINERVAE nomen fuit apud Tuscos, atque Latinos alterum eiusdem Deae vocabulum. Tyrhenis aliquando est ΜΙΝΕΡΒΑ, ut in Patera apud Dempst. Tab. II. & in altera, quae Tab. IV. publicata fuit. Alibi est ΜΙΝΕΡΒΑ, ut ibi in Tab. VI. rursusque alibi diversimode deformatum observatur: quod ego Cacographiae Etruscorum tribuendum censeo, quibus inter insculpendum litterae effugiebant; vel, praetermissis hastulis, corrumpebantur. Si tamen praecipuam utriusque nominis vim perscrutemur, unum atque idem illud est. Vigerit ne hoc nomen apud Graecos, nondum inveni; quamquam inde factum non dubitem, nempe a verbo MAINOMAI *fure*; unde MAINOΛΙΟΣ dictus est Bacchus, quasi *furens*, & MAINΑΣ Baccha, & MANIA *furor*. Nec fortasse a vero abhorret, Minervam dictam a MENOΣ, *fortitudine*; unde MENEΔHΙΟΣ *bellicosus*: & revera aliquando Minerva Tuscis fuit ΜΙΝΕΡΒΑ, quae littera Ι, quae plerumque q importat, etiam pro Graecorum Δ, aliquando usurpata est. Nostrates, ut a *Venus* effecerunt *Venereum*; ita a MENOΣ *Menereum*, & *Meneream* facile inflexerunt, epithetum nempe huic Deae aptissimum: ut enim alibi demonstravimus, Deorum, Dearumque nomina adiectiva magis, quam substantiva fuerunt.

IV. HERCVLES Graecis ΗΡΑΚΛΕΣ in patera Dempsteriana II. & VI. ΗΡΑΚΛΕΩΣ inscribitur, quae prioris nominis sincope est. Macrobius Lib. I. Cap. xx. Saturnal. etymon illius publicavit: *Hercules enim quid aliud est, nisi ΗΡΑΣ, id est, aëris ΚΛΕΟΣ, id est gloria.* Quae tamen derivatio ingeniosa magis, quam verisimilis mihi videtur: ut, si veterem simplicitatem respiciamus, illum magis ita di-

dictum reputemus; quasi Herōa, seu Genium clarorum gestorum, ab ΉΡΩΣ, & ΚΛΕΙΩ; unde ΚΛΕΙΑ, celebria, & clara opera.

V. Ad Ivnōnēm veniamas. Duobus nominibus audit apud Tuscos. Primum ex patera Cospiana patuit, hoc est ΑΝΙΑΟ. Quod quidem aliquando quasi ΘΑΛΕΙΑ dictum reputavi, quod Feminam importat: ac si antonomastice Iunonem Feminarum dignissimam nuncupaverint; hoc est Iovis Coniugem. Dum tamen haec animo volverem, forte incidi in Pausaniae locum in Boeoticis, unde Graeca origo Etrusci nominis manifeste deprehenditur; nam de Iunone agens, haec tradidit: *Templi Numen TALEAN, hoc est ADVLTAM Iunonem vocant.* Est igitur haec nostra ΑΝΙΑΟ eadem ac ΘΑΛΕΑ, a ΘΑΛΕΩ pubesco; in quo una tantum ratio inquirenda fuit, cur littera E in N mutata sit, quod nulli mysterio referendum censui, nisi quod patræ Cospiani Musei incisor, pro littera Η, seu Ε, litteram Η substituerit.

VI. Eadem Iuno in eadem Tab. I. apud Dempsterum ΣΙΛΑ dicuntur; in quo nomine parum laborabimus, ut Iunonis Graecam appellationem inventiamus, quod est HPA. Dictum ne sit ab EPA terra, vel ab AHP aér, ut opinatur Plato in Cratylō: seu potius ab EPATH, amabilis, quod sibi Iovis amorem conciliaverit, ut coniicet idem Plato, affirmari certo non potest. Ipsa dubietas, cum qua maximus ille Philosophus procedere videtur, quamquam & Graecarum Religionum, & patriae linguae peritissimus, clare ostendit quantum hae res occultae haberentur, & ut ipsos Graecorum sapientissimos latenter. Ne tamen videamur examen istud inten-

tatum praetermittere, a quo non modice vetus Mythologia illustratur, operae pretium est, ut commune Graecorum vitium, immo & Latinorum agnoscamus, qui propriae linguae origines, non aliunde quam ab eorum lingua expetendas esse duxerunt; quod praelertum contemptui simul, & ignorantio linguarum Orientalium attribuendum est, in quibus commode has nominum causas invenire potuissent: quamquam omnes, qui divini illius Philosophi immensam doctrinam perspectam habemus, facile persuasum habeamus, ipsum Aegyptiae, & Phoeniciae linguae peritissimum, facile rem assuequi posuisse; sed tamen praecavendum prudenter duxisse, ne Graecas Religiones a Phoenicia, atque Aegypto derivaret, a quibus ceteroquin Graecia tota, & legibus, & moribus discrepabat. In ea tam varia, tam multiplici, atque incerta disputatione, quam de nominibus Deorum instituit, clare ostendit, non quae ipse credidérit, sed credi opportuna reputaret, tradidisse, ne vulgi opinionem novitate perturbaret. Hinc tot & tam varias opiniones de cunctis Deorum nominibus retulit, &, quantum tempora ferebant, illustravit. At Plutarchus qui liberiore aetate floruit, in qua mutatis moribus haec Religionum arcana celsaverant, minime dubitavit ex Aegypto adscire non paucas eorumdem nominum significaciones; quippe qui Romae serviebat, cui totus aequa Orbis pari servitute famulabatur.

Sed, ut ad rem, Gor Amicorum suavissime, revertamur, haec Iunonis appellatio fortasse processit ab ΕΡΑΩ *amare*; unde factum est ΗΡΟΣ, per quod Caelestis Genius significatur; quamquam doctissimus Grammaticorum Hebraicorum Pagninius Heroas dictos putet ab הָרָה *herer*, quod subli-

me significat, & translate de hominibus quoque usurpatum; nam ubi transtulit illud Isaiae xxxiv.
12. *nobiles eius non erunt ibi*; reddidit *Heroes tui*.
Unde interim id nomen Iunonis Graeci exceperint, parum nobis refert. Id unum ad rem nostram sufficit, ut intelligamus ab ipsis Graecis illud Etruscos exceperisse; dein ab Etruscis Romanos, qui inde *Herum* & *Heram* effecerunt: quibus nominibus non modo *Dominum*, & *Dominam* significarunt; verum etiam, & Deorum promiscuum attributum: legimus enim apud Festum *Heram Marteam* unam ex Martis comitibus, & *Heram* pro Fortuna, ut apud Ennium v. Annal.

Vos ne velit, an me regnare Hera, quidve ferat sors,

Virtute experiamur:

& Plautus in Mercatore pro Fortuna dixit:
Neque Hera eadem est hominibus. Immo Catullus gemino in loco Elegiae ad Manlium, generico nomine Deos omnes *Heros* adpellavit.

Hostia caelestes conciliaasset Heros,

Quod temere invitisi suscipiatur Heris.

Sed, ut verum fatear, Graecis etiam id nomen promiscuum fuit; nam Pausanias in Arcadicis signa duo nobis memorat ex uno lapide excisa Cereris, & Herae; quanquam paulo post ipsam quoque Cererem hoc nomine dictam tradat: *Ceres tamen ipsa hoc Herae cognomen habet* Cuius tamen proprium nomen *Persephone* est ab Homero, & ante eum a Pampho usurpatum. His autem Herae nomen non est ausus ad profanos prodere. Vnde suspicamur grande aliquod mysterium in illo delituisse. Quae tamen huc usque diximus, viam nobis sternunt ad difficultatem aliam proponendam magis, quam dissolvendam: nem-

nempe Deam hanc, quae in hac patera hoc nomine appellatur, nudam omnino esse, licet monilibus, & armillis ornatissimam: qui cultus Venerem potius, quam Iunonem videtur indicare. Et revera Iuno in aliis monumentis, seu Tuscis, seu Latinis: nunquam nuda conspicitur, etiam cum Paridi diiudicanda sistitur Mus. Etrusc. Tom. I. Tab. cxxvi. & cxxviii. & Domestigar. Lucernar. Tom. II. Tab. xvii. Nec Venus ab hoc praesenti typo aliena esset, in qua Herculis Apotheosis exprimitur, ob illas potissimum rationes, quas infra, dicturi de Hercule, referemus. Praemitendum tamen duximus, atque exemplis confirmandum, id Herae nomen commune multis extitisse, nec propterea a Venere fuisse alienum, ne in hac imagine Iunoni vindicanda, inani labore detineamur. Quaecumque interim ea sit, Tuscum nomen Graecam originem profitetur.

VII. Hucusque Iunonis imaginem contra omnium opinionem in dubium revocavi, ut Veneri potius tribuenda reputetur. Detur nunc mihi, ut pari studio veritatis, Tethidem in eadem patera expressam, & nemini adhuc in dubium positam, non modo anticipem, sed & omnino ab ipsa diversam, demonstrem. Dea est tunicata, & ingentibus alis munita, apposito nomine:

2103

quod omnes haec tenus *Thetis* legendum crediderunt; nam iterum in Tab. xci. apud Dempster. in qua Tethidis raptus repraesentatur, 21030 inscriptum est; sed posteriore hoc loco, & Historia, & scriptura nullam admittit difficultatem.

Sed

Sed in patera , de qua sermonem instituimus , neque historia , neque inscriptio illi congruit ; nam nullas partes habuit in Herculis apotheosi , neque pinnae illi conveniebant ; nec inscriptio legenda est THETIS , sed ETHIS . Vero igitur magis accedit sub hac imagine Aeternitatem significari , cui Pallas Herculem sistit : neque de subiecta , ac minutula litera o , habenda est ratio , quam ego metalli vitio potius , quam scripturae attribuo , ut observatum fuit in consimili littera interposita nomine ΘΕDKΟΛΕ in Patera Ansideana , apud eundem Dempsterum Tab. vi. Si enim in praesenti hoc monumento vicem litterae obtinuissest , nec ab ordine deturbata esset , nec mole diminuta ; nam spatii angustia postremas litteras potius , quam primas , e linea deturbavit , ut in Tabulis Eugubinis , & Sarcophagis observamus . Neque illud obiiciatur Scalptorem admissi erroris consicum , ut sphalma emendaret , illam ita subiecisse ; nam si adeo cautus ille extitisset , etiam literam E , quae deest in proximo nomine ΑΞΩΝΑΙΜ , superaddidisset , ut monstrum illud avertisser contra communem Tuscorum usum , quibus illud numen ΑΞΩΝΑΙΜ est , ut in patera quinta , & sexta eiusdem Operis . Haec igitur nostra ΣΙΟΞ est ipsa AETAS Latinorum , unde Aeternitas . Ea vox Graecis ΕΘΟΣ est , qua annum significant , ab Haebreis omnino mutuata , quibus ηγ het , significat aetatem . Quapropter probabile est Etruscos hanc ΣΙΟΞ adpellationem non pro anno simpliciter usurpare ; sed metaphorice , pro toto aevo ; quemadmodum Graeci usurparunt ΔΙΑ ΒΙΟΥ , pro ΔΙΑ ΠΑΝΤΑ ΒΙΟΥ aetatem , pro omni aetate ; quod etiam a Latinis factum esse probat Vossius in Aevum . Sed

ne vel minimum miremur, Etruscos Aeternitatis nomen a Graecis excepisse, est in promptu alterum exemplum Etruscae dictionis ΗΑ, quae aevum Latinorum importat; nam notis numerabilibus aetatem indicantibus semper coniungitur. Est vero ΗΑ a Graeco ΑΙΩΝ, quod *aevum* significat. Haec tamen circa id nomen ΣΙΟΞ dicta sint, quatenus recte scriptum esse reputemus; sed maxime dubito alterum mendum in hoc nomine admissum, nec ΣΙΟΞ, sed potius ΣΙΞ scribi debuisse ad Herculis coniugem *Eben* designandam; quae pariter alata est in Vase Etrusco Musei Caesarei, ut fusiū indicavi in *Paralipomenis Dempsterianis* brevi prodituris, in quibus hanc pateram diligenter explicavi. Sed ubi etiam admittamus in hac imagine, non *Aeternitatem*, sed *Eben* contineri; sustineri etiam potest Inscriptio ΣΙΟΞ; nam *Ebe* eadem ac *perpetua Iuventa* habebatur.

VIII. MERCVRIVS in patera II. eiusdem Operis adpellatus cernitur ΣΜΔΥΙ: in altera vero, quae Tab. v. exhibetur, ΣΜΔΞΩ: ex quo posteriore loco intelligimus in priore littera ΥΙ irrepuisse pro ΞΩ, sive ΞΗ; adeoque citra haesitationem est ipsum EPΜΕΣ Graecorum, cuius significatio communiter desumi solet a verbo ΕΡΜΗΝΕΙΩ, *interpretari*, ac *annunciare*: quae officia ipsi tribuebantur, quod Deorum Nuncius haberetur. Huic opinioni favet Diodorus Siculus Lib. i. Cap. ii. *Mercurius Graecos docuit verborum interpretationem*; unde & ipsum *Hermea*, hoc est, Interpretē adpellaverunt. Et Macrobius Satal. Lib. i. Cap. xvii. circa huius nominis significationem ita loquitur: *Quia sermo interpretatur, cogi-*

D E N V M M . E T R . P A E S T A N O R . si
cogitationes latentes, ΕΡΜΗΣ ΑΙΠΟΥ ΕΡΜΗΝΕΙΝ,
propria appellatione Mercurius vocatus est.

IX. BACCHVS in eadem patera Tab. II. appellatur ΑΙΝΙΤ. Fuere aetate nostra, qui mirum in modum ingenium vexaverunt, ut huius nominis derivationem assequerentur; sed inde toto caelo aberraverunt: & quidem planissimum erat illud deducere a vulgato eius cognomento ΘΕΟΙΝΟΣ: unde ΘΕΟΙΝΙΑ dicta erant Bacchanalia, & ΘΕΟΙΝΟΝ eius Templum, ut habetur apud Hesychium. Ex eodem themate facile processit, vel saltem illi consonum est, vulgare eius epitheton ΘΥΩΝΕΤΣ, quod alii factum putant a ΘΥΩ sacram peragere, ob mystica illa initia toto orbe frequentata, quae in eius honorem celebrabantur: seu, ut aliis placet, ab eius matre Semele, quae etiam ΘΥΩΝΗ dicta est; quibus adhaeserunt Hesych. atque Lutatius vetus Statii Scholiast. in illud Theb. v.

Tum primum sese trepidis sub nocte Tyoneus.
Et omnium primus tradiderat Diodorus Siculus Lib. iv. Cap. v. Alii demum a ΘΥΩ furere; unde Bacchae ΘΥΑΔΗΣ, nomen deduxerunt.

X. APOLLO in patera eadem ipsius scriptus est ΑΓΓΛΩ, rursusque per syncopen dicitur ΥΓΙΑ, in altera sequente Tab. iv. Est vero ipse ΑΠΟΛΛΩΝ Graecorum; quod nomen alii factum volunt ab ΑΠΟΛΑΤΩ, perdere, seu *vastare*, quod Sagittifer haberetur: seu ob igneam radiorum vim, quae nisi temperetur, omnia adurit. Plato in Cratyllo dictum putat a verbo ΒΑΛΛΩ, *emittere sagittas*, atque *ferire*. Chrysippus apud Macrobius Saturnal. Lib. i. Cap. xvi. nominatum cre-

dit a negativa A, & ΠΩΛΛΑΣ, quasi *non multiplicem*, immo *unicum* dixeris; qua de re Latinī Solem, quasi *solum* nuncupaverunt. Multa praeterea alia de hoc nomine apud ipsum perhibentur; multoque plura apud Platonem, qui omnia pene officia eius Numinis in eiusdem nominis virtute, & significatione perquirit. Quae inconstantia, ut supra diximus, clare ostendit veram nominum rationem apud paucos Doctos delituisse, qui illam prodere nefas duxerunt: seu potius omnino ignoratam; eo quod a lingua aliqua dependenter, quam Graeci minime frequentarent: quapropter non sine magna ratione dubitari potest id nomen Graecos accepisse ab Aegyptiis, quibus APIS, idem ac Sol habebatur. Sed haec fuisus examinabimus in libris *Indigitamentorum*, qui ad veterum similitudinem, Origines Deorum, eorumque Nominum rationem continebunt; cuius Operis specimen cum Viro doctissimo IOANNE FRANCISCO ZACHARIA Societas Iesu communicatum, ille non modo adprobavit, verum & in Itinerario suo ad Eminentissimum S. R. E. Cardinalem Bibliothecarium QVIRINVM inscripto, publice denunciavit.

XI. Patera superius recensita Tab. iv. viam nobis aperit eleganti disputationi. Quatuor Numina in hac exprimuntur. Minerva, cui ΑΓΓΙΡΙ superscriptum est, Apollo, cui ΟΥΓΙΑ, quos propterea citra haesitationem ullam perspectissimos habemus; sed non ita de ceteris duobus, femina nempe, cui epigraphe imminet ΙΑΡΥ†, & iuvene nudo, cui inscriptum legitur ΙΑΡΑΙ. Hunc typum in Roncaliensium ix. aliquando ad examen revocans, putavi haec lemmata fuisse trans-

posita non ad imaginem significandam, sed tantum ad indicandum quibus Numinibus ea patera fuisset dedicata; parum enim referebat an ordo inscriptionis rectus esset, an perturbatus: quapropter *Turan*, Martem esse credidi, qui *Thurius* etiam cognominatus est; feminam vero *Laran-dam*. At secundis curis, re maturius perpensa, ordinem scripturae minime inversum esse, sed recte servatum recognovi; nam *Laran* ipse Mars est, ita per prostern dictus a Graecorum ΑΡΗΣ. Vox ista apud ipsos multiplicem notionem habet, & importat etiam *bellum*, *ferrum*, *vulnus*, & *morte-m*, ut multiplicibus exemplis ex Homero, & Sophocle cumulatis probant Grammatici. Plato in Cratylo dictum putat ab APPEN, *masculus*; seu ab ANΔPEIA, ut valeat *fortitudo*. In Indigitamentis coniecturam adducam Graecos ab Orientalibus id nomen excepisse. Quod ad rem pertinet, *Laran* Tuscorum a Graecis exceptum est.

XII. Mulier nuda, quae ΗΛΩΤ Dicitur, VENVS est, ipsumque nomen per aphaeresim deductum est a celebratissimo eius Deae cognomine, quo apud Graecos colebatur. Strabo Scythiam Moeoticam describens, memorat insigne Templum VENERIS APATVRIAЕ: quam ita dictam volunt, quod singulos Gigantas fefellerit, donec cunctos in manus Herculis occidendos tradiderit; nam ΑΠΑΤΑΩ fallere est, proindeque ΑΠΑΤΟΥΡΡΟΝ eius Templem adpellat Stephanus de Vrbibus, qui & ipse eandem fabellam de Gigantibus Herculi ab ipsa proditis recenset lib. xi. Quae potissima causa est, cur in patera Musei Gherardeschiiani, in qua Herculis Apothesis delineata cernitur, Venus interve-

D, niat,

niat , tanquam testis Herculeae virtutis , atque benefactorum , quibus non homines modo , sed & Caelites quoque sibi devicerat At Pausanias in Corinthiacis mentionem facit Minervae *Apaturiae* , quam & ipsam ita nuncupatam tradit ob fraudem quamdam , cuius recenset historiam : atque ob similem casum Suidas in ΑΠΑΤΟΥΡΙΑ , institutam fuisse refert ita dictam solemnitatem . Nec est cur miremur usque a Moetide id nomen in Italiam concessisse ; quum inde etiam sacra Cabiria adscita sint , ut probant Tabulae Eugubinae , in quibus modo Iupiter , modo Mars *Cabiri* appellantur .

Gemini DIOSCVRI in altera patera Tab. vii. eiusdem Operis sunt ΑΥΓΑΚ , & ΕΚΝΤΙVΙ , quorum postremus est ΠΟΛΥΔΕΥΚΗΣ Graecorum , in quo dialecti diversitas Graecani Δ , ut in ceteris , mutavit in Τ . Ita vero dictus fuit a ΠΟΛΙΣ & ΔΕΥΚΟΣ , multitudinem dulcedinis significans , ut placuit Natali Comiti Mythol. Lib. viii. Cap. ix.

XIII. CASTOR vero Tuscis ΑΥΓΑΚ est ipsum Graecum nomen ΚΑΣΤΩΡ dictus , ut putant a ΚΑΣΙΣ , quo *frater* , vel *coetaneus* significatur ; eo quia unico partu cum Polluce natus sit .

XIV. Postremum Tuscorum Numinum , quod in pateris inscriptione insculptis , occurrit Mul. Etrusc. Tom. i. Tab. 86. est VICTORIA , nempe , seu Genia alata , quae Minervae sistitur . Nomen quod illi adiunctum cernitur est ΦΕΛΑΣΑJ est : quod ex duplice voce constat LASA , & VECV . *Lasam* etiam veteres Latini *Laram* dixerunt , ut *Lasem* , *Larem* . *Vecu* vero est ipsa Vica , quo nomine
Vito-

Victoriam intelligebant, ut fuse per nos dictum est in Roncaliensibus. Nil igitur sibi vult haec inscriptio, nisi *Lara Victoria*. Latrem enim omnem fere Deum dixerunt, ut pariter in iisdem Roncaliensibus ostensum fuit, & multiplici exemplo comprobatum, ut id quodammodo commune Deorum attributum videatur. *Vetu* vero est ipsa Graecorum NIKH, quae vox coaluit ex NE, & EIKΩ non cedere; unde NIKAΩ, *vinco*.

XV. Obtulisti mihi nuper, CLARISSIME GORI, alterius Etruscae paterae nondum vulgatae schematismum, in qua Solis, & Lunae capita globo caelesti interposito conspicuntur. Priori lemma superpositum est ΗΥΥΙΑ, posteriori vero ΑΙΑΙ. Prior & ipsum nomen Apollo per syncopena decurtatum; notandum tamen est, Etruscos Apollinem, & Solem confudisse, cum ceteroquin maximae auctoritatis Scriptores diversa Numina fuisse tradiderint. Obscurior tamen est ratio, cur Luna *Lala* adpelletur. Antiquis Latinis LOSNA dicta fuit, ut est in patera Musei Kircheriani: valde tamen dubito ne Etruscus incisor lineolam prae-termiserit, ita ut LALA, pro LANA irreperscrit; nam & *Lana*, & *Luna* aphaeresis est Graeci nominis ΣΕΛΗΝΗ, quod factum creditur a ΣΕΛΑΣ *splendor*, & *lux*; forte ac etiam *Luna* est ΛΟΥΝΟΣ, *splendidus*, ut exponit Hesychius: quae derivatio omnium mihi videtur planissima; quamquam improbabile non sit id nomen ex Oriente descendisse; nam a לְבָנָה labani *albus* fit לְבָנָה *Levana*, per quod Luna significatur, ut est apud Esaiam Cap. xxiv. 23. & Cap. xxx. 26., quae forte eadem Dea Levana fuit, cuius meminit Di-

vus Augustinus Lib. iv. Cap. xi. de Civ. Dei , cuius cura versabatur in pueris e terra levandis ; quale officium Lunae etiam , quae & Lucina , attribuebatur . Non desunt tamen rationes , quibus huius paterae scriptura defendatur ; nam invenimus eiusdem nominis Infernam Nympham extitisse , quam Iupiter , detracta lingua , quod eius amores patefecerit , a ΛΑΛΕΩ , quod est *blateare* , *Lalam* nuncupari voluit , quae eadem est ac Maia , Lara , seu Larunda , Larum Mater , de qua multa diximus in Roncaliensium ix. quamquam ibi & nominis , & fabulae originem ex Oriente expetendam duxerimus . Quia vero analogia aliqua cum Inferna hac Nympha. , & Luna , quae & ipsa Infernum Numen est , intercedebat ; facili negotio hinc inde haec nomina , seu potius attributa , ad invicem permutata sunt .

XVI. Tabulae Eugubinae multa insuper Deorum nomina perhibent , quae alibi fortasse non occurunt . Hos inter primum locum occupat Iupiter , qui invocandi casu adpellatur DI ; ut DI GRABOVIE , & ΑΗΒΡΑ ID . Id nomen genericum est , & nil sibi importat , quam *Deum* , quod antonomastice Iovi tribuebatur , sive quia tanquam adjunctum illi dari solebat , dictusque inde *Diespiter* , seu *Dispater* . Id vero Tusci a Graecis mutuati sunt , quibus ille ΔΙΣ est . *Esoni* cognomen , idem est ac dixeris *Fatalem* , seu *Fatipotentem* , ab ΑΙΣΑ , *Fatum* , *Sors* , *Parca* , ut apud Graecos *Moeragetes* , hoc est *Parcarum Dux* dictus est , ut apud Pausaniam in Eliacorum posteriore .

XVII. Alterum eius nomen est ΕΡΒΙ, de quo integrum Dissertationem aliquando exaravi. Omnium tamen credibilior coniectura est, ipsum nomen inique detortum ab Haebreorum Tetragrammato, quod Graecis haud tarde innotuit; quamquam ex verae pronunciationis ignoratione aliquando IABΩ, quandoque & IAΩ proferendum putaverint: de quo postremo nomine iactari solet luculentum illud Claria Apollinis oraculum, quod exscripsit Macrobius Saturnal. Lib. 1. Cap. xviii.

Dic omnium supremum Deum esse IAΩ:

Hieme quidem Plutonem, & Iovem vere incipient,

Et Solem aestate, Autumno vero mollem IAΩ.
five tamen IAΩ, five IABΩ Graecis existiterit,
inde Tusci suum ΕΡΒΙ, indeque Latini *Iovem*
exceperunt.

XVIII. Inter Tusca eius attributa *Pater* etiam connumeratur, ΑΘΑΙΑΕΡΒΙ. At *Pater* est ipsum Graecum ΠΑΤΗΡ.

XIX. *Acherunium* quoque adpellant *Iovem* eadem monumenta, in quibus legimus ΕΙΝΨΑΚΑ. Hanc vocem multiplici coniectura explicavi in eisdem Roncaliensibus; sed fortasse omnium virorem praetermis; quod nempe *Acheranius* esset idem ac ΚΕΠΑΤΝΙΟΣ ΖΕΤΣ, *Iupiter Fulgorator*, a fulmine ΚΕΠΑΤΝΟΣ.

XX. Saepe etiam *Iupiter Ocrius* adpellatur, nempe ΙΨΚΥ. Id epitheton *Montanum* interpretamur, ab ΟΚΠΙΑ, *saxo*, vel *monte*; unde Latini suum *Ocrim*, pro *monte*, vel *arduo loco* acceptum,

runt; unde diminutive *Ocriculum*, pro *monticulo*, seu *colle*. *Montanum* vero Iovem *Iguvini* potissimum venerabantur, quem, ubi Latinam Linguam exceperunt, *Apenninum* dixerunt, cui dicata arula, quae nuper ibi servabatur, quae mox in Museum Veronense concessit.

XXI. Cum *Ocrio* etiam *Phisius* saepe copulatur, qui Tusce inscribitur ΖΙΖΙΣ, quod pariter attributum Iovi datum observamus a Lycophrone, apud quem legimus ΦΙΞΙΟΝ ΔΙΑ *Iovem Fugitivum*: eoque cognomine nuncupatum etiam videimus ab Apollonio iv. Argonaut. quod quidem Scholiaстae interpretantur *Custodem fugitivorum*, illorumque praeterea, qui ad eius aram confusissent. Sed sub hoc nomine facile latet alterum Iovis attributum. Theon apud Gyraldum in Deorum Historia mentionem facit Iovis *Physici*, qui idem ac aër reputatur, a ΦΙΣΑΩ *flare*; unde ΦΙΣΕΜΑ *flatus*: nisi potius dictum velimus (nam res satis obscura est) a ΦΥΩ, *nasci*; unde ΦΥΣΙΚΟΣ *naturalis*; ac si dixerimus *Datorem*, atque *Auctorem vitae*.

XXII. *Orium* etiam Iovem agnoscimus sub duplice illa voce ΖΑΨΥ, atque ΥΤΑΨΥ, quo cognomine dudum Graecis Iupiter innotuerat, apud quos ΟΡΙΟΣ est, nempe *Terminalis*, seu *finium Custos*. Eius meminit Plato in Legum viii. Demosthenes insuper, atque Pollux. Eius cultus etiam ad Romanos traductus est; nam, testante Dionys. Halicarnass. Rex Numa Iovi Terminali terminos consecravit; sed in hoc etiam attributo consuetam veterum inconstantiam pernoscamus; nam Pau-

Pausanias in Corinthiacis Templum observat Apollinis Orii, cuius denominationis originem profiteretur se ignorare. Coniicit tamen ita dictum ab iis, qui quum terminos hostium invassissent, eos sibi custodiri ab eius Numine postulabant; nisi potius id attributum Apollini cessit ab Aegypto, ubi Horus *Sol* dicebatur: in quo etiam, ut in plerisque, consonavit lingua Aegyptia cum Hebreia, in qua בָּרְקַת bor, lumen significat; immo aliquando ipsum Solem, ut est apud Isaiam Cap. v. num. 30. ut ostendimus in Dissertatione de *Hebraismo Aegyptiorum*, in qua singulas illorum voces nobis superstites ad examen revocavimus, ut maximam illarum affinitatem cum Hebraicis ostenderemus; & ut ex illarum fonte eas processisse, haud ambiguo iudicio videatur.

XXIII. Inter cetera Iovis cognomina, quae in Tabulis Eugubinis observantur, recensetur etiam ΟΣΙΟΣ, quod Graecis *Deum* significat.

XXIV. Accedit alterum PERSE. Apud eosdem Graecos Palladi hoc cognomen tribuebatur, quae apud Aristophanem dicitur ΠΕΡΣΕΠΙΤΟΛΙΣ, *Vrbium vastatrix*, a ΠΕΡΘΩ *vasto*.

XXV. *Tephrus* Iupiter ~~I~~^{VI} ~~IX~~^{XI}, obvius est in iidem Indigitamentis, illique respondent *tria tephra*, hoc est *tres manubiae*, quae illi a Disciplina Fulgurali tribuebantur, quaeque expiantur *tephralibus piaculis*, hoc est *fulguralibus*, quibus fulmina vel deprecabantur, vel avertebantur, seu potius condebantur. Est autem *Tephra*

p̄phrus a ΤΕΦΡΟΩ in cinerem ago, quasi a ΤΥΦΩ uro.

XXVI. *Trebūs* inter alia eius epitheta recensetur, diciturque ΤΙΓΥΙ ΤΑΞΑΡ; id vero & ipsum Graecum est a ΤΡΙΒΩ, *adurere*, & *in cinerem convertere*.

XXVII. Tribuitur quoque Iovi attributum NEPITV. Anne idem est ac Latinorum *Nubicogus*, & Graecorum ΝΕΦΕΛΕΓΕΡΕΤΑ ΖΕΥΣ, *nubium congregator Jupiter*, saepe ab Homero memoratus, a ΝΕΦΕΛΗ nube?

XXVIII. Subditur alter *Ninētu*, a NIOΩ, *ningere*: quae cognomina minime ab ipso aliena putanda erunt: nihil enim sunt, nisi aeris perturbationes, quarum potestatem ipsi Iovi, hoc est medio aëris spatio referebant; unde Latini *Tonantem*, & *Pluvium* dicere solebant.

XXIX. *Sonitu* quoque, hoc est *pestrepentem* nuncuparunt nostri Iguvini, a ΦΩΝΗ, quod Itali *sonum* dixerunt. Haec vero denominatio respondet, ut mihi videtur, *Brontonti*, seu *Tonanti*.

XXX. Recurrit saepe saepius Jupiter OSTATIR, atque ANOSTATIR, quam expressionem nullus dubito significare, & esse a verbo *ferire*, *feritorem*, ut novitio vocabulo utar, ad vim Tuscae vocis exprimendam. Dicamus, si mavis *Hofstatorem*, ab *hostire*, quod *ferire* significabat, ut est apud Festum. Haud tamen facile est invenire huius vocis Graecam originem: ipseque Vossius, quanquam docte, ut semper, de huius vocis origine multa protulerit, haud tamen punctum tulit. Coniecturam

ram tamen aliquam de illa subdere non dubitavero. ΩΣΤΙΣ Graece *impulsor* est; unde ab Aristotele in Lib. de Mundo, terraemotus nuncupantur ΣΕΙΣΜΟΙ ΩΣΤΑΙ, *terrae impulsores*. Igitur ab impetu, atque irruptione, qua inimici aliena invadunt, *hostes* dicuntur; & victima, quae ipsis caesis feriebatur, *hostia dicta* est, ut manifeste probat Ovidius Fastor. i.

Hostibus a victis hostia nomen habet.

Quia vero hostes necantur; hinc effectu pro causa usurpato, usu invaluit, ut *hostire*, pro *ferire* diceretur. Vt cunque tamen se res habeat, atque in alterutrum sensum *feriendi*, seu *quatiendi* Tuscam vocem trahere velimus, utique a Graeco est: si tamen in ea Latinorum STATOREM agnoscamus, nihilominus ex eodem fonte descendit; nam ΣΤΑΣΙΣ, ut ait Cicero, statum illum significat, *in quo defensor primum insistit ad repugnandum*: quapropter Romulus, ubi Romani a Sabiniis fusi ad rebellandum constiterunt, aedem Iovi *Statori* ponendam censuit.

XXXI. ANOSTATIR nihil fere est, quam reduplicatio, & augmentum praecedentis attributi, adiecta particula ANA, quae *super*, atque *iterum* significat; quapropter OSTATIR, ANOSTATIR importat *ostatorem*, & *superostatorem*.

XXXII. Alterum exemplum huius formulae occurrit nobis in consimili Iovis epitheto SIHITIR, ANSIHITIR, quod a ΣΟΤΗΡ, *Servator*, significat *Servatorem*, & *Superservatorem*, seu mavis *plusquam Servatorem*. Iovem hoc attributo *Servatoris* cumulatum fuisse, ostendit saepe Pausanias in Corinthiacis, & Laconicis.

XXXIII. MARS in Tabulis Eugubinis inscribitur ΑΤΡΑΜ. Est autem ipsum ΑΡΗΣ Graecorum, praeposita particula *ma*, quae peculiare indicium divinitatis importat, ut in Roncaliensibus dictum est, & multipli exemplo comprobatum. Quapropter Sabini MAMERTEM illum dixerunt: & Latini, traiecta per sincopen syllaba, *Martem*; immo ipsum *Mamers* Graecum est; nam Mars apud Lycophronem ΜΑΜΕΡΤΟΣ nuncupatur.

XXXIV. Non pauca quoque epitheta eidem Numini Eugubinae Tabulae attribuerunt; horum primum est MARTIER TVRTIA, ut in Tab. II. quod ipsissimum est ΘΟΥΡΙΟΣ ΑΡΗΣ, dictum a ΘΟΥΡΟΣ, seu ΘΟΥΡΙΟΣ, *Pugnax*, & *Impetuofus*. Hoc titulo Mars donatur apud Homerum, & Aristophanem. Ceterum in iisdem Tabulis etiam Iupiter adpellatur TVRSITV, nec quidem incongrue; si Iovem agnoscamus sub idea Fulgoratoris, aut Gigantum Expugnatoris.

XXXV. Occurrit quoque ibidem Deus NERVS, & NERE, seu interim feminei sexus exstiterit; cuius Numen eandem Martis NERIENEM esse suspicor, quae ita Graece dicta est a *vi*, qua bella geruntur, atque illa comitatur; unde Veteres *Nerienem* Martis comitem commenti sunt. Ita autem dictam volunt, quod Graecis NETPA *nervi* sunt, per quos corpora *vim* suam exercent. Haec vero Dea *Nerus*, seu Deus *Nerus* dupli epitheto, & ipse decoratur SIHITIR, & ANSIHITIR *Servatoris*, & *Superservatoris*.

XXXVI. Idem Numen in praelaudatis Indigatamen-

mentis altero quoque attributo cumulatur ; nam *Herus* dicitur, quod ego Latino verbo consonare nullus dubito ; nam habuere *Heram Marteam*, quae, ut ait Festus : *Vix ex Martis comitibus esse putabatur.*

Hanc multi ab *herili* dignitate, quasi *Dominam* dixerint, putant esse adpellatam ; alii vero ab *hereditate*, quam ubi quis adeptus esset, eidem *Numini sacrificium* offerebat, ut ex Festo constat: quanquam non dubitem utrumque vocabulum ex eodem fonte descendisse, eo quod *hereditas herum* faceret, hoc est dominium transferret. Vt cunque sit, *herum* Graecos pro *domino* aliquando usurpasse, constat ex Pausania in Arcadicis, qui eamdem Deam Cereri coniunctam, modo *Dominam*, modo *Heram* nuncupat, nisi lapsus sit Amasei Intepretis; nam Graecum textum ad manus non habeo. Si vero corruat postrema haec auctoritas, non deest altera, *Herum* esse ab EPA *Terra*, e cuius possessione quis Dominus efficietur.

XXXVII. Praecedenti titulo divinitatis saepe saepius NOMNE copulatur. Id attributum est a NEMΩ, *pascere*, *regere*, *distribuere*; unde NO-MEVΣ *Pastor*, & NOMIOΣ *Pastoralis*, epitheton Apollini attributum, ut Phurnuto, & Macro-bio placuit, quod Admeti pecora paverit; seu quia Sol Terram foecundet, atque homines pascat. Cicero in II. de Natur. Deor. Apollinem vocat *Nomionem*, quasi Legislatorem, a NOMOΣ *lex*, *mos*, *disciplina*.

XXXVIII. MARTI simul, & IOVI titulus Chabiri adsignatur, hoc est ΧΑΙΛΑΚ: quam vocem Etru-

Etrusci a mysteriis Samotracum acceperunt, illamque communicarunt etiam ceteris Diis, qui in Cabirorum numero non censebantur. ΚΑΠΙΡΟΣ quidem Graecis nullam reddit ideam religionis; nec quidquam commune habet cum hac praesenti notione; nam *ignitum* significat: tamen liquido constat Cabirorum religionem, & nomen Graecis fuisse familiarem, ut liquet ex Pausania in Boeoticis, ubi multa de hisce mysteriis mentio est, ibique meminit *Cabiriae Cereris*, & Proserpinae. Mihi vero ea vox, ut dixi in Indigitamentis, ex Haebreo est; nam **אָבָרְנָה**, *invalescere*, & *potentem esse* sit: **גַּבִּירָה** Ghebir, *Herus*, *Dominus*, & **גַּבִּירָה** Ghebira, *Augusta*, *Domina*, *Regina*: nisi potius derivandum censeamus a **כְּפָר** *expiare*; quod per haec Cabiria mysteria animae expiarentur.

XXXIX. CVRETES etiam adumbrantur in voce KVRETIES. Id nomen, & religio penitus Graeca est; nec enim aliquis reperitur ex Historicis, aut Poetis, qui Curetum memoriam non fecerit. ΚΟΤΠΕΤΕΣ graece *potentes* importat: inde Italia fere tota exceptit, ut ad Senatum indicandum *Curia* diceretur, urbesque illas in quibus coetus haberentur, inde nomen acciperent, ut *Cures Sabinorum*, *Cora* in Latio, ceteraque, quas in Dissertatione *de Nominibus Urbium* attingemus.

XL. MARS in hisce Indigitamentis FONER appellatur, a Graeco ΦΟΝΙΟΣ *sanguinolentus*, aut *occisor* a ΦΟΝΟΣ, *caedes*. Idem Deus ab Orpheo in eius hymno nuncupatur ΑΝΔΡΟΦΟΝΟΣ: neque id attributum Graecis tantum innotuit, quin Italiam non pervaserit; etenim in Ara Aquileien-

leensi a doctissimo Canonico Bertolo vulgata, legimus MARTI FONIONI.

XLI. Inter ceteros Deos, qui in hisce Tabulis indigitantur, numeratur etiam FOSSEI, qui meo iudicio a ΦΩΣ, *lumen* dictus est. Latini *Luctum* dixissent: attributum, ut cetera, commune Diis cunctis, quibus lucis potentia referebatur. Quem tamen praecipue intelligerent sub hoc vocabulo, adferere non valemus. Sed facile vel ipse Sol est, vel ΦΩΣΦΟΡΟΣ, *Lucifer*, qui in Etrusci Vasis pictura quadrigam Solis praecedit; unde cognoscimus fuisse huic genti non modo cognitum, sed & ab ea cultum. Attamen cum hoc nomen cum *Pace*, & *Pauso* coniunctum semper legatur, investigandum esset an potius a ΦΩΣ dictum fuerit, per quod non solum *lumen*, sed etiam *salus*, & *victoria* significatur.

XLII. Numini praecedenti coniungitur PASE, quod ego ipsum *Pausum* significare arbitror. ΠΑΤΣΟΣ Graecis cessationem significat, quod & Latinis *Pausa*. Intellexerunt tamen sub hoc nomine praecipuum Deum Pacis comitem, seu ipsam Pacem; de quo Deo in Indigitamentis sermoerit. Attamen Religio Etrusca, *Pausum*, a *Pace*, ut infra indicabimus, videtur distinxisse.

XLIII. PACER, & PACERSEI, quae praecedentibus coniunguntur, mihi ipsam Pacem nomine significant. Haec vero nomina sunt a Graeco ΠΑΓΙΩ, *firmare*, & *stabilire*; unde Latinis *pacifcor*, & *pactum*, & sumpto effectu pro causa, *pacare*, & *pax* facta est.

XLIV. At PACERSEI attribuit hoc amplius eidem Paci alteram notam divinitatis ; nam SEI est a ΣΕΙΟΣ , Laconice *divinus* .

XLV. Deum FONTVM, seu FONTINALEM Latino-
rum, Tufci dixerunt FONTIR , & ΦΥΛΛΗΤΩ , a
ΦΥΛΛΗΤΩ producere , & emittere ; unde Latinis
fons : quemadmodum apud eosdem a scateo for-
matur *fiaturigo* , quae vox eandem ideam nobis
refert .

XLVI. Dea RUBIGO Tuscis est ΑΙΜΙΛΙΑ , a POAΣ
roratio , causa sumpta pro effectu ; nam rubigo
nihil aliud est , quam messium vitium ab intem-
pestivo rore contractum .

XLVII. Etiam Dea SATA , quae inscribitur ΑΤΑΣ ,
atque ΑΤΑΣ , saepe saepius in eisdem Tabulis in-
vocatur . Hanc Latini a verbo *sero* procul dubio
effecerunt ; nam segetibus praesidere reputabant .
At Latini , aequa ac Tufci , verbum *sero* effe-
runt a Graeco ΣΠΕΙΡΩ , traiecta litera Π ad mai-
orem pronunciationis lenitatem .

XLVIII. FORTVNAM , ni valde fallor , digno-
scimus in Numine nuncupato ΕΝΝΙΑΚΙΤ , cui titu-
lus Cabyri tribuitur . Puto tamen esse a ΤΥΧΗ
Graecorum ; quanquam valde dubitem id esse no-
men adiectivum ex ipso substantivo ΤΥΧΗ effor-
matum ; nam lingua sacrorum attributa potius ,
quam primitiva nomina venerationis ergo adhibe-
re solebat ; quapropter ΕΝΝΙΑΚΙΤ , *fortunae dato-*
rem Deum facile indicat .

XLIX. ORCVS Tuscis est ΤΟΑΔV, more veterum Latinorum, qui illum VRAGVM, ut testatur Festus, dixerunt. Vox tota Graeca est; nam ΟΥΡΑΓΙΟΣ est rerum omnium finis; hinc apud Aristotelem in Lib. de Mundo, Caelum ΟΥΡΑΝΟΣ dictum est, quia ipsum supremarum rerum finis est, atque terrenis rebus conterminum.

L. Huic Deo adiungitur attributum ESONIS, ΕΙΝΥΣΑ. ID, quod facile significat quietalem; nam apud Homerum videre est ΑΙΣΑ, pro dormi. Graecum nomen haud longe ab Etrusco; nam ipsis est ΑΔΗΕΣ, sive ΑΙΔΗΣ, ut putant a verbo ΑΙΔΕΩΜΑΙ venerari, sive horrere. Forte ac etiam ESVN Etruscorum est ipsum ΑΙΣΑ Fatum, Sors, Fortuna; unde facile derivavit altera Tusca vox ESAR, quae veterum Scriptorum auctoritate Deum ipsis significabat.

LI. Occurrit in eisdem Tabulis Deus VOFIONE, cuius nomen ita ab omnibus adhuc notis abhorret, ut vix conjectura aliqua occurrat, per quam a tenebris vindicetur. Quum vero in tam ubere Deorum censu Bacchum praeteritum observarem, Deum alioquin Tuscis familiarissimum, ut in Thesauro Vasculario demonstrabimus; dubitavi an sub eo nominis celaretur; quum forte incidi in Hymnum Orphei Baccho Sabatio inscriptum, ubi inter cetera attributa ipsum vocat ΕΠΑΦΙΩΤΗΝ. Etiam in Anthologia carmen in eius laudem observatur; in quo idem titulus illi attribuitur. De eius significatione variant Grammatici: neque praesentis instituti est, ut in illo diutius immoremur; nam haec, & similia nostris Indigitamentis pertractanda reservantur.

Quae hactenus dicta sunt constanti experimento demonstrant Tuscorum Numinum Hellenismum, quem ego praemittendum curavi tanquam manfestorem; quippe quia versatur circa nomina Deorum, quorum quidditatem indubie intelligimus. Huic argumento affinis eslet nomenclatura victimarum, libationum, atque expiationum, quam iure merito *Lexicon Pontificale Etruscorum* nuncuparemus: in quibus etiam vocibus Hellenisimus manifeste elucescit; sed de his agendum erit peculiari libro, cui titulus: *Tages, sive de vetere Lingua Etrusca*, in quo voces omnes ad examen revocabuntur. Multa quoque ad id propositum erui poterunt ex altero opusculo *De Nominibus Urbium*, quorum multa Tusci a Graecis mutuati sunt.

Ut vero differentiam aliquam cognoscamus inter utramque linguam, placuit ex pateris adhuc vulgatis, & Geminis nomina quaedam Deorum, atque Herorum enumerare, prout a Tusci scripta sunt, apposita singulis Graeca lectione, ut facili negotio intelligamus, in quo praecipue utraque lingua differerit. Hoc vero studium maximi usus est; quum enim haec nomina in casu recto habeamus, facile inde cognoscemus quot nominum formas, seu modos declinandi, quasque varias desinentias Etrisci habuerint.

Nec modici beneficij nobis futurum erit observare vitia quaedam scripturae Tuscae, syncopas, atque literarum perturbationes, quas omnino in Sculptorum imperitiam refundimus; in quo quidem nisi caute procedamus, inaniter plerumque laborabimus, & pro mysteriis habebimus, quae pura puta sphalmata Scriptorum extiterunt: quod argumentum peculiariter tractatione *de Cacographia Tys-*

*scorum declarandum duximus, quam *Togeti* nostro
praefigendam curabimus. Sed age iam album No-
minum proferamus. Priora Graeca sunt. Asteris-
mo Tusca denotantur, Latinis tamen omnia litte-
ris expressa, ut una alteri subiecta nullo nego-
cio mutationem ostendat.*

Dempster. Tab. I.	*	T A L E I A T A L N A
Ibid.	*	A T I N A T I N A
Dempster. Tab. II.	*	Ē R A E R I S
Dempster. Tab. V.	*	M I N E R V A
Dempster. Tab. IV.	*	M E N E R V A
Mus. Etr. To. I. Tab. 86.	*	M V N R V A
	*	M E N R V A
Ibidem.	*	E T H O S E T H I S
Dempster. Tab. III.	*	H E R M E S P V R M S
Dempster. Ibid.	*	T H I O N E V S T I N I A
Dempster. Tab. IV.	*	A P O L L O A P V L V
Patera Paulini	*	A P L V A P V L N
		ARIS
	E 3	

Dempster. Tab. iv.	*	A R I S L A R A N
Ibid.	*	A P A T V R I A T V R A N
Dempster. Tab. v.	*	H E R M E S H E R M E
Dempster. Tab. vii.	*	C A S T O R K A S T V R
Dempster. ibid.	*	P O L Y D E V K E S P V L T V K E
Dempster. ibid.	*	M E N E L A O S M E N L E
Dempster. ibid.	*	M E L E A G R O S M E L A C R E
Dempst. Tab. 38.	*	A L C E S T I S E L S E
Dempster. Ibid.	*	E V M E L V S V M A L E
Dempster. Tab. 91.	*	P E L E V S P E L E
Dempst. Ibid.	*	T H E T I S T H E T I S
Dempster. Ibid.	*	P E R S I S P A R S V R A L A-

Mus. Etrusc. Tom. I. Tab. 86.	*	L A R A N I K E L A S A V E K V
Mus. Etrusc. T. I. Tab. 198.	*	O D Y S S E V S V L V X E
		A C H I L L E V S
Mus. Etrusc. Ibid.	*	A C H E L E
Mus. Etrusc. Tab. 199.	*	A C H I L E
Passeri Syntagm. Etr. Tab. 19.	*	N E L E V S N E L E
Passeri Ibid.	*	P E L E V S P E L E
Dempster. Tab. II.	*	H E R A C L E S H E R C L E
Patera apud Montfaucon.	*	E T V L E
Ibid.	*	T H E S E V S T H E C S E
Gemma Ansideiana.	*	A D R A S T O S A T R E S T E
Ibid.	*	P A R T H E N O P A I O S P A R T H A N A P .
Ibidem.	*	A M P H I A R A O S A M P H T I A R E

	T Y D E Y S
Ibid.	* T V T E V
	POLYNEICES
Ibidem	* L N I C E
	MERCVRIVS
In Patera ap. Caufseum	* MIRQVRIOS
	ALEXANDROS
Ibid.	* ALIXENTROM

At postremum hoc Monumentum, quamquam inverso a Latinis ordine scriptum sit, more Tusco, inter Latina tamen computarem, praeципue ob usum trinae litterae O, Q, & R, quas Tusci vel respuerunt, vel diversimode formaverunt. In postremo tamen nomine ALIXENTROM puto ultimam M inversam pro Σ, adeo ut & hoc nomen in recto constare debuerit. In his vero consuetam veterum Latinorum formam observamus, qui nomina secundae formae in recto terminabant in OS, ut MINDIOS, CONDETIOS, & alia huiuscmodi: quas formas ex antiquissimis Inscriptiōnibus, & Grammaticorum libris diligenter collegi in *Glossario primaevae Latinitatis*. Ceterum hae nominum corruptiones, quum ex una in aliam lingua transibant, non Etruscis modo, verum etiam antiquis Romanis in usu maxime fuerunt; quum Festi testimonio intelligamus Addukam pro Danubio dixisse; Alumentum pro Laomedonte; Melum pro Nilo. Quae quum ita sint, iam nullus miror Etruscos etiam haec peregrina nomina, quorum syllogen exhibui, non mediocriter evertisse. Cuius praecipua causa illa fuit, quod quum antiquis scriptu-

scriptura infrequentior esset, & hae fabulae narratione potius, & traditione, quam usu librorum constarent, ob variam pronunciandi rationem sensim a principio deflecebant; adeo ut cum haec scribi e memoria deberent, nullo praevio exemplari, monstrose exprimebantur; quamquam in ipsa depravata Scriptura origo Graeca clare translucat, ut vel ex isto specimine facile persuasum habebis, **GORI VIR CLARISSIME.** Cetera in his, quae promisimus, Opusculis digesta quandoque proferemus, dum tamen, quae in praefentia damus, a Te non improbari contingat. Vale, Amicorum Optime, atque Suavissime.

Scribeyam Pisauri, in meo Museo, Kal. Quintil,
anno R. S. c. 10. 10. cc. XXXXVIII.



P A R E R G O N

Q V O

M O N U M E N T A A N T I Q V A

E T R U S C A & R O M A N A

nondum edita indicantur.

M Agnopere me exhilaravit Vir Celeberrimus, Ioannes Baptista PASSERIVS, Amicorum omnium suavissimus, quum nuntiaret, datis ad me Epistolis suis, nuper hoc ipso anno inventum esse in Agro Perusino Hypogaeum Etruscum, Vrnis, & Ollis cinerariis refertum, quae titulum Etruscis litteris caelatum, ne quid dicam de alia funebri supellitile, praeferunt. Porro etiam ibidem effossas tres pateras aheneas memorabat, e quibus altera plane insignis est, quae nondum Cultoribus Etruscae Eruditionis antiquae visam perspectamque in pateris hisce sacrificialibus historiam Bellerophonis repraesentat. Interim aiebat se totum Etruscorum Perusinorum Sepulcrum delineatum praestolari; dolebatque, id quod optabat, non tam cito factum, ut eius absoluta notitia hisce in SYMBOLIS meis praemitti posset.

Dum haec scribit, alia Epistola ad me data viii. Kal. Septembres, hoc ipso anno, certioreme me humanissime facit, Tudertum inter & Perusium

sium , effosam fuisse Columellam marmoream se-
pulcralem, litteris hisce Etruscis insculptam:

V A D O A V A

M A V A M E M

quam ad *Lartem* aliquem Perusinum e gente
Emetia, seu potius *EPETIA*, pertinere au-
tumat .

Haec dum meditarer , V. Cl. Reginaldus Sella-
rius , I. C & Canonicus Cortonensis , a me in
hisce Symbolis ob eximiam eruditionem , & huma-
nitatem laudatus , obtulit a se diligenter delineat-
tam insignem basim aheneam quadratam , orna-
tam litteris Etruscis , sed in altero latere diffra-
ctam , quae in Museo Etruscae Academiae Cor-
tonensis adservatur . Merito insignem adpellavi ;
nam eandem ipsam epigraphen **N I M C K I I T I N M C U I L** ,
quam in planicie sua incisam praefert , legitur
etiam in dextro crure Chimaerae Musei Medicei
Imperialis , & in ventre Gryphis ex aere , qui
Cortonae in lectissimo ac nobilissimo Museo V. C.
Equitis Galeotti Coratii servatur : quae monumen-
ta iterum a me pervulgata , vide in Tom. i. mei
Musei Etrusci Tab. clv. In medio basis huiusc
intus vacuae , foramen parvum exstat , quod indicat
eidem olim impositum fuisse Iovis simulacrum ; nam
eius nomen designant litterae **I V V I** , *Iuvi* ; hoc
est *Iovi* , & reliquae **N V I P V C** , signum hoc
forte a *Cortonensisibus* dedicatum subinnuunt .
Tota Inscriptio , quae nunc superest ita se habet ;
qua nunc primum *Cortonensium* nomen innotescit .

VIA MII

O

.... A I N V : I V V I

.... J . N V T D V C

Nunc pauca haec: de his alibi luculenter disseremus , & accuratius Tabulis aere incisis litteras Etruscas exhibebiimus .

Frequenter ad me quoque scribens Vir doctrina , humanitate , & pietate Praestantissimus , Praeful Ioannes BOTTARIUS , nuper misit antiquae marmoreae basis Inscriptionem , quae initio mensis Iulii proxime elapsi eruta est in Territorio Abbatiae Cryptoferratae , coronide ornata ; quae plane eruditio Commentario confiendo optimam eruditionis frugem suppeditat .

C. IAVOLENO CALVINO
 GEMINO KARITONI
 CORNELIO POLLIONI
 SQVILLAE QVVVIKACIO *sic*
 SCVPPIDIO VERO COS
 PROCOS . PROV . BAETIC . LEG AVG
 PROPR PROV . LVSITAN . LEG . LEG III
 GALLIC PR CAND DIVI HADRIANI
 TRIB PL CAND Q PROV . AFRIC TRIB
 III LEGVM A C X VIR STLITIB IVD

ANT.



ANT. FRANCISCI GORI
PRAEPOSITI BAPTIST. FLORENTINI

A T Q V E

IN PATRIO LYCEO HISTORIAR. PROFESSORIS
DESIGNATIO NOVI OPERIS

N E M P E

GEMMARVM ANTIQVARVM
T H E S A V R I



Vod faustum , felix , fortunatumque
sit , paucis exponere volo , quae
a me exornantur Volumina selectis
GEMMIS ANTIQVIS eruditissimis re-
ferta , ut doctae Antiquitatis monu-
menta , quae mirum in modum hac
nostra aetate in deliciis habentur , & excoluntur ,
pro viribus magis magisque illustrem , atque am-
plificem . Tam utile , & iucundum est hoc stu-
dium ,

dium, quo, prolatis, Gemmis praestantium Cælatorum opificio inscalptis, vetus Historia Mythica, Theogonica, & Heroica omnigenam eruditio-
nem complectens, luculentissime illustrantur; ut,
licet plus quas sexcentas GEMMAS in lucem iam
produixerim, adiectis meis Observationibus in
Parte I. Inscriptionum Antiquarum, quae in Etru-
riae Vrbibus extant, in Doniano Syntagmate,
in duobus Voluminibus Musei Florentini, & nu-
per etiam illustraverim insignes Gemmas Musei
Veneti Zanettiani, quae in lucem brevi prodi-
re gestiunt; nunc tamen ad meam tenuem licet,
eruditam tamen, Gazam veterum Lapillorum, qui
incisas figuras praeferunt, animum convertere
statui, & singulos octo Voluminibus in folio,
Deo largiente, aereis Tabulis eleganter, & dili-
genter mea cura incisos, in lucem proferre, si
videbitur, hoc ordine.

VOLVMEN PRIMVM & SECUNDVM

In his GEMMAE ANTIQVAE ASTRIFERAE exhibentur Tabulis clx. aere incisis. Hanc selectarum Gemmarum Collectionem, quum nuper missem ad Virum Celeberrimum Ioannem Baptistam PASSERIVM Pisaurensem, summa mihi familiaritate, atque simili Genio coniunctissimum, ut eius indicium, atque in hoc ipso Opere dirigendo consilium obtinerem; ipse illeatus novitate tam elegantis, & eruditæ Syntagmatis, quod nedum tentatum, sed nec excogitatum antea novimus, intra paucos menses Prolegomena in easdem Gemmas astris insignes, & eruditas suas Observations ad singulas Gemmas humanissime misit. Quum ex his Gemmis quatuor eximias, & op-
pi-

pido raras invenisset , adiecit in fine Epistolares hasce quatuor Dissertationes , I. *De Animarum transvectione* . II. *De Gemma Pastorali* . III. *De Gemmis Basilidianis Astriferis* . IV. *De Gemma Astrifera veterum Christianorum* . Praeterea , quum eidem doctissimo Viro proposuisset , ut marmoreum Simulacrum Farnesianum illustraret , nempe Atlantem , qui caelestem globum humeris sustinet , conferretque cum altero parvo Globo signis caelestibus ornato , qui ex aere exstat in hoc Imperiali Florentino Museo , ipse hanc quoque spartam lubentissime suscepit . Haec duo Volumina , quanto citius fieri poterit , si Deus praesto erit , splendide , & eleganter edita prodibunt .

VOLVMEN TERTIVM & QVARTVM

Complectentur GEMMAS ANTIQVAS , e meo Museo delectas , cum meis Adnotationibus , quae Tabulis ferme ducentis expressae erunt , & fortasse etiam pluribus . His addentur GEMMAE ANTIQVAE ex Schedis Amplissimi , & Celeberrimi Philippi BONARROTI , Senatoris , & Patricii Florentini , quas ipse accuratissime delineavit , & sedula cura praefertim Romae ex variis Dactyliothecis vidit , & depromsit .

VOLVMEN QVINTVM

Continebit GEMMAS ANTIQVAS TORQUATAS , omnium vetustissimas , e variis Cimeliothecis , atque etiam e meis forulis depromtas , adiectis meis Observationibus . Torquatas adpello ; quia ad extremam oram earum caelatura ornatur torque , vel stroppo , & prae ceteris , quum scara-

be-

beos efforment, remotissima Scalptoriae artis tempora, & Heroica potissimum gesta illustrant.

VOLVMEN SEXTVM SEPTIMVM
& OCTAVVM

Non solum Gemmas omnes antiquas, verum etiam Picturas, Signa ex aere, atque e marmore, Vrnas, Pateras, & Numismata complecentur, quae ad illustrandum divinum HOMERV M plurimum conferunt, itemque egregia Paralipomena Quinti Calabri. Non desunt vires, Deo mihi auxiliante, a quo bona cuncta procedunt: opes tantum, subsidia, ac necessarii sumtus mihi desunt. Ceterum, si quis Maecenas adiumentum praestaret, etiam cum foenore, totum hoc Opus ei dedicarem, testaretque ingenue eius praesidio, & auspiciis me tantopere profecisse: & veleim etiam totum HOMERI textum cum vetustioribus Codicibus conlatum, excusum proferre *litteris maioribus*, uti olim summa cum gloria, & plausu factum est, dum *Anthologia*, *Callimachus*, & alii optimi libri, Florentinis typis impressi, prodierunt: qui hodie omnium rarissimi sunt, & vix, aut difficillime inveniuntur. E regione Graeci textus adiiciendam curarem Latinam Interpretationem; in calce paginarum hinc a dextris Versionem Gallicam, & Anglicam, a sinistris Etruscam, sive Italicam, adpositis variantibus lectiōnibus. Suis locis infererentur Tabulae incisae cum Gemmis, & antiquis Monumentis, & in fine cuiuslibet libri eorumdem Explanations, veluti Commentaria. Nunc Principes magnanimos oro, rogoque, ut mihi sponte currenti calcaria adulant, & manus praebent adiutrices.

C R I-



D I S S E R T A T I O
C R I T I C A
I N V E R G I L I V M.



*Extemplo Acneae solvuntur frigore membra ;
Igemit , & duplice tendens ad sidera palmas ,
Talia voce refert : o terque , quaterque beati
Queis ante ora patrum Troiae sub moenibus altis
Contigit oppetere &c.*



Escio quo fato factum fuerit , ut hi ver-
sus plane divini in magnorum Viro-
rum reprehensionem incurrerint . Accu-
sant quidam magni nominis Inter-
pretes Vergilium , quod Aeneam ni-
mio plus timidum fixerit , ac ter-
rore tempestatis exterritum induxit flentem ,
adversanque fortunam misere lamentantem . Vi-
detur ipsis abiector animus , & spes Italia po-
tiundi fractior , quam virum fortem deceat , &
Divum monitis confirmatum . Nuper prodiit li-
ber Galli cuiusdam non contemendi Autoris ,

S Y M B O L . L I T . V O L . I I . F qui

qui eodem nomine Vergilium reprehendit, & graviter peccasse contendit: nihil tamen profert, quod ab aliis non fuerit animadversum, praeter obtrectationes, & probra. Ac Vergilius quidem ipse se tuetur, atque defendit, & qui illum carpunt, ipsi se iugulant, atque confodiunt: tamen nihil impedit quominus eius defendendi caussa pauca diligentius, ac perquisitus, quam a Viris doctis haetenus factum sit, conscribamus; ut animum levemus, & a severioribus studiis paullisper abducamus.

Atque ut dicam, quod sentio, singunt sibi monstrum, quod feriant. Verba Vergiliū aliorum accipiunt, atque ipse dixerit, ut reprehendere, & carpere possint. Obiiciunt Aeneam timore penne exanimatum, se abilientem, ac prosteruentem, ac miserabiliter flentem, & ciulantem. Vergilianus tamen Aeneas nihil agit, quod in subitis, ac formidolosis casibus virum fortē deinceat: nihil dicit, quod sit indignum homine militari, ac bellicoso: nec humilis est, & abiecta eius oratio; sed alta, & exaggerata, & plena spiritu bellicae virtutis:

Extemplo Aeneae solvuntur frigore membra.

Non temere maximus Poëtarum adposuit illud verbum *extemplo*; sed ut ostenderet Aeneam in subita, atque improvisa tempestate subito fuisse repenti consternatione, atque horrore correptum. Subita fuit, & improvisa tempestas. Nam cum mari placido, & tranquillo solvissent, & laeti vela darent; precibus Iunonis seductus Aeolus repente ventos omnes immisit in mare, qui ipsum

ipsum ab imis sedibus convellerent . Non paulatim increbuerunt venti : non paulatim intumuit commotum , & agitatum mare ; sed simul ac coorta fuit tempestas , facta fuit omnium tempestatum saevissima , ac vehementissima . Nam , ut eleganter Poeta :

*venti , velut agmina facto,
Qua data porta ruunt , & terras turbine perflant;
Incubuere mari*

& quae sequuntur . Quid deinceps ?

*Eripiunt subito nubes caelumque , diemque
Teucrorum ex oculis : ponto nox incubat atra:
Intonuere poli , & crebris micat ignibus aether;
Praesentemque viris intentant omnia mortem.*

Momento temporis haec omnia fiunt ; divinitus enim fuit excitata tempestas .

De magnitudine autem , & atrocitate tempestatis , nihil attinet dicere . Recte Quintilianus Lib. viii. Instit. Orat. Cap. 4.

,, Nam cum Aeolus a Iunone rogatus ,
,, *cavum converfa cuspide montem*
,, *Impulit in latus : ac venti , velut agmine facto,*
,, *Qua data porta ruunt .*
,, Adparet quanta sit futura tempestas .

Nec minus demonstrat magnitudinem tempestatis, quod praemisit Poëta de violentia ventorum.

*Illi indignantes magno cum murmure montis
Circum claustra fremunt: celsa sedet Aeolus arce
Sceptra tenens, mollitque animos, & temperat iras.
Ni faciat, maria, ac terras, caelumque profundum
Quippe ferant rapidi secum, verrantque per auras:
Sed Pater omnipotens speluncis abdidit atris,
Huc metuens, molemque, & montes insuper altos
Imposuit, regemque dedit &c.*

Vbi tanto adparatu immensam prope vim ventorum Poeta descripsit, & ad concipiendam insolitam tempestatem animos praeparavit, subdit Aeolus ventorum regem impulsu cupidis omnes ventos simul emisisse, eamque tempestatem describit, qua atrociorē ne cogitatione quidem possumus comprehendere. Seneca Lib. 5. Quaest. Natur. Cap. 16. negat ullo modo fieri posse eiusmodi tempestatem: *Vel si brevius illos complecti mavis, in unam tempestatem (quod fieri nullo modo potest) congregentur,*

*Vna Eurusque Notusque ruunt, creberque procellis
Africus.*

Senecae imposuit Aristoteles, qui Lib. II. Meteor. ait: Οὕτω δὲ τεταγμένων τῶν ἀνέμων, δῆλον ὅτι ὕγαπτε εἰν τοὺς μὲν ἐναντίους οὐκ οἴοντε· κατὰ σφιάμετρον γὰρ ἔτερος ἐν παύσεται ἀποβιασθεῖς. Ventis ita dispositis manifestum est contrarios ventos

tos simul spirare non posse: e diametro enim opponuntur: cessabit igitur alter ab altero oppressus. Ideo Vergilius singit hanc tempestatem divinitus excitatam; vix enim fieri potest, ut venti omnes magno impetu concurrentes, decentent. Summo etiam iudicio Poëta inducit Neptunum sedantem certamen ventorum; quia eiusmodi certamen diuturnum esse non potest, cum ne duo quidem venti contrarii diu possint vehementer concurrere: ita enim intelligendus est Aristoteles.

In tam subita, tam improvisa, tam atroci tempestate, quid agit Aeneas?

————— *Solvuntur frigore membra
Ingemit, & duplicit tendens ad sidera Palmas
Tailla voce refert.* —————

Non concidit exanimatus, aut haesit attonitus, ut multi obtrectandi gratia singunt; sed subito horrore perculsus est, qui nos etiam invitatos invadit. Solvi frigore dicuntur membra, cum horrore perfunduntur, qualis in febre esse solet, de quo Cornelius Celsus Lib. II. Cap. 3. *Febres aliae protinus incipiunt a calore, aliae ab horrore.* *Frigus* voco, ubi extremae partes membrorum inalgescent: horrorem, ubi totum corpus intremet. Observa plus esse in horrore, quam in frigore. Hic horror, hoc frigus in subitis casibus naturale est, nec dedecet sapientem, cum non sit in nostra potestate, dum ne sit diuturnum, & animal non obruat. Vergilius Lib. II. Aen. v. 159.

*At me tum primum faetus circumstetit horror ;
Obstupui . _____
Quid tum ?*

————— *Subiit cari genitoris imago .*

Fuit hic naturae motus minime voluntarius : non concidit animus malo externatus ; sed ad pietatem subito casu est incitatus .

In II. Aeneid. vers. 29.

————— *mibi frigidus horror,
Membra quatit, gelidusque coit formidine sanguis.*

Non tamen ab incoeplo desistit , sed statim :

*Rursus & alterius lentum convellere vimen
Insequor _____*

In vi. Aeneid. vers. 710.

*Horrescit visu subito , caussaque requirit
Inscius Aeneas _____*

Horror non Aeneae animum deiecit ; sed virtuti fuit incitamento , & impulit ad investigandas causas latentes , & consequendam scientiam eorum , quae ignorabat . Similis fuit horror , qui perfudit , ac solvit Aeneae membra in repentina , saevaque tempestate ; non enim deiecit Aeneam de statu suo , sed erexit ad fortitudinem animum , & excitavit desiderium gloriosae mortis , & profun-

fundeudi vitam pro patria, cum fortissimis hosti-
bu manus conserendo. Idcirco autem post hor-
rorem ingemuit: nempe ut reprimeret illum na-
tarae motum, & animum intenderet ad fortitudi-
nem, & bellicam virtutem. Eleganter ac piae-
clare ad rem nostram M. Tullius in 2. Tuscul.
Ingemiscere nonnumquam viro concessum est, id-
que raro: eiulatus ne quidem mulieri. Nec vero
umquam ne ingemisit quidem vir fortis; ac sa-
piens, nisi forte, ut se intendat ad firmitatem:
ut in stadio cursores exclamant quammaxime pos-
sunt: faciunt idem, cum exercentur athletae;
pugiles vero etiam cum feriunt adversarium in
iactandis caestibus ingemiscunt, non quod doleant,
animove succumbant; sed quia in profundanda
voce omne corpus intenditur, venitque plaga vehe-
mentior. Et infra: Si gemitus in dolore ad con-
sirmandum animum valebit, utemur: si erit ille
gemitus lamentabilis, si imbecillus, si abiectus,
si flebilis ei, qui si dederit; vix eum virum di-
xerim. Idcirco sapienter Vergilius inducit Aeneam
statim post gemitum, flagrantem desiderio mor-
tis gloriose, & commemorantem eos, qui ad-
Troiam fortiter ceciderunt; ut ostendat gemitum
illum non fuisse abiectum, ac flebilem; sed emis-
sum ad excitandum animum, & intendendum ad
firmitatem, & contemnum mortis non indignae
viro forti, ac bellico. Sed de hoc alias
überius.

Nunc evellendus est ex animis error, quem
laudatus Autor insinuare conatur. Errant enim
probe, qui putant *ingemere*, significare *ftere*,
lacrymari, plorare. An enim flent, & lacrymantur
boves, cum arant? Et tamen Vergil. Lib. 1.
Georg.

*Depresso incipiat iam tum mibi Taurus arat⁹
Ingemere* _____

An flent rustici, cum arant? Et tamen Tacitus
de morib. German.

Id beatius arbitrantur, quam ingemere agris.

Et Lucretius Lib. v.

_____ *valido confuta bidenti
Ingemere .* _____

Ovid. iv. Metamorph.

Ingemuitque solum, vicinaque palluit arbor.

Curt. Lib. ix. *Ergo primo fremitus sua sponte;
deinde gemitus quoque oritur: paulatimque libe-
rius dolor erigi coepit, manantibus lacrymis.*

Statius in Thebaid. Lib. vi.

*Non secus ingentes artus praecelsus Agyleus
Sponte premit, parvumque gemens duplicatur in
hostem .*

Est igitur gemitus ille conatus vocis ac spiri-
tus, quem edit grave aliquid patiens contra vim
doloris, aut mortis, aut alicuius periculi imminen-
tis. Gellius Lib. xii. Cap. v. de Stoico quodam acer-
bis doloribus conflictato. *Nulos eiulatus, nullas
complorationes, ne ulla quidem voces indecoras
edebat. Deinde subdit: Si tanta doloris acerbitas
eft,*

est , ut contra voluntatem , contra iudicium animi
nitatur , invitum hominem cogat ad gemendum .
Non eiulabat , non plorabat , non indecoras voces
edebant Stoicus ille : gemitabat tamen , & quidem
invitus : gemitum enim vel ab invito ac reluctan-
te morbi acerbitas exprimebat . Et multo post ,
Iraque vidissis Philosophum ratione decreti sui ri-
nxum cum petulantia morbi , dolorisque exultan-
tia colluctantem , nihil cedentem , nihil confitentem :
neque (ut plerique dolentes solent) eiulantem ,
atque lamentantem , ac miserum fesse , & infeli-
cem adpellantem : sed acres tantum anhelitus , &
robustos gemitus edentem , signa , atque indicia
non vitti , neque oppresi a dolore , sed vincere
cum atque opprimere enitentis . Cicero in 2. Tusc.
Inde pugiles caestibus contusi ne ingemiscunt quidem .
Et in Somn. Scipion. Hic cum exclamasset Laelius ,
ingemuerintque caeteri vehementius . Imo ingemere
multo minus est , quam exclamare . Cicero in
Tuscul. 2. Quorum non modo nemo exclamavit um-
quam , sed ne ingemuit quidem (1) .

Hic autem opportune notandus est error lau-
dati Auditoris : qui tot laudibus extollit He-
roas Homericos , tot conviciis proscindit Ver-
gilianum Aeneam , ignorans Aeneam Vergilia-
num ab . Homericu Vlisse ea omnia didicisse ,
& ab ipso querelas fuisse mutuatum . Homerus
Vlysf-

(1) Vide etiam Ciceronem in 2. Tuscul. pag. mihi 196. D.
Ipsum eam Herculem viderat in Oeta magnitudine dolorum
eiulantem . Deinde allegat versus Sophoclis . Idem Cicerone
ibidem pag. 201. A. Sic est enim intemperans militaris in
forti viro gloria . Vide Gellium Lib. xii C.p. 5 Senecam
Epist. xiv & cvi . Lipsium Manud. Stoic. Lib. ii. Cap. vii.
& ibidem de primis mosibus .

Vlyssem , quem Graecorum omnium prudentissimum , ac sapientissimum fixit , in simili tempestate timentem , atque ingemiscentem describit :

*Καὶ τοτ' Οὐδυσσῆῳ λύτο γένυται, καὶ φίλον ἥτορ
Οὐδήσας δὲ ἄρα εἶπε πρὸς ὅν μεγαλύτορα Θύμὸν
Οὓμοι ἔγω δειλός .*

Non solum autem soluta sunt timore Vlyssis membra , quemadmodum Aeneae Vergiliani ; sed etiam vocat se miserum . *Heu me miserum !* quod haud scio an animo , & viro magnanimo ; ut eum vocat Homerus , satis conveniat . Certe Aeneas Vergilianus se miserum esse non dixit ; sed solum captus est desiderio gloriose mortis , & ingemuit , ut se excitaret , & intenderet ad fortitudinem , & patriae charitatem .

Iam' vero quid caussae sit , cur extemplo horreat , & ingemiscat Aeneas , expendendum est . Caussae potissimae tres sunt , quod moreretur inglorius ; quod longe a patria terra ; quod in mari vi tempestatis absorptus .

Quoad primam caussam attinet , viri militares , nihil magis horrent , quam ingloriam mortem ; nihil magis concupiscunt quam gloriosam mortem in bello . *Sic est enim intemperans militaris in forti viro gloria , ut ait Cicero .* Recte Aristoteles Lib. II. Ethic. cap 9. ait . Quod vir fortis non in omni mortis genere cernitur , ut si naufragio pereat , vel morbis consumatur ; quia aegre fert huiusmodi mortem . Appetit enim eam mortem in qua aut viribus opus est , aut mori gloriolum

sum est. Appetit mortem pulcherrimam, cuiusmodi est illa, quae oppetur in bello. In hanc Aristotelis sententiam Vergilius induxit Aeneam horrentem mortem obscuram, & ignobilem, & invidentem fortunae eorum, qui pro patria sub moenibus Troiae fortiter obierunt. Est hoc proprium viri fortis, ac militaris: nec poterat Vergilius virum fortem, ac militarem ad eximiam fortitudinis formam luculentius exprimere. Alexander Magnus, quo nemo fuit umquam vel in fortitudine, vel in militari gloria excellentior, cum in Cydnum fluvium lavandi causa descendisset, morbumque contraxisset, apud Curtium queritur ignobili, atque obscura morte in tabernaculo se interire. Alter Alexander Severus, & ipse fortissimus, cum a Mathematicis audisset, se gladio barbarico peritum, laetus est cum crederet sibi bellicam, & imperatoriam mortem imminere; tantumque animi habuit, ut putaret se Diis comparandum, si in bello obiisset. Hippomedon apud Stat. Lib. vi. Thebaid.

— *fluvio ne (pudet) Mars improbe cuges
Hanc animam, segnesque lacus, & stagna subibo,
Ceu pecoris custos, subito torrentis iniqui
Interceptus aquis? ideo ne occumbere ferro
Non merui?*

Vlysses apud Homerum Odyss. Lib. v.

Τρὶς μακάρες Δαναοί, καὶ τετράνις, οἵτοτε
οὐλούντο
Τροίη ἐν εὔρει χάριν Αἴτρεδησι φέροντες
καὶ

Καὶ δὴ ἔγωγ' ὄφελον θανέν, καὶ πότμον ἐπισπεῖν
 Ήματι τῷ στε μοι πλάταις χαλκήρεα δέρα
 Τρώες ἐπέβρειψαν περὶ Πελήσιην θυνόντι
 Τῷ κ' ἐλαχον κτερέων, καὶ μὲν πλέθρῳ ἥγον Αὐχαιοῖ
 Νῦν δέ με λευγαλέω θανάτῳ εἰμαρτο ἀλάναι.

Interdum enim terrorem, quem non incutit ipsa mors, adiuncta mortis incutiunt. Narrat ex Plutarcho Gellius Lib. xv. Cap. 10. olim Virgines Milesias sine ulla caussa mortem sibi concivisse, & plurimas suspendio vitam amisisse. Id cum accideret in dies crebrius, neque animis earum mori perseverantium medicina adhiberi quiret, decrevisse Milesios, ut virgines, quae corporibus suspensis demortuae forent, ut eae omnes nudae cum eodem laqueo, quo essent praevinctae, effererentur. Post id decretum virgines voluntariam mortem non petisse pudore solo deterritas tam dishonesti funeris. Desiderabant illae mortem: mortem tamen inverecundam pertimescebant: & quas non exterruit mortis metus, pudor continuuit. Desiderant mortem viri fortis, sed mortem gloriosam, mortem militari virtute partam: horrent autem mortem obscuram inertem.



M O N U M E N T A

M E D I I A E V I

N V N C P R I M U M E D I T A

E X

T A B V L A R I S

A Q V I L E I E N S I B V S

D E P R O M T A



*Ludovici II. Imperatoris Praeceptum pro
Monasterio Sancti Michaelis in Diliano
anno 852. ex autographo Aquileiensi.*

„ IN nomine Domini nostri Iesu Christi Dei
 „ aeterni . Hludovicus gratia Dei Impera-
 „ tor Augustus invictissimi Domni Imp. Hlo-
 „ tharii filius . Si enim ea , quae ad Dei cultū
 „ pertinere noscuntur eius amore ampliamus . cre-
 „ dimus in hoc nobis divinam conciliari suble-
 „ vationem . Igitur cunctorum Fidelium Sanctae
 „ Dei Ecclesie nostrorumque presentium scilicet
 „ & futurorum noverit sagacitas quia vir vene-
 „ rabilis Felmo Abba nostre magestati innotuit
 „ eo quod divina inspiratione tactus ex suis pro-
 „ priis rebus facultatibusque in loco Diliano ad
 „ laudem nominis Dei sub honore Archangeli Dei
 „ Michaelis quodám construxisset Cenobium & ad
 „ perpetuae concinendo laudes Dei congregatio-
 „ nem instituit Monachorum . instituens per suc-
 „ cessiones temporum electione ibidem Deo fa-
 „ mulantium . & se restitui Abbatem & pro fu-
 „ tura quietudine tantum defensionem publicam
 „ habiturum . Quapropter petiti ut circa eun-
 „ dem sanctum locum hoc nostrum fieri iube-
 „ remus Praeceptum per quod sub nostra emu-
 „ nitate ac plenissima defensione perennis consi-
 „ steret temporibus . & elusis omnibus inquietu-
 „ dinibus aut molestiis vel quibuscumque perce-
 „ ptionibus -- Praecipientes ergo iubemus ut nul-
 „ lus iudex publicus neque quislibet ex iudicia-
 „ ria potestate in Ecclesiis domos vel . . . as
 „ eiusdem sancti loci ingredi audeat aut quip-
 „ piām

„ piam distinctionis vel inquietudinis qualiscumque
 „ persona inferre praesumat sed sub nostra ple-
 „ nissima aemunitate perennis consistat temporibus &
 „ hoc etiam pro futura quietudine concedimus ut
 „ nulla ordinatione aut superimpositione quoquam
 „ tempore vel si Abbas ab hac luce discesserit nulla
 „ electione inibi Episcopus civitatis facere audeat
 „ sed salva caritate conloquium & consecrationem
 „ vel divinum officium inibi secundum eorum con-
 „ sensum agat . Quod si rector eiusdem sancti
 „ loci divina vocatione delatus fuerit licentia
 „ habeant inter se eligendi Abbatem qui eis se-
 „ cundum regulam praeesse & secundum Deum
 „ prodesse possit . Nam si inibi talis minime re-
 „ periri pot . . . x aliis cenobiis concedimus eis
 „ tales eligere qui eis secundum Deum praeesse
 „ & prodesse possit . Ut quoque hoc nostrum
 „ preceptum plenius in Dei nomine habeat va-
 „ letudinem & ab omnibus diligentius . . . etur
 „ veriusque credatur de anulo nostro subter ius-
 „ simus sigillari

Signum Dom  ni Imbris

Rainus notarius Domni Imbris ad vicem Dru-
 temiri recognovi & f (L. S.)

Data xv. Kal. Decembr. anno Xpo propitio Do-
 mui Hlotharii pii Imperatoris xxxiiii & Hlu-
 dovici glorioissimi Augusti in Italia III. Indict. I.
 actu Papiae civit. palacio regio T in Dei nom.
 lw lw A D-

A D N O T A T I O N E S
IN IDEM P R A E C E P T U M
L V D O V I C I II. I M P E R A T O R I S .

Praecepti huius autographum adseratur in Tabulario Canonicorum Aquileiensium. Quidam olim in exteriori parte membranae annotavit, pertinere ad Monasterium Belliniense, cuius frequens mentio occurrit in Ecclesiae Aquileiensis Monumentis, non ita pridem illustratis a Viro Clarissimo Bernardo Maria de Rubeis, Ordinis Praedicatorum. Sed inscriptionis errorem, cum emendavit sua manu Iustus Fontaninus, dein Archiepiscopus Ancyranus; tum facile mihi fuit deprehendere ex ipsius Praecepti serie: diu tamen anceps haesi, ubinam gentium situm fuerit Coenobium istud Sancti Michaëlis in Diliano. Tandem lustranti mihi Antiquitates Italicas medii aevi, ingentem scilicet Chartarum veterum collectionem, qua literariam Rempublicam ditavit optime de ea meritus Muratorius, sese obtulit (1) Ludovici II. Diploma, quo Monasterium Sancti Michaëlis *in Viliana*, a Selmone Abbe fundatum, quibusdam immunitatibus exornat, anno DCCCLVII. statim agnovi de uno eodemque Monasterio agi in utroque Ludovici Praecepto: ex illo siquidem, quod Muratorius edidit, constat Selmonem Abbatem suo censu erexit Monasterium Sancti Michaëlis; quibus gemina legere est in hoc etiam, quod ex Archivo nostro depromimus. Praeterea Ludovicus Imperator apud Muratorium affirmat se iam olim recepisse sacrum

S Y M B O L . L I T . V O L . I I .

G lo-

(1) Dissert. LXIII. Tom. v. Pag. 279.

locum sub suo *mundeburdo*, seu protectione. Atqui in hoc maxime versatur Diploma nostrum Muratoriano antiquius, atque ab eodem Augusto concessum. Tanti igitur non est levissima varietas, quae his invicem collatis appetet, ut duo Monasteria, alterum in *Diliano*, in *Viliana* alterum, illiusque Abbatem *Felmonem*, huius vero *Selmanem* adstruere opus sit. Regionem discimus ex illis recentioris Praecepti verbis, ubi nominatur *Episcopus ipsius Civitatis*, idest *Carentinae*; quae glossa in nostro deest. Quaerit Muratorius, an Coenobium hoc Carinthianum, subiectum olim fuerit Brixiano Parthenoni Sanctae Iuliae: in huius enim Tabulario editi a se Diplomatis autographum existare testatur. Ecclesiae Aquileiensis iura in Carinthiae partem satis certa sunt. Consule Monumenta laudata Cap. XLV. & Vitam Sancti Paulini Patriarchae (1) a Ioanne Francisco Madrisio, Sacerdote Oratorii Vtinensis adornatam Cap. VIII. in secundo Scrinio Thesauri Aquileiensis (cuius Indicem locupletissimum texuit Odoricus Vtinensis iussu Marquardi Patriarchae) servabantur olim iura, & processus auctoritate Apostolica facti contra *haeredes Ducis Karinthiae*. Sed haec atque alia non pauca huiusmodi acta, quorum summam exhibit Odoricus, spectant ad sequiorem aetatem; nec ullibi, quamquam de aliis non silet, recenset hoc Monasterium in Diliano. Rem igitur densis adeo tenebris circumseptam dimittere praefstat, donec alia monumenta emergant, quorum ope & Coenobii huius fata, & Carentinae civitatis situm liceat agnoscere. Prima huius Diplomatis linea exarata est litteris oblongis, quarum

(1) Vid. Sancti Paulini Opera &c. edita Venetiis ex Typographia Pitteriana 1737.

rum specimen videri potest apud Mabillonum Lib. v. de Re Diplomatica, Tab. xxviii. literae vero minutiores, quibus pars reliqua conscripta est, maxime accedunt ad typum Tabulae xxxii.

(*Invictissimi*) Lib. II. Cap. iv. num. iv. laudati Operis indicantur sex Ludovici II. Praecepita cum hoc initio: *In Nomine Domini Nostri Iesu Christi*. Dubitat vero artis Diplomaticae Conditor, an formula haec, *Invictissimi*, quo titulo exornatur Lotharius in Diplomatis Ludovici apud Vghellum Tom. iv. Italiae Sacrae, sit ex additione amanuensium, qui exempla ex autographis transcriperunt. Nostrum hoc omne scrupulum eximere potest, fidemque conciliare chartis Vghellianis. Hoc elogio patrem exornat Ludovicus apud Muratorium in Diplomate (1), quo Ecclesiae cuidam in Comitatus Cremonensis privilegia confirmat, in altero (2) concessio Dodoni Episcopo Novariensi; in tertio demum (3), cuius archetypum se vidisse Vir doctus testatur in Archivo Capituli Patavini.

(*Magestati*) Reges Francorum primae ac secundae stirpis uti consuevisse *Celsitudinis*, *Serenitatis*, *Altitudinis*, *Sublimitatis*, *Excellentiae*, *Pietatis*, *Mansuetudinis*, aliisque id genus nominibus, observat Mabillonius Lib. II. Cap. vi. num. v. & colligitur ex Monumentis allatis Lib. vi. Monumenta in Antiquitatibus Italicis edita alios produnt titulos, *Clementiae*, *Dominationis*, *Ma-*
G 2 *gni-*

(1) V. Antiq. Ital. Diff. xxix. Tom. II. pag. 867.

(2) V. Diff. xviii. Tom. I. pag. 926.

(3) Diff. xix. Tom. II. pag. 55. V. alterum eiusdem Augusti Diploma pro iuribus Cremon. Episcopatus, ibid. pag. 2...

gnitudinis, Perspicuitatis, Regalitatis. Qui hunc sibi Maiestatis titulum tribuat, inter Carolingos Principes vix reperire est. Eo tamen utitur Ludovicus noster in Diplomate, quo (1) Angelbergae coniugis precibus inductus confirmat commutationes ab ea factas pro fundando Monasterio Placentino Sancti Sixti. Utuntur praeterea Lotharius Rex Lotharingiae (2), & Ludovicus Imperator huius nominis Tertius (3). Quin & Ioannes VIII. Carolum Crassum, Ludovici nostri fratrem, atque in Imperio successorem, hoc eodem titulo exornat Epistola viii.

(*Emunitate, mox aemunitate*) Prioris scripturae exempla obvia sunt vetera Monumenta lustrantibus. Indicare satis erit Murculsum Lib. i. Formula tertia: Diploma Caroli M. apud Mabillonum Lib. vi. Rei Diplom. num. LIII. Epistolam Wicardi Abbatis ad Frotharium Tullensem Episcopum, cuius locus laudatur Operis citati Lib. i. Cap. vii. num. v. Privilegium Ludovici Imper. forte II. (4) concessum Monasterio Sancti Galli. Altera scribendi ratio illustrari potest observatione petita ex Lib. ii. de Re Diplom. Cap. i. num. xi. ubi Vir summus docet Notarios sub utraque stirpe Francorum Principum frequentius scribere *Aecclesia* cum diphthongo, duabus vocalibus *a*, *e*, solutis. Huic mori, ut erat sedulus antiquitatis investigator, indulxit Iacobas Gordinus Canonicus, & Archidiaconus Aquileiensis saeculo xv. ad finem vergente, cum
in

(1) V. Antiq. Ital. Diff. xxvi. Tom. II. pag. 453.

(2) Diff. LXXI. Tom. VI. pag. 31.

(3) Diff. x.v Tom. I pag. 785.

(4) V. Murator. Diff. LXX. Tom. V. pag. 951.

in Inscriptione, quam refert (1) Ioannes Dominicus Bertoli, eiusdem Ecclesiae Canonicus, in quo humanitas, & eruditio perinde eminent; tum in Epistola gratulatoria ad Hermolaum Barbarum, quam Gordini manu scriptam vidi.

(*Domus, vel . . . as*) Membrana heic mutila.
An legendum *familias*? Id suspicari licet ex lege promulgata a Ludovico II. in Comitiis Ticinensis bus (2), quae his verbis concepta est „, Statui- „, mus autem, ut Ecclesiae Dei per totius Regni „, nostri fundatae terminos, sub nostrae Immu- „, nitatis tuitione securae cum rebus, & *familis* „, permaneant . . . „

(*De anulo nostro*) Rara videtur haec formula in Ludovici Diplomatis, qui, uti vir saepius laudatus Benedictinus observat (3), *Bullae* vocabulum usurpare solet: *ex Bulla nostra iussimus annotari -- nostrae Bullae impressione -- Bullis nostris roborari*. Sed non infrequens *annuli* mentione habetur in Muratoriana Collectione (4). Hoc praeterea differt Diploma nostrum ab illis, quae eidem Augusto tribuit Chronicum Casauriense, quod nullis in eo diris multisive pecuniariis absterreantur violatores immunitatis Coenobio concessae. Differt etiam a plerisque inter Antiquitates Italicas relatis, atque ab altero, quod ad idem coenobium spectare diximus. Quare nulla hinc certa artis Diplomaticae regula peti potest. Vide Mabillonum Lib. II. Cap. VIII. num. xx

G 3 (Dra-

(1) Antiquit. Aquil. num. DXXV pag. 359.

(2) V. Rer. Ital. Script. Tom. I Par. II. pag. 153.

(3) De Re Diplomat. Lib. II. Cap. 10 num. vi.

(4) V. Diff. XVII. Tom. I. pag. 928. & 936. & Diff. XIX Tom. II. pag. 26. & 56. & Diff. XXIX. pag. 868.

(*Druetemiri*) Druetemirus Subdiaconus (1) *Protonotarius* (*lege atque Notarius*) ad vicem Egilmari subscriptis Diplomati Lotharii Imperatoris. Hic fortassis est noster Druetemirus, cuius dignitate aucti vices gerit Rainus, ex illa Scribarum classe, qui vice Cancellariorum subscribebant. In Placito Ludovici II. (2) memoratur, *Tractemirus sacri Palatii Archinotarius*; procul-dubio ex Scriptoris vitio, qui eundem mox appellat *Tractemirum*. Optime tandem nomen exprimitur: *Druetemirus Archinotarius interfui, & subscripti*. Habemus heic nostrum Druetemirum Archinotarii, seu, quod idem est, Cancellarii munere insignitum; quemadmodum in quodam Lotharii Praecepto, (3) Hilduinus Abbas, qui eius Cancellarius fuit, Archinotarius appellatur. Perperam apud Vghellum (4) *Drucefemirus* legitur.

(*Recognovi & s*) Mabillonius Lib. II. Cap. xxi. num. xiv. monet Notarios sub prima, & secunda stirpe Francica ita subscribere solere, ut non inibus supponant suis quaedam signa variis tricis convoluta ad similitudinem litterae *S*, diversimode contortae; atque his signis verbum *subscripti* intelligendum esse. Huiusmodi tricarum vestigia plura adparent in nostra membrana; sed non supposita nominibus, ast continenter adposita sunt sigillum, quod ad extremam oram membranae adfixum erat, ubi scriptura definit, desperatum est. Locum indigitare placuit his notis L. S. (Da-

(1) V. Mabillon Lib. II. De Re Diplomat. Cap. xi. num. ix.

(2) Operis Iudati Lib. vi. num. xciiii.

(3) Ibid. Lib. II. Cap. xi. num. v.

(4) Ital. Sac. Tom. v. pag. 39. 40. & 41. nov. edit.

(*Data*) Indictione prima xv. Kal. Decembres, ad finem properabat annus Aerae vulgaris DCCCLII^a ad quem proinde nostrum Diploma referendum est. Decernere non ausim, an designetur annus Lotharii xxxii. vel xxxiii. quod membrana hoc loco attrita sit: quanquam fugientem postremam unitatis notam post iteratam sedulo collationem mihi deprehendisse videar. Pluribus epochis, ut Eruditi observant, Lotharius utitur. Ex his una⁽¹⁾ initium sumit ab anno 822. cum ipse a Ludovico patre in Conventu Akiniacensi, quem mense Augusto celebratum produnt Scriptores, in Italiā missus fuit, ut regii muneris partes obiret. Huic congruit Diploma nostrum, si priori modo legas; anno enim 852. post mensē Augustum decurrebat annus xxxii. ex quo Lotharius in Italiā ingressus est. Quod si, ut videtur, unitas addenda sit, iam constat repeti Imperii initium ab anno 821. praecedenti, quo in Noviomagensi Conventu Kal. Maii consors paterni imperii fuit confirmatus. Atque hanc epocham sequitur Diploma ex Archivo Cremonensi a Muratorio descriptum⁽²⁾ has notas habens: *Data* viii. *Kalend. Martias anno Hlotharii xxxiii. & Hludovici glorioſissimi Auguſti in Italia iii.* *Indiſt. xv.* Quibus haec subdit Vir doctissimus: „Egregie signatam heic vides Epocham imperii Ludovici II. uti & Lotharii Auguſti eius patri; „atque ex his habes, unde Cardinalis Baronii Chronogiam emedes.

(1) V. Monum. Eccl. Aquil. Cap. xlvi. num. 4. & Murator. Annal. Ital. ad h. a. Tom. iv. pag. 520.

(2) Diff. xxix. Tom. ii. pag. 868.

Annum tertium Ludovici, qui notatur in nostro Diplomate, computari existimo ab anno 850. quo, ut Annales Bertiniani produnt, a Leone Papa IV. honorifice suscep^tus, & in Imperatorem unctus est. Vide Mabillonum Lib. v. in explicazione Tab. XLVII. Ad finem itaque vergebant xv. Kal. Decembris annus Coronae Augustalis, qua die secunda huius mensis donatus fuit, ut colligit Pagius ex Monumentis Chronicis Casauriensis. Sed cum Annalium Italicorum Conditor (1) dubitet de hac Pagii conjectura, doctiorum iudicio quaestionem hanc dirimendam lubens dimittam. Liceat solum mihi addere, Virum magnum (2) infirmo arguento uti adversus Diploma a Campio adlatum (quod tamen aliis vietiis laborare recte contendit) dum negat Ludovicum II. anno 851. & sequenti semper in Apulia, & Calabria versatum esse; nec eo tempore Diploma firmare potuisse in Vrbe Placentiae. Eundem anno 852. mense Novembri Papiae fuisse testatur Praeceptum, quod in lucem prodimus. Verum & idem Muratorius alibi (3) hoc biennio Ludovicum Mantuae, Papiae, Ravennae, diversarum esse refert; ut nulla hinc falsitatis suspicio adversus hoc Diploma moveri possit. Postrema signa post illa verba, *In Dei Nomine*, facile designant clausulam frequentissimam, feliciter. Amen.

MO-

(1) Tom. v. pag. 31.

(2) Diss. xxvi. Tom. ii. pag. 455.

(3) Annal. Ital. pag. 34. & 36. Antiq. Ital. Tom. ii. pag. 868.

MONUMENTVM II.

BVLLA EVGENII PAPAE IV.

EVGENIUS Episcopus Servus Servorum Dei
 Venerabilibus Fratribus Zagabrien. & Lin-
 den. Episcopis Monasterii
 Beate Marie in Obnruburg & Plebano
 Plebis S. Petri in Rodmondorff Aquile-
 iensis Diecesis salutem & Aplicam Be-
 nedictionem .

Quoniam Sanctam Catholicam & Apostolicam Ecclesiam extra quam nemo salvari aut acceptum Deo Sacrificium offerre potest cuius Romanus Pontifex Dei in terris Vicarius celestis successor Clavigeri caput est cui ab eodem Deo ligandi & solvendi precipue collata est potestas necesse est ad eternam salutem quenlibet Catholicum Christi Fidelem cum omni devotione & reverentia firmiter profiteri & salubriter ipsius Vicarii veluti Dei mandatis humiliter intendere & parere. Dudum siquidem per nos accepto quod Ecclesia Aquilegiensis per obitum bone memorie Ludovici qui extra Romanam Curiam debitum nature persolvit Pastoris esset solatio destituta. Nos tunc prout ex Apostolatus teneimus officio ne Ecclesia ipsa longe vacationis exponeretur incomodis ad provisionem ipsius celerem & felicem de qua nullus preter Nos ea vice se intronitare potuerat seu poterat. paternis & sollicitis studiis intendentibus ac eiusdem Ecclesie de persona utili ac etiam fructuosa per quam cir-
 cum-

cum spe te regi & feliciter gubernari posset pro-
videre cupientes. post deliberationem quam de-
presciendo eidem Ecclesie personam idoneam &
etiam fructuosam cum Fratribus nostris habuimus
diligentem. demum ad Venerabilem Fratrem no-
strum Ludovicum tunc Archiepiscopum Florenti-
num & Cubicularium Nostrum a vinculo quo ei-
dem Ecclesie Florentine cui tunc preerat tene-
batur. de Fratrum nostrorum consilio ac Apostoli-
ce potestatis plenitudine absolventes vita & scien-
tia decorum in spiritualibus providum & tempo-
ralibus circumspectum aliisque multiplicium virtu-
tum donis insignitum & Nobis in arduis nostris
& Romane Ecclesie negotiis etiam familiari ex-
perientia notum direximus oculos nostre mentis
quibus omnibus attenta meditatione pensatis de
persona sua Nobis & eisdem Fratribus nostris
ob dictorum exigentiam meritorum suorum accep-
pto de dictorum Fratrum nostrorum consilio ei-
dem Ecclesie Aquileiensi providimus ipsumque illi
in Patriarcham prefecimus & Pastorem curam re-
gimen & administrationem ipsius Ecclesie Aquile-
iensis sibi in spiritualibus & temporalibus plenarie
committendo. sperantes & illo sine quo totum
est inane quod geritur confidentes quod per sue
circumspectionis regumen providum Ecclesie Aqui-
legien. prefate gubernatori circumspetto gauderet
se commissam ac etiam in spiritualibus & tempo-
ralibus votivis semper proficeret incrementis prout
in nostris super inde confectis litteris plenius con-
tinetur & deinde fide dignum relatione non sine
magna cordis nostri displicantia ad aures nostras
pervenit quod Venerabiles Fratres nostri Laurentiu-
s Lavoten. & Martinus Pettinensis Episcopi
qui se gerit pro Vicario dicti Laurentii in Pa-
triar-

triarchatu Aquileiensi pacis & tranquillitatis inimico instigante Dei timore proposito ac suorum proprie salutis immeiores contra provisionem nostram huiusmodi cum suis in hac parte complicibus & adherentibus vigore nonnullarum pretensarum litterarum per illos qui in Basilea sub nomine Generalis Concilii de facto congregati sunt emanatarum hostiliter & inique cum nobis omnium talium Ecclesiarum cura ab ipso Deo commissa sit & inimicos Sancte Romane Ecclesie ac omnium Christi Fidelium se ostendentes provisionisque huiusmodi de persona utique fructuosa & idonea facte se opposentes ac Ecclesiam Aquileiensem predictam anhelantes ipsamque nec non terras castra oppida villas locaque & bona ad dictam Ecclesiam spectantia occupare pretendentes. Clerum Diecesis Aquileiensis convocantes Vicarium & Officialem etiam extra terram Foroiulii & Ordines in Carniola Savonia Marchia Stiria Carinthia & Sclavonia instituerunt. licet de facto necnon gravibus processibus monitionibus & requisitionibus penalibus insolitis Clerum atque Populum turpiter subiugare & ab obedientia dicti Ludovici minis & metibus ac terroribus pellere inituntur aliaque faciunt & fieri procurant quo minus ipse Ludovicua Patriarcha iuxta provisionem nostram huiusmodi de persona sua factam possessionem Civitatis & Patrie regiminis administrationis ac bonorum pacifice assequi possit in Sedis Apostolice & provisionis nostre contemtum destructionem divisionem è confusionem Civitatis & Patrie huiusmodi sempiternas malum exemplum omnium Christi Fidelium ac non modicum ipsius Ludovici Patriarche incommodum & gravamen. Nos igitur prout ex Apostolatus tenemur officio ne

ne ulterius in malitia possint gloriari qui pleni sunt iniuitate tali quod eorum compescatur temeritas & pena transgressorum mandatorum Apostolicorum aliis in exemplum cedere valeat remedio opportuno indemnitiati dicte Ecclesie probidere cipientes motu proprio & ex Apostolica plenitudine potestatis discretioni vestre per Apostolica scripta mandamus quatenus litteras & provisionem cum omnibus vice secutis per quosunque preterquam a Nobis concessas cassare & annullare & prout de facto nulle sunt viribus vacuare & cassas nullas & irritas nulliusque roboris vel momenti fuisse & esse prout nalle sunt auctoritate Nostra declarare quas Nos tenore presentium tales declaramus & quatenus de facto processerunt illas cassare quas tenore presentium cassamus & irritamus eadem auctoritate procuretis . Et nihilominus Episcopos & quoscunque eorum complices assertorum Vicarium Archidiaconos & Officiales institutos ac alios ipsis obedientes & consentientes in hac parte etiam ac rebelles quoscunque qui eisdem Episcopis per se vel per alium seu alios in predictis ac circa ea assistunt aut aliquo premissorum contra Ludovicum Patriarcham & provisionem nostram predictam prestant aut de cetero prestabunt consilium auxilium vel favorem publice vel occulte directe vel indirecte quovis quesito colore aut eundem Patriarcham quo minus possessionem dicte Ecclesie Aquileiensis ac omnium ad eamdem spectantium adipisci valeat impediverint cuiuscumque etiam dignitatis status gradus ordinis vel conditionis aut preminentie etiamsi Episcopalis aut alterius cuiusvis existant nisi infra sex dierum terminum a die scientiae computandorum a contradictione & rebel-

bellione huiusmodi desistant excommunicationis
 sententia innodare ac eos tales publicare ac de-
 nunciare ac publicari ac denunciari facere cunctis
 a qua a nullo nisi a Summo Pontifices preter-
 quam in mortis articulo constituti absolutionis be-
 neficium obtainere valeant. quos Nos tenore pre-
 sentium ex tunc prout ex iuncte & ex nunc pro-
 cul ex tunc sine quacunque alia vocatione vel
 declaratione dictis sententiis innodamus declaramus
 & denunciamus quod si secus factum fuerit & in
 furore concepto continuaverint. ipsos omnibus &
 singulis Ecclesiasticis beneficiis officiis administra-
 tionibus dignitatibus cum cura vel sine cura qua-
 cunque vel qualicunque fuerint etiamsi dispositio-
 ni Apostolice generaliter reservatis existant nec
 non ab omnibus officiis spiritualibus vel mundani-
 is que aut a Sede Apostolica aut a dicta Eccle-
 sia Aquileiensi in feudum aut alias etiam ab
 ipsis Lavatensi & Pettinensi Episcopis obtinent &
 omnibus bonis privare & amovere illorumque col-
 lationem & dispositionem ordinationi & dispositio-
 ni nostre reservare ac ad alia quecunque impos-
 terum assequenda beneficia perpetuo inhabilitare
 & inhabiles declarare necnon gratias expectativas
 quorum vigore alia expectant aut pro tempore
 expectabunt. cassare & annullare executoribus quo-
 que & subexecutribus gratiarum huiusmodi & in
 illis deputatis districtius secundum litterarum &
 processuum exinde sequitorum formam & tenorem
 procedere ac circa ea necessaria facere & exequi
 possint inhibere & alia prout erit & vobis aut
 alteri vestrum aut quemvis alium vel alios per
 Nos deputandum seu deputandos expedire vide-
 ritis contra transgressores mandatorum huiusmodi
 procedere processus quoque & sententias decer-
 nere

nere & fulminare ac eos aggravare & regravare totiens quotiens opus fuerit. necnon Terras Ci-vitates Castra Oppida Villas ceteraque loca ad que prefatos Episcopos Vicarium Archidiaconos & Officiales cum suis adherentibus faventibus & assistentibus declinare contigerit Ecclesiastico interdicto supponere studeatis. invocato ad hoc si opus fuerit auxilio brachii secularis, & insuper ut transgressores excommunicati aggravati & interdicti huiusmodi auctius deprimantur & eorum substantia magis deleatur & pereat ut bonis ne etiam huiusmodi perpetrare seu attemptare presumant sit in exemplum universis & singulis Ecclesiarum Prelatis per Provinciam Civiaates & Diecem Aquilegiensem ac alias ubilibet ad quos presentes littere nostre pervenerint etiamsi Iudices seculares fuerint omnes & singulos supradictos ubicunque reperiantur capiendi iuicarcerandi puniendi depo-nendi privandi degradandi iudicio seculari traden-di infcalandi immurandi perpetuis carceribus deputandi & mancipandi & alias quascunque penas secundum quod demerita excommunicatorum pri-vatorum gravatorum & reaggravatorum & inter-dictorum exegerint imponendi alisque personis quibuscunque in hospitiis aut domibus in quibus victum & alia ad usum homini qualitercunque ne-cessaria quesiverint. ne eis aut alicui eorum dire-ete vel indirecete huiusmodi necessaria vendere seu dare aut ipsos receptare & victum & alia neces-saria sub penis sententiis & censuris prescriptis. quas si secus scienter fecerint ipso facto volumus subiacere ne eis huiusmodi necessaria ministrare pre-sumant. inhibentes alias contra eos procedendi eo-rumque bona ubicunque consistentia confiscandi & capiendi ceteraque in premisis & circa ea facien-di

di dicendi gerendi ac exercendi que in premis-
sis necessaria esse videbuntur seu ut iam oppor-
tuna etiamsi talia forent que mandatum exigerent
magis speciale quam presentibus est expressum vo-
bis omnibus & singulis plenam & liberam harum
serie etiam concedimus & damus potestatem .
Dantes & concedentes etiam omnimodam potesta-
tem dictis executoribus omnes & singulos qui di-
ctas sententias & penas excommunicationis aggrava-
tionis reaggravationis ac inhabilitationis incurrerint
ad omnia beneficia Ecclesiastica & officia supradicta
absolvendi & rehabilitandi iniuncta ipsis & cuilibet
ipsorum pro modo culpe penitentia salutari . Non
obstantibus Constitutionibus Apostolicis nec felic.
recordat. Bonifacii Pape VIII. predecessoris nostri
in illis presertim quibus cayetur ne quis extra
suam Civitatem seu Diecesim nisi incertus exce-
ptis casibus & in illis ultra unam dietam a fine
sue Diecesis ad iudicium revocetur seu ne Iudi-
ces a Sede Apostolica deputati extra Civitatem &
Diecesim in quibus Deputati fuerint quod contra
quoscunque procedere sive alii vel aliis vices suas
committere aut aliquem ultra duas dietas a fine
Diecesis eorumdem trahere presumant ac aliis
Constitutionibus & Ordinationibus Apostolicis sta-
tutis quoque & consuetudinibus Civitatum & Die-
cesum predictarum etiam iuramento confirmatione
Apostolica seu quavi alia firmitate roboratus ce-
terisque contrariis quibuscunque . seu si Episcopis
favoribus adherentibus & complicibus predictis vel
quibusvis aliis communiter vel divisim ab eadē
Sede sit indulatum quod interdici suspendi vel ex-
communicari non possint per litteras Apostolicas
non facientes plenam & expressam ac de verbo
ad verbum de indulto huiusmodi mentionem .

Quod-

Quodque si non omnes iis exequendis potueritis
 interesse duo aut unus & quilibet vestrum ea ni-
 hilominus exequantur . salvo quod alter alterum
 non expectet nec unus pro alio se excuset .
 Dat. Rome apud Sanctum Petrum Anno Incarna-
 tionis Dominice millesimo quadringentesimo qua-
 dragesimo quinto decimo septimo Kal. Iulii . Ponti-
 ficatus nostri Anno quintodecimo

B. Roverella

Foris) De Curia

L. de Branchariis

Hic sigillum plumbeum

EVGEN
 IVS PP .) (S . P A . S . P E
 IIII

*Capita SS. Apostolorum Petri , & Pauli
 Cruce intermedia .*

DOMINICI GEORGII

A B I B L I O T H E C A
EMINENTISS. CARDINALIS IMPERIALIS

M O X

B E N E D I C T I X I V .

P O N T I F I C I S M A X I M I

A B I N T I M O S A C E L L O

E X P L A N A T I O
A N T I Q V A E I N S C R I P T I O N I S

I N Q V A

D E L O C A T O R I B V S S C E N I C O R V M
D I S C E P T A T V R

A C C E D I T

A V C T A R I V M

A N T O N I I F R A N C I S C I G O R I



D. IVLIO PIGNATTELLO
 MONACHO CASINENSI
 IN ABBATIA FLORENTINA
 PROFESSO
 AMICO OPTVMO ORNATISSIMO QVE

ANT. FRANCISCVS GORIUS
 ΕΥΠΡΑΤΤΕΙΝ



Ervulgato Herculis adhuc infantis memorando facinore,
 qui immislos Iunonis odio serpentes impavidus in cunis compressit, & interemit; tanta parentes, ac vicinas gentes statim subiit admiratio, testibus antiquis mo-

numentis, & Mytographis, ut exinde intellexerint & vaticinati sint, qualia & quanta ipse facturus eset proiectiore aetate, famae, & gloriae nominis flagrantissimus; orbe ab exitialibus monstris, & impiis hominibus longe lateque perpurgato: creditis Deorum aris, prisca Numinum religione restituta, compluribus aliis Heroibus ad praecclara gesta exemplo suo excitatis, favente eius virtuti Minerva; quae quidem praecepsagia, ut memorant, fuere longe auspicatissima. Si licet profanas Historias sacrarum Viris, quamvis ex ingenio, non tamen sine ratione, interdum aptare, & ad ea quae in animo concepta habemus clarius exponenda, convenienter usurpare; id ipsum de Te, IVL PIGNATTELLE ORNATISSIME, qui nondum aetatis tuae annum decimum octavum emensus es, iam praesentio, probeque intelligo, quantum postea utilitatis, honoris, splendorisque sis adlatus Amplissimo Ordini tuo, tuae Nobilissimae ac toto orbe Clarissimae Genti; nam ea emines gloria, ut Pronepos sis INNOCENTII XII. Pontificis Optimi, Maximi, Sapientissimi Christiani Orbis climi Moderatoris: Parentibus

bus optimis ac pientissimis, germanis Fratribus amantissimis, denique Tibi ipsi, & optimis Praeceptoribus, quorum adsiduis curis, tam eximiam in litteris, in Philosophicis & Geometricis facultatibus, tantamque nunc adsecutus es scientiam, ut transactis diebus nempe VIII. Kal. Iunias huius anni, magnopere miratus sim ingenium tuum, eruditionem, eloquentiam, peritiam, igneam mentis vim, sed pacatam & gravem, quibus armis instructus, uti superiore elapso anno feceras, Physicas, Philosophicas, ac Geometricas Theses egregie, & quidem non tres, sed quinque una die, praesentibus quinque tui Ordinis Abbatibus, pietate, prudentia, doctrina praeclarissimis, coram frequenti Eruditorum hominum confessu, summa omnium voluptate, & admiracione, quasi veteranus Athleta, strenue propugnasti, & doctorum Professorum difficultates, invictaque propemodum argumenta solemniter refellisti, atque in omnibus perspicue & miro ordine tuam explanasti sententiam. Praeterea, quum a Clarissimo Viro D. Petro Aloysio Galletio, huiusc Florentiae Abbatiae Philo-

sophiae & Geometriae Professore, Praeceptore tuo permultam in scrutandis Antiquitatis mysteriis, & monumentis cum prisci, tum medii aevi adeptus sis, eo docente, peritiam & eruditionem, nullisque additis calcaribus, sponte tua, & ingenio maxime alacri, ad virtutis & gloriae fastigium, Tibi minime arduum, pleno gressu properes & festinato gressu contendas; statui offerre Tibi, virtutique tuae spectatissimae, tamquam meae in Te perpetuac observantiae, & benevolentiae tessem, eximum hoc Opusculum Doctissimi Praesulis D OM INICI G EORGI, quem nuper defunctum laudasse & deflevisse Sapientissimum B ENEDICTVM XIII. Pontificem Maximum, scimus, teste Viro Eminentiss. S. R. E. Cardinali Q VIRINO; quae quidem maxima omnium laudum est. Id ipsum testari Tibi poterit omni- genam Cl. G EORGII doctrinam; nam dum rusticaretur, paucis libris contentis, illud confecit, illudque perpaucis excusis exemplaribus typis commisit Autumnalibus otiis, vulgavitque apud Montemfaliscum xvi. Kal. Novembres anno c. 10. ccxxvii. Hoc ipsum quoque exemplar

plar multa adhibita cura & diligentia iam-dudum investigare , & tandem reperire mihi contigit , quo Te , tuoque nomine , quo inscriberetur , dignum censui . Statimac olim ostendi legendumque praebui Praeceptor meo doctissimo , & amantissimo Antonio Mariae Salvinio , ut erat solitus , notulas marginales nonnullas adiecit , quas nolui praeterire . Quamvis autem e profanis antiquae Eruditionis thesauris sit deprompta Disceptatio haec singularis DE LOCATORIBVS SCENICO-RVM ; Tibi tanien non male convenit , qui abdicato saeculi fastu , Domus clarissimae & ditissimae opibus , & commodis relictis spretisque , uni Deo Regi saeculorum Immortali in Monachorum Castris servire sanxisti , & me praeidente nuper professionem emisisti mira constancia , pietate , alacrique devotione ; idcirco quod optime intellexisti , quae de hac Mundi Scena , eiusque vanitate divino plenus spiritu intonuit egregius Gentium Doctor Paulus , P R A E T E R I T FIGURA H VIVS MVNDI . Probabis , ut spero , publicum hoc mei obsequii , & plausus testimonium & Tu ipse , & Vir Prae-

stantissimus Dominus IVLIVS DE PALMA (a quo nomen accepisti, & ut sperare lubet, eius referes humanitatem, mores, pietatem, doctrinam, magnanimitatem) Abbas Nobilissimi Monasterii, & Basilicae Beatorum Severini & Sosii in Vrbe Neapoli, quam quum antea magnifica & splendida esset, adiectis ampliatisque multis operibus reddidit omnium splendiffissimam ac magnificentissimam. Hic tantus Vir, egregius studiorum tuorum fautor, Te Florentiam misit, ut in hoc Celeberrimo Florentinae Abbatiae Collegio sacrae Militiae inter Monachos tirocinium faceres, & quietiore spiritu, atque ab omnibus patriis avocamentis alieno, sedulam in studiis Philosophicis & Theologicis navares operam, atque eius spes omnes impleres; quod quum facias strenue, non abs re me facturum putavi, si voluntatem erga Te meam gratulabundus testarer. Huic Diatribae adieci in fine AVCTARIVM meum, quod etiam spero fore Tibi non ingratum ac injucundum. Neque hisce munusculis contentus fatus fui; volui etiam adiicere Syllogen Epistolarum aliquot, ad hoc tempus

pus ineditarum, quas summi Viri, praesertim ex Ordine tuo, toto orbe litteris, pietate ac meritis praeclarissimi, MABILLONIVS & MONTFAVCONIVS, olim ad immortalem Virum, cui ad fossam usque ero devinctissimus, ANTONIVM MARIAM SALVINIVM Amicum optimum, de se egregie meritum perscripserunt. Id facio, ut ad haec inicantissima lumina (adde etiam Doctissimum Antiquitatis Interpretem BANDVRIVM) perpetuo respicias, eorumque vestigia, atque alia etiam gloriofa Maiorum tuorum exempla adsiduo studio secteris. Hanc Syllogen mihi publici iuris faciendam humanissime obtulit bono & ipse Reipublicae litterariae natus SALVINVS SALVINIVS, Canonicus Florentinus, Praeceptoris mei germanus Frater eruditissimus. Has igitur doctae Vetustatis delicias, tuis auspiciis & nomine illustratas, eo consilio in publicum litteratorum hominum commercium ire sino, ut sis mihi (quod Tibi dum meum Museum una cum Vigilantissimo Magistro ac tirocinii tui moderatore D. Benedicto Cavalionio Florentino cum reliquis lectissimis

Se-

Sodalibus tuis xvii. Kalendas Iunias hoc
ipso anno diligenter perlustrabas, legen-
dum, memoriaque retinendum proposui
in antiquo scripto marmore meo, quod
infra in gratiam Tui referendum iterum
censui, servata eiusdem marmoris genui-
na, inemendata licet, orthographia) So-
DALICIA RIVS . BONVS . AMORATVS .
FILETIVS VSQVE AT FOTSA . Salve
igitur, IVLI PIGNATELLE , Ado-
lescens Ornatisime, Benedictini Ordinis
Alumne, & quamprimum, ut spero, dum
& ipse in Cathedris docebis, & tuis egre-
giis lucubrationibus Litterariam Rempu-
licam augebis, praeclarum decus & or-
namentum .

Scribebam in meo Museo Idibus Iuniiis
anno R. S. c10.10.cc.XXXVIII.

123

I N D E X

C A P I T V M .

C A P V T I.

- Ossuarium detectum ad Portam Capenam.* pag. 125.

C A P V T II.

- Interpetratio inscriptionis. Locare, & Locator, quid.* 127.

C A P V T III.

- Merces, & praemia Scenicorum.* 132.

C A P V T IV.

- Pecunia in ludos erogata, dicta lucar.* 134.

C A P V T V.

- Quibus pecunia traderetur.* 135.

C A P V T VI.

- Stipendii Histriorum modus impositus.* 136.

C A P V T VII.

- Scenici honoribus affecti.* pag. 137.
CA.

C A P V T VIII.

Scenici infames.

138.

C A P V T IX.

Scenicorum vox in hac inscriptione explicata.

ibid.

C A P V T X.

Scaenicus, & scaena cum diphthongo.

139.

C A P V T XI.

De infamia, & impudicitia Theatri.

140.

C A P V T XII.

Sanctiones Conciliorum in Scenicos.

143.

C A P V T XIII.

Imperatorum leges de Scenicis.

144.

C A P V T XIV.

Opinio Cl. Fabretti de Porta Capena confirmata.

145.

C A P V T XV.

Inscriptiones in Ossuario repertae.

147.

AN-



ANTIQVAE
 INSCRIPTIONIS
 EXPLANATIO
 IN QVA
 DE LOCATORIBVS SCENICORVM
 DISCPTATVR.



CAP. I. *Ossuarium detectum ad Portam
Capenam.*



ETERNAE VRBIS hoc prae ceteris de-
 cuss est, ut in eius celebri solo ef-
 fodiendo praeclarum aliquod mo-
 numentum ex ipsis ruderibus in dies
 emergat, auro contra ab Anti-
 quitatum studiosis aestimandum; ex
 quo prisca Romani nominis maiestas, splendor,
 instituta, moresque reviviscere quodammodo vi-
 den-

deantur , novaque propterea Reipublicae Litterariae praesidia , ac ornamenta accedant .

Sub finem anni superioris ad Portam S. Sebastiani , vulgo antiquam Capenam , sed intra pomoerium (1) , nimirum viginti circiter passus ante ipsius Portae egressum , in laevo latere Appiae Viae , supra modicum clivum , erutum fuit se ulchrale Conditorium , quod *Ossuarium* , & *Columbarium* ab antiquis etiam est adpellatum , in quo Inscriptiones aliquot eorum , qui ibidem positi fuerant , detectae sunt . Huius invisendi studio adductus Eminentissimus Princeps , ac Dominus meus clementissimus Ioseph Renatus Imperialis titul . S. Laurentii in Lucina , ac Presbyterorum S. R. E. Cardinalium prior , eo proficisci statuit die XXVI. Ianuarii huius anni MDCCXXVII. illiusque rei causa Patrem Domnum Caelestinum Galianum , Ordinis Caelestinorum Procuratorem Generalem , ac Abbatem Lucam Nicolaum Recchum , amplissimi Cardinalis a cognitionibus accivit , meque etiam iis comitem addidit . Ad praestitutum locum accessimus ; sed proh dolor ! Columbarium ipsum a vineae conductore paene disiectum invenimus , ingestis quoque in ipsum rudeibus , ut quae eius magnitudo , ac figura fuerint , agnoscere non potuerimus . Seposuerat ille nonnullas eiusdem Conditorii Inscriptiones , & anaglypha fragmenta , ignarus quid essent ; hoc unum ratus se pro ipsis lapidibus aliquam pecuniam ab emptoribus accepturum .

Ego vero Inscriptiones illas raptim , atque avide exscripsi . Has inter singularis , ac luce publica digna mihi visa est , quam hic profero :

Q. GA-

() *Pomoerium* , quasi *postmoerium* .

Q. GAVIVS AR MONIVS
LOC. SCAENICORVM
VIXIT ANNIS XXIII. M. VI

Hanc ipsam Inscriptionem brevi quadam interpretatione illustrare haud abs re futurum putavi , atque Eruditorum de mea qualicumque opinione sententiam rogare .

CAP. II. *Interpretatio Inscriptionis. Locare ,*
& Locator , quid .

Gradum igitur primum facio ad notas illas breves LOC. quibus , ni mea me fallit opinio , LOCATOR exprimitur . Qua vero auctoritate , quibus testibus , monumentis , & coniecturis id adseram , haud ita multis praestabo .

Locandi verbum , cum apud Latinos Scriptores , tum apud veteres Iurisconsultos saepe usurpatum , quum quis , mercede constituta , paciscitur cum aliquo de re , aut opere efficiendo , seu disciplina facienda . Huius verbi in hanc significationem apud Latinos vel aureae aetatis , innumera exempla suppetunt : nos aptiora rei , de qua agimus , confirmanda , selegimus . Cicero pro

Q. Ro-

(1) Α'εμονις , Harmonius , Locator Scaenicorum , pro Scenorum , Σκηνικῶν .

Q. Roscio Comoedo num. 28. *Disciplina*, idest ars Histrionica, quae ab hoc (Roscio) erat tradita, locabat se non minus hs. cccccc. Idem Lib. I. Aet. II. in Verrem num. 50. Cum L. Octavius, C. Aurelius Cos. aedes sacras locavissent; quo verbo saepe Cicero in eadem Verrina utitur. Lib. II. in ipsum Verrem num. 145. Opus tu, quod hs. DLX. millibus faciendum locasti. Et num. 154. locarat opus faciendum magna pecunia. Philippica IX. in fine: Utique C. Panfa, A. Hirtius Consules, alter, ambove, si eis videbitur, Quaestoribus Urbanis imperent, ut eam basim, statuamque faciendam, & in rostris statuendam locent; quantique locaverint, tantam pecuniam redemptori adtribuendam, solvendamque curent. Reliqua Ciceronis loca omitto, ne fastidium pariam. Praeclarum est etiam Livii testimonium Lib. xxxiv. Cap. liii. quod, utpote longiusculum, non adfero. Ad veteres Leges addeo. In Lege II. Digestorum de his, qui notantur infamia, haec habentur: *Qui operas suas locavit, ut prodiret artis ludicrae causa, neque prodit, non notatur: quia non est ea res adeo turpis, ut etiam consilium puniri debeat.* Vides ergo ab Histrionibus locatas fuisse operas suas, & disciplinas ab his traditas: Alias Leges in hanc significationem, si cupis, adi Legem xxxi. §. *Qui aedem Digestis locati, Lege II. §. Si conservatis de Lege Rhodia, Leg. I. §. Qui operas, Digest. de postulando, & Legem XLIV. de fideiussoribus.*

Pari quoque ratione LOCATOR is dicitur, qui pro aliquo opere, aut re facienda, stata pecunia, cum aliquo contrahit. Mos fuit apud Romanos, ut sumptus funeris locarentur; itaque is, qui cum Libitinariis contrahebat, ut omnem ad-

paratum , conventa mercede , suis sumtibus prae-
starent , locator funeris dicebatur . Audi Plinium
Lib. vii. Cap. lii. Romae quoque Corfidium ma-
terterae suae maritum , funere locato revixisse ,
& LOCATOREM FVNERIS ab eo elatum . Hinc fre-
quenter apud veteres funus locare , & simila .

Ex his ergo veterum testimoniosis , in quibus ,
quae vis verbi locandi sit , maxime elucet , non
immerito colligo , singulares illas litteras in no-
stra hanc Inscriptione de LOCATORIEVS Histriorum
esse intelligendas .

Quid quod autem , si in antiquo lapide hoc
ipsum nomen apertissimis litteris expressum est ?
Exstat in Gruteriano Thesauro pag. MXXIV. 5.
nobile Monumentum , quod Mediolani positum est
duobus Scenicis Artificibus , curante Calopodio Lo-
catore . Hoc autem loco minime a nobis illud
praetereundum esse censuimus , ut videoas quan-
tum lucis ex hoc ipso noster lapis accipiat , & ad-
posite quantum ille per nostrum illustretur . Me-
diolanensis porro lapis talis est :

D M

CVRANTE CALOPODIO LOGATORE

IONA

*Hic
soultus
Vir tuni-
catus,
& pal-
liatus.*

THEOCRITI
AVGG. LIB
PYLADI
PANTOMIMO
HONORATO.
SPLENDIDISSIMIS
CIVITATIB. ITALIAE
ORNAMENTIS
DECVRIONALIB. ORNA
GREX
ROMANVS
OB. MERITA. EIVS
TITVL. MEMORIAE
POSVIT

TROADAS

*Hic sculptus
Vir similis,
qui dextra
personam, sin-
hastam tenet.*

SPV TEMPO. S PRIMVS

Curante ἐπιμελεύμένος Καλοπόδιτος . Bella gamba . Θεόκριτος Lib.
Απελεύθερος Πύλαδη Παντομίμων τυριθέντη
Splend. dissimis. Δαιμονοτάτης πόλεσι τῆς Ἰταλίας .
Crex . Compagnia degl' Istrionci . ρυσίας χάριν , ἀνίθηκεν .

Huius

Huius monumenti figura in modum arae affabre efformata est , ad latera sculpti sunt duo Histriones , mimicis ornamentis induiti : alteri nomen est IONA : alteri vero TROADAS , qui SVI TEMPORIS PRIMVS dicitur . Quum igitur legamus in summa fascia hoc monumentum hisce Ludionibus ponendum curasse *Calopodium Locatorem* , utique edparet , ni hoc exemplo fallor , siglas lapidis a nobis in lucem eruti , de LOCATORE esse accipiendas . Quae quum ita sint , ob hoc ipsum nomen , quanto in pretio habenda sit haec Inscriptio , Antiquitatum amatores intelligent , quod in tota Gruteriani Thesauri collectione , nusquam alias hoc nomen , nisi in memorato Mediolanensi lapide occurrat .

His ita constitutis , sequitur ut qui Locatores ipsi fuerint , definiamus . Erant igitur , qui constituta mercede , cum Aedilibus , ad quos , ut plurimum , cura , & impensae ludorum theatralium pertinebant , aut cum ludorum editoribus , corpus Histrionum pro ludis faciendis locabant . Mirari certe licet cur a viris doctissimis Iusto Lipsio , Iulio Caesare Bulengero , ac aliis , qui de veteri Theatro syntagma scripsere , quum varia officia ministrorum Theatri in medium protulerint , de Locatoribus ne verbum quidem factum sit ; forte quia nunquam hoc nomen apud veteres Scriptores offendere ; ex quo lapidis nostri aestimatio augetur .

CAP. III. *Merces, & praemia Scenorum.*

PERcontari autem ex me loco nonnulli mihi videntur, quae pecuniae summa exigi a Locatoribus soleret, & quantum ipsi Histriones acciperent. Initio quidem quam primum Romae ludi scenici instituti sunt, nimirum A. V. ccxc. nihil a spectatoribus solutum fuisse arbitror; sed paulatim, sicut in ludis celebrandis ingentes pecuniae copiae insumptae sunt, ita & Scenorum mercedes modum excessere. Ludorum profusas impensas sua aetate Livius damnat, dum eorum origines refert Lib. vii. Cap. ii. *Inter aliarum parva principia rerum, inquit, ludorum quoque prima origo ponenda visa est; ut adpareret, quam ab seno initio res in hanc vix opulentis regnis tolerabilem insaniam venerit.* Qui primus apud Graecos Tragoedum egit, Horatio teste in Arte Poetica :

— vile m̄ certavit ob hircum. (1)

Livius quoque auctor est Lib. xxxiv. Cap. xliv, & liv. usque ad A. V. dlx. populum in promiscuo una cum Senatoribus spectasse; & tum primum loca Senatoria a ceteris secreta fuisse: quod Sextus Aelius Paetus, & C. Cornelius illius anni Censores Aedilibus Curulibus imperarunt.

Origo autem pendendi aliquid pro spectaculis, ex Graecis accepta a Romanis videtur; nam primum Periclem ferunt, ut plebeculae gratiam iniret, quem tenuiores inopiae causa loca emere non possebant, quae a divitibus data pecunia occupa-

(1) Τραγῳδία, τεάνθη, hircus, cantus ob hircum.

cupabantur, publicas omnes pecunias, *theoricas* (1) esse voluisse; quod habet Vlpianus Olyntiaca prima (2). Itaque Athenienses pecunias militares populis viritim dividebant, ut singuli duos obolos acciperent: & altero vitam tolerare, altero spectare in Theatro possent. Ea pecunia igitur, quae pro scenicis spectaculis solvebatur, a Graecis *theorica* dicebatur, ut observat Ludovicus Coelius Rhodiginus Lib. viii. Cap. ix. quod *thea* apud eos *spectaculum* vocetur. Vide fusiis ea de re Carolum Sigonium de Republica Atheniensium Lib. iv. Cap. iiI. Romae vero Ciceronis aevo adeo excreverat Histrionum merces, ut hac arte vel solus Comoedus summas divitias pararet. De Q. Roscio Comoedo testatur ipse Cicero in Oratione pro eodem Roscio num. 8. *Prob Deūm*, inquit, *hominumque fidem*, qui ms. ccclccc, ccclccc, ccclccc *quaestus* facere noluit; nam certe ms. ccclccc, ccclccc, ccclccc, (idest tercentum milia sextertium) merere, & potuit, & debuit; si potest *Dionysia* ms. ccclccc, ccclccc merere, *is per summam fraudem*, & malitiam, & persidiam ms. Iccc appetiit? Et illa fuit pecunia immanis, haec parvula: illa honesta, haec sordida: illa iucunda, haec acerba: illa propria, haec in causa, & in iudicio collocata. Decem his annis proximis ms. sexagies honestissime consequi potuit: noluit, laborem *quaestus* recepit: *quaestum laboris* reiecit; populo Romano adhuc servire non destitit: sibi servire iam pridem destitit. De hoc eodem Roscio, & Aesopo Ciceroni quoque grato, haec adfirmat Macrobius Saturnalium Lib. ii. Cap. x. *Is est Roscius*, qui etiam L. Sullae car-

(1) θεωρία χρήματα, pecunias ad spectandum.

(2) Vlpianus interpres Demosthenis.

rissimus fuit, & annulo aureo ab eodem Dictatore donatus est. Tanta autem fuit gratia, & gloria, ut mercedem diurnam de publico mille denarios sine gregalibus solus acciperet. Aesopus vero ex pari arte ducenties festertium reliquise filio constat. Quamvis autem, ut Iustus Lipsius in Syntagmate de Amphitheatro Cap. xv. animadvertisit, pro iudis spectandis loca gratuita esse viderentur; prisco tamen more receptum erat, ut aliquid, a servis praesertim, & a plebe penderetur. Huc siquidem idem Lipsius spectare ait, quod habet Plautus', seu vetus Auctor in Prologo Poenul. ver. 23.

*Servi ne obsideant, liberis ut sit locus:
Vel aes pro capite dent: si id facere non
queunt,
Domum abeant.*

CAP. IV. Pecunia in ludos erogata, dicta lucar.

Pecunia porro illa, quae in ludos, spectacula, & in ipsos Scenicos erogabatur, lucar ex Pompeii Festi auctoritate adpellata fuit (1), inde dicta, quod e lucis captetur. Gerardus Iohannes Vossius in Etymologico verbo *lucar*, & *locar*, Festum reprehendit, & hoc nomen a locis, pro quibus haec pecunia a sedentibus solvebatur Locariis (2), derivat. Verum Fulvius Vrsinus in Notis ad Taciti Annal. Lib. 1. Cap. LXXVII. pag. 425. a lucis profectam *lucaris* vocem, adstipulante Plutarcho in Problematis, opinatur, suamque sententiam fide fragmenti marmorei firmavit, in quo incisum erat:

DE LVCARI LVDORVM SAECVLARIVM, & LVCARIS
NO-

(1) *Locar*, e *Lucar*, da' luoghi per sedere.

(2) Agli Accomodatori.

NOMINE . Hoc autem fragmentum Senatus Consulti de ludis saecularibus , C. Silano , & C. Furonio Coss. hoc est A. V. pccxxxvii. actis , ipse Vrsinus edidit in fine libri de Legibus , per insignem Antistitem Antonium Augustinum vulgati . Ioannes vero Ludovicus de la Cerda Advers. Sacrorum Cap. XLIX. §. 6. mendum esse in Festo , verbo *lucar* , contendit ; nam quum in editis Festi exemplaribus habeatur , *lucar* adpellatur , quod „ ex lucis „ captatur ; loco *lucis* , ille legit *ludis* ; *lucar* enim scribit , pro *ludis* dabant de privato aere spectatores , & interdum de publico . Ibidem notat , *lucar* fuisse mercedem Saltatorum , & Histriorum ; hinc a Tertulliano adversus Gnosticos Cap. viii. litteris traditum , Sanctum Ioannem Baptistam capite caesum fuisse *in puellae Salticae lucar* (1) . Certe quidem Sosipater Charisius Institutionum Grammaticalium Lib. i. *lucar* , theatricum argentum explicuit . Cassiodorus autem Lib. i. var. Epist. xxxii. stipendum mimorum , *menstruum* adpellat , fortasse quia singulis mensibus daretur .

CAP. V. *Quibus pecunia traderetur.*

MErces Theatri , ut est apud Iulium Caesarem Bulengerum de Theatro Lib. i. Cap. LVIII. dabatur apud Graecos ei , qui *Theatrona* vocabatur ; & qui pecuniam a populo exigebant , Aeruscatores dicti sunt . *Theatronae* (2) , inquit , erant Redemptores Theatrorum ; qui facienda , & exstruenda subita Theatra conducebant . Totam vero summam , quae , sive ex populo , & ex spectatoribus

(1) ορχηστίας , Saltatrixis .

(2) θεατράριος , ut στρῶν , frumenti cœmptores annonařij , ab eo , emo .

colligebatur , in manus Aedilium devenisse puto ,
quorum erat sumptus ludorum facere .

CAP. VI. *Stipendiis Histrionum modus impositus.*

SED ut ad mercedem , & praemia Scenicorum sermo redeat , certa de his ratio reddi non potest , quum subinde mutata res sit , aut profusis largitionibus modus impositus . Tiberius A. V. CCCLXVIII. Theatri licentiam coercuit , & Histrionum mercedes decurtavit , ut habet Suetonius in eius vita cap. XXXIV. *Ludorum* , inquit , ac *munerum impensas corripuit* , MERCEDIBVS SCENICORVM RESCIS- sis . Tacitus vero Annalium Lib. i. cap. LXXVII. rem narrat his verbis : *De modo lucaris , & adversus lasciviam fautorum multa decernuntur* . Ceterum vulgarium Actorum (1) mercedem fuisse quinque denarios , Iustus Lipsius in Excurso ad Annal. Tacit. litt. E , pag. 499. editionis Plantinianae existimat , saepius id fuisse immutatum pro genio vulgi , & editorum . Ex Senecae Ep. LXXX. non aliud , quam quinque modios , & quinque denarios datos liquet : *Ille , qui in scena elatus incedit , & haec resupinus dicit , imperito Argis (2) , Servus est , quinque modios accipit , & quinque denarios* . Similia refert Lucianus in Icaromenippo . Ecquis autem contra sibi non persuadeat , immensam pecuniam in Scenicos a Nerone collatam ? Tanti erant , eo imperante , Histriones , ut ipsi Neroni , quo inter Scenicos privatis spectaculis operam daret , quidam Praetorum , quod Suetonius in vita Cap. xxi. adsfirmat , hs. *decies obtulerit* . Quapropter Galba , ut est apud eumdem Sue-

(1) ὑπομηθῆναι , *Histrionum* .

(2) *imperito* , frequentativum ab *impero* .

Suetonium Cap. xv. *Liberalitates Neronis, non plus decimis concessis, per quinquaginta Equites Romanos ea conditione revocandas curavit, exigendasque, ut & siquid SCENICI, aut Xystici donatum olim vendidissent, auferretur emtoribus, quando illi, absunto pretio, solvere nequirent.* Sensim vero Scenicorum mercedes excrevere: hinc factum, ut M. Antoninus Imperator eas corripuerit: *Temperavit (Capitolinus inquit in vita Cap. xi.) scenicas donationes, iubens, ut quinos aureos Scenici acciperent: ita tamen, ut nullus editor decem aureos egredetur: magno tamen, clamat Lipsius memorato nobis nuper loco, corruptis moribus incremento. De his quoque aureis meminit etiam vetus Scholiastes Iuvenalis in Satyr. vii. vers. 243.*

*Accipe, victori populus, quod postulat aurum.
Ut in Theatro (inquit) solent petere quinque aureos: nam non licebat amplius dare.*

CAP. VII. Scenici honoribus affecti.

QVis vero non modo Romanorum, sed & Italicarum Vrbium levitatem, ne dixerim insaniam, miretur, quum Scenicos & praemiis amplissimis, honoribus Magistratum, & Civitate ipsa aliquando donarint? Testem adhibeo unum M. Tullium in Oratione pro Archia Poeta num. 5. *Etenim, inquit, cum mediocribus multis, & aut nulla, aut humili aliqua arte praeditis, gratuito civitatem in Graecia homines impertiebantur, Reginos credo, aut Locrenses, aut Neapolitanos, aut Tarentinos, quod SCENICIS ARTIFICIBVS largiri solebant, id huic summa ingenii praeedito gloria noluisse?* Atque illud etiam mirandum est, aliquando ab Equitibus Romanis ludicram artem in Theatris

excultam fuisse : Augustus enim ad *Scenicas*, & *Gladiatorias* operas etiam *Equitibus Romanis* usus est, priusquam *S. C.* interdiceretur. Suetonius Cap. XLIII. Mitto lapides, in quibus de ornamenti Decurionalibus, ac Magistratibus concessis Mimis, ac Pantomimis mentio fit.

CAP. VIII. *Scenici infames.*

ATtamen Romanis Legibus infames Histriones declarantur in Lege II. Lib. II. Digestorum *de his qui notantur infamia*; sed nos ea de re paullo post; tu interim vide Bulengerum de Theatro Lib. I. Cap. I. & ad honores Scenicis collatos quod attinet, Laelium Bisciolam Horarum Subsecivarum Lib. XIX. Cap. v. pag. 1430.

CAP. IX. *Scenicorum vox in hac Inscriptione explicata.*

NVnc autem a re ipsa parumper declinantes, ad verbum illud SCAENICORVM in Inscriptione positum convertamus animum. Nullus ambigo, quin haec vox in hocce lapide de Scenicis Actoribus intelligi debeat, non de epitheto ad rem Theatralem pertinente. Protritum enim est Histriones, & ludicram artem professos, a Latinis Scriptoribus & Scenicos simpliciter, & Scenicos Artifices adpellatos (1). In testem adduco Ciceronem ipsum Latinae Linguae exemplar. Audi eius verba Lib. I. Offic. Cap. XXXIII. *Ne SCENICI, plus quam nos, videantur habere prudentiae.* Et Cap. XXXV. *SCENICORVM quidem mos tantam habet*

(1) Διορυταῖς τσχύταις, Bacchique Artifices; nam in tutela Bacchi erant Ludiones.

bet verecundiam , ut in Scenam sine subligaculo prodeat nemo . In Oratione vero pro Archia Poëta num. 5. ut supra vidimus , Artifices Scenicos , Histriones nominavit . Lapidum exempla non advo-
co , utpote notissima ; & vel ipse titulus Co-
dicens Theodosiani Lib. xv. Tit. vii. de Scaenicis ,
sententiam hanc maxime comprobat , ne ad in-
finitos Scriptores provocemus .

CAP. X. Scaenicus , & Scaenae cum diphthongo .

NVlla item haesitatio esse debet ob huius no-
minis orthographiam . Si quis enim erit pri-
sciae apud veteres scribendi rationis parum gna-
rus , qui forte putet vitiose hanc vocem SCAE-
NICORVM per diphthongum AE exaratam ; ideoque
ad inferiorem aetatem lapidem ipsum amandandum
contendat , ne id praeceps statuat , eum rogabi-
mus . Volumus enim , ut prius intelligat ex Al-
do Manutio iuniore in Orthographia pag. 700.
edit. anni 1566. Scenam quidem sine diphthongo
scribi , ut a libris , & a Graeca consuetudine do-
cemur ; verum aliter prostare in lapidibus quibus-
cumque , quos is viderit , in quibus SCAENA , & SCAE-
NICI cum diphthongo efferuntur , ut certe praefe-
runt Inscriptiones apud Gruterum pag. c1. 3.
cclxx. 6. cccxxx. 2. cccxxxii. 4. & 6. ccccix. 3.
cccclxvii. 7. DLXXIX. 2. Adde Claudium Dausquium
in Orthographicis pag. 281. Gerhardum Io. Vof-
sium in Etymologico verbo *Scena* , ex Varronis ,
& Prisciani sententia . Immo aureo illo Linguae
Latinae seculo per diphthongum hae voces scri-
bebantur , quod patet ex Pilano Cenotaphio Caii
Caesaris , Augusti nepotis . Visuntur in eo lin. 30.
haec verba LVDI SCAENICI . Non diffitemur qui-
dem

dem cum magno Norisio fin Dissert. iv. p. 482. de Cenotaphiis Pisanis variatum in *Scena*, & *Scenicorum* scribendi ratione; sed frequentius in lapidibus, vel optimae aetatis, haec nomina occurrere cum diphthongo: quae cum sine ulla certa ratione, ut observat Christophorus Cellarius in Orthographia Latina, scribantur, vulgarem consuetudinem nos quoque amplectimur, fatis nobis est priscum, & frequentem morem indicasse.

CAP. XI. *De infamia, & impudicitia Theatri.*

SED his orthographicis dimissis, ad ea mentem convertamus, quae Christianos maxime decent, & in mentem revocemus quantopere Ecclesia Dei, ac primi Patres, ipsique Christiani Imperatores spectacula, & ludicram artem exhorruerint, & improbarint (1). Romanorum inconstantiam non moramur, quorum leges infamia Actores notabant: nihilominus eosdem identidem honoribus adficabant, ut superius adnotavimus. Sane quidem vel ipsi Ethnici Scriptores fassi sunt, per Mimos, Pantomimos, Ludiosque, flagitiis, ac turpitudine Scenam foedatam. Id ultro dedit Ovidius, Poëta minime amorum profligator, qui in hanc sententiam cecinit, Tristium Lib. II. Eleg. 1. vers. 279.

Vt tandem hoc fatear: ludi quoque semina præbent

Nequitiae: tolli tota Theatra iube.

Peccandi caussam, quae multis saepe dederunt,
Martia cum durum sternit arena solum.

Inter Poëtas quoque minime verecundos Proper-tius

(1) Religionis caussa, propterea quod ii ludi Deorum alii dedicati; vel quod turpia agebant.

tius Lib. II. Eleg. xxii. docet libidinis, atque impudicitiae Theatra in causa esse; cui adstipulatur Ovidius de Arte amandi Lib. I. vers. 89. & sequentibus.

Quo autem studio, atque ardore in spectacula nostros illos priscos Ecclesiae Patres stilum acuisse putas? Instar omnium nobis sit Tertullianus, qui in Libro de Spectaculis Cap. xxii. honoribus sumimotos, ludorum Actores narrat: *Etenim, inquit, vel ipse auctores, & administratores spectaculorum, Quadrigarios, SCENICOS, Xysticos, Arenarios illos amantissimos, quibus viles animas feminae, aut illi etiam corpora sua subternunt, propter quos in ea committunt, quae reprehendunt, ex eadem arte, quam magnificiunt, deponunt, & deminuant; immo manifeste damnant ignominia, & capitis minutione, arcentes curia, rostris, senatu, equite, ceterisque honoribus omnibus simul ac ornamentis.* Idem Cap. x. Censorum Romanorum priscam disciplinam, Cornelio Nasica auctore, commendat, quum Theatra solo aequare iusterunt: *Saepe Censores renascentia cum maxime Theatra destruebant, moribus consulentes, quorum scilicet periculum ingens de lascivia providebant.* Et in Apologetico Cap. vi. Romanis probro vertit, quod saluberrimas illas Leges labefactarint. *Quonam illae Leges abierunt, quae Theatra stuprandis moribus orientia, statim destruebant?* Mox: *Video & Theatra, nec singula satiis esse, nec nuda, Nam, ne vel hieme voluptas impudica frigeret, primi Lacedaemonii odium penulae ludis excogitaverunt.* Accipe praeterea quantopere is urgeat, ut spectacula a Christianis fugiantur: *Similiter (inquit Cap. xviii. de Spectaculis) impudicitiam omnem amoliri iubemur.* Hoc igitur modo

modo etiam a Theatro separamus , quod est privatum consistorium impudicitiae , ubi nihil probatur , quam quod alibi non probatur . Ita summa gratia eius de spurcitia plurimum concinnata est , quam Atellanus Gesticulator (1) , quam Mimus etiam per mulieres repraesentat , sexum pudoris exterminans , ut facilius domi , quam in Scena erubescant : quam denique Pantomimus a pueritia patitur in corpore , ut artifex esse possit . Ista etiam prostibula publicae libidinis hostiae in Scena proferuntur ; plus miserae in praesentia feminarum , quibus solis latebant , perque omnis actatis , omnis dignitatis ora transducuntur , locus , stipes , elogium , etiam quibus opus non est , praedicatur . Taceo de reliquis , ea , quae in tenebris , & in speluncis suis delitescere decebat , ne diem contaminarent . Erubescat Senatus , erubescant Ordines omnes . Ipsae illae pudoris suae interemprices , de gestibus suis ad lucem , & populum expavescentes , semel anno erubescunt . Iam vero Christianos a spectaculis abstinuisse docet in Apologetico Cap. xxxviii . Aequo , inquit , spectaculis vestris renunciamus , in quantum originibus eorum , quas scimus de superstitione conceperas , quum & ipsis rebus , de quibus transiguntur praeter sumus , nihil nobis est dictu , visu , auditu , cum infamia Circi , cum IMPUDICITIA THEATRI , cum atrocitate Arenaee , cum Xysti vanitate (2) . In hanc porro sententiam adversus spectacula loquuti sunt S. Cyprianus Epist. iI. ad Donatum , edit. Pamelii , & Cap. v. de Spectaculis ,

(1) Fabulae obscenae Atellanae. Gesticulator , *egzonus* , *saluator* .

(2) *Atrocitate arenae* . Gladiatores intelligit ; *Xysti vanitate* , Athletas .

lis, Lactantius Lib. vi. Cap. xx. S. Augustinus Lib. II. de Civit. Dei a Cap. iv. ad xiv. ut alios praetermittam.

CAP. XII. *Sanctiones Conciliorum in Scenicos.*

A Deo vero Ecclesia Christi primis seculis Scenicos aversata est, ut, si auctori Constitutionum Apostolicarum Lib. viii. Cap. xxxviii. fides est, Histriones a Baptismo arcerentur. Benignior fuit Ecclesiae disciplina seculo iv. ineunte. Nam Concilium Illiberitanum habitum anno D. 305. Can. LXII. censuit, Comicos ad Baptismum recipiendos esse: ea tamen conditione, ut prius arbitris suis renuntient, ita ut ulterius non revertantur. *Quod si facere contra interdictum tentaverint, proiciantur ab Ecclesia.* Iidem Illiberitani Patres Can. LXVII. statuerunt, prohibendum ne qua fidelis Catechumena (1) aut Comicos, aut viros Scenicos habeat; quaecumque hoc fecerit, a communione arceatur. Ludicram artem agentes ab Ecclesiae communione perpetuo segregati fuisse videntur, neque admissi, etiam in fine vitae: donec ab Africano Concilio Cap. xii. definitum fuit, ut Scenicis, atque Histrionibus, ceterisque huiusmodi personis reconciliatio non negetur. Ea siquidem piae matris Ecclesiae mens fuit, ut iam morituris, si peterent, Sacraenta non denegarentur. Confer in rem hanc Ferdinandum Mendoza-
zam de Illiberitano Concilio confirmando pag. 477.
& sequentibus, & pag. 498. & 499. ac Iacobum
Go-

(1) Κατηχουμένη Catechumena; Tertulliano Catechumeni dicuntur *Audientes, ἀπὸ τῆς ἔχοντος, ab ecclōne*, a sono in aures Christianorum Candidatorum descendente.

Gothofredum in Commentar. ad Leg. i Cod. Theodosiani *de Scenicis*.

CAP. XIII. *Imperatorum Leges de Scenicis.*

IPsi quoque Christiani Imperatores, latis Legibus , Scenicos pro infamibus habuere, eorumque munus inter turpia ablegarunt ; sancientes praeterea, ne Scenici , Scenicaeve , si Christianam Religionem amplecterentur , ad ludicram artem exercendam amplius redire possent . Id enim constituit Valentinianus senior A. D. ccclxxi. ut est in Leg. i. Cod. Theod. *de Scenicis* . Idem eodem anno aliam legem edidit , qua filiae Scenicarum , si inhonestam vitam ducerent , scenicae conditioni accentebantur ; eximebantur vero , si honeste viverent , aut Christianae Religioni se manciparent . Minime autem licebat iis , qui prius Scenicas operas professi fuerant , si post Christi fidem amplecterentur , ad eam artem reverti : quod quidem Imperatores Gratianus , Valentinianus , ac Theodosius Augusti A. D. 380. & 381. Leg. iv. viii & ix. Cod. Theod. *de Scenicis* vetuerunt .

Haec satis pro re nata de Ecclesiasticis , & Imperatorum sanctionibus adversus Scenicos . His autem Commentariolum hunc absolvere nobis placuit , explanatoque Q. Gavii Armonii , Locatoris Scenicorum officio , in ludicram artem aliquantis per divertere . Si qua vero reprehendenda in mea hac interpretatione Viris eruditis videbuntur , aequi bonique faciam .

CAP. XIV. *Opinio Cl. Fabretti de Porta Capena confirmata.*

A Ntequam vero manum de tabula moveam, obiter animadvertisendum censeo ex loco eruti huius sepulcralis Monumenti intra ambitum inuorum Vrbis Romae, opinionem V. C. Raphaëlis Fabretti de situ antiquae Portae Capenae confirmari. Fabrettus enim in Dissertatione de Aquis & Aquaeductibus num. 43. & sequentibus, acriter contendit adversus Antiquarios fere omnes, nimirum Bartholomaeum Marlianum, Olaum Borrichium, Alexandrum Donatum, Famianum Nardinium, aliosque bene multos, antiquam Portam Capenam non fuisse, quam nos hodie Portam S. Sebastiani adpellamus; sed fuisse Coeliolum versus, quod coniecturis non contempnendis comprobatur. Quum igitur Conditorum, de quo nobis sermo est, detectum sit intra pomoerium hodiernae Portae, quae eadem ac antiqua Capena ab his Antiquariis, quos commemoravimus, iudicata fuit, ex situ detecti Monumenti adparet, alibi Portam Capenam fuisse, quum notum sic Sepulcra ex legibus Romanis, constituta fuisse extra pomoerium. Circa hunc situm praeterea certe ad hanc Portam intra moenia Vrbis eruta fuit c. A. D. 1615. inscriptio L. Scipionis Barbati, quae prodiit in lucem A. D. 1616. cura & studio V. C. Iacobi Sirmondi; fatetur enim Sirmonodus L. Scipionis Barbati elogium ad Capenam intra moenia effossum fuisse: qua de re laborandum non esse censuit, quamvis, inquit, sepeliri intra moenia mos non erat, eo aliquando translatum fuisse potuit, aut Sepulcrum ibi olim conditum, & moe-

nia post id tempus cum pomoerii finibus amplificata. Verum dubitationem omnem eximit sepulcrale nostrum monumentum , atque adeo, si circa huius situm inventus est lapis L. Scipionis Barbati , certum est non intra , sed extra Portam Capenam fuisse. Scipionum autem sepulcra extra illam fuisse , fidem faciunt Livius Lib. xxxviii. Cap. lvi. & Cicero Tuscul. Lib. i. Cap. vii. ut Sirmondus monuit .

Commodum vero accidit , ut hanc lucubrationculam , pro qua exaranda nonnulla in adversaria conieceram tum cum monumentum invisimus , per hosce dies autumnales , quibus valetudinis per aestivos Vrbis calores affectae , & imbecillis , confirmandae caussa , in ameno Montisfalisci aere dego , & viri doctissimi Abbatis Alexandri Mazzinelli hospitalitate , & consuetudine , pro sua erga me humanitate , fruor , litteris , deinde typis huius celebris Seminarii mandarem ; favente Illustrissimo ac Reverendissimo Domino Sebastiano Pompilio Bonaventura , Faliscanae & Cornetanae Ecclesiae Praesule meritissimo . Tempus quoque me iuvat , ne hoc scriptioris genere reprehendar . Memoria enim teneo S. Cyprianum in epist. ii. ad Donatum , Vindemialibus diebus scripta , tradidisse , non dedecere his diebus , in fabulis legendis , tempus aliquod insumere , ut exinde animus ad coelestia meditanda raperetur . Bene admones , inquit , *Donate carissime ; nam & promisisti me memini , & reddendi tempelium prorsus hoc tempus est* (1) , quo indulgentia vindemia , solutus animus in quietem , solemnes , ac statos anni fatigantis inducias sortitur . Locus etiam cum die

con-

(1) Κατὶ τὸς εὐκαιρος .

convenit, & mulcendis sensibus, ac fovendis ad leves auras blandientis autumni, hortorum facies amoena consentit, hic iucundum sermonibus diem ducere, & studentibus fabulis in divina Praecepita conscientiam pectoris erudire. Ibidem Cyprianus spectacula improbat, ac damnat.

CAP. XV. *Inscriptiones in Ossuario repertae.*

POstremo coronidis loco ceteras Inscriptiones, ex memorato sepulcrali Monumento eductas, luci damus:

I.

FONTEIA
Q. E T . O . L
PRIMA

2.

FVLVIA.....
SIBI
FVLVIO....
POSTERISQVE.....

3.

D . M
Q. MARCIO . CHARI
TONI . CONIVGI . F . C .
ANTISTIA . TYRAN
NIS . BENEMERITI
Q. V . A . LXV.

4.

L . NAEVI.....
PHAED.....

5.

C . VIBIVS
^f A N D R O M A C H

6.

LYCIRE . HIRTIA
AELIVS . LIGVS

K 2

7.

7.

D M

CARPOHORO.....
 NIVGI . KARISIMO.....
 NEMERENTI . FECIT . MO
 DESTA CONIVX CVM QVOVIX

8.

In cippo

L . L I C I N I V S
 IT . A . XX . V . A . P . M . L L . L . S V R V S

9.


D M

... RELIVS . PHILETVS . AVG . LIB
 FVSTE . ET . CVM . BARISIA MARCE
 XE . TAVRILIA . PHILETE . FILIA
 ... FECERVNT . SIBI . ET . SVIS
 TIS . LIBERTABVSQVE
 TERISQVE . EORVM



A N.

ANT. FRANCISCI GORI
PRAEPOSITI BASIL. BAPTIST. FLORENT.
IN PATRIO LYCEO HISTORIAR. PROFESSORIS
AVCTARIUM
AD DISCEPTATIONEM
DE LOCATORIBVS SCENICORVM
EDITAM
AD DOMINICO GEORGIO
VIRO CLARISSIMO
AD EVNDEM
D. IVLIVM PIGNATTELLVM
MONACHVM CASINENSEM &c.



A V C T A R I I

C A P I T A

* ~ *

C A P V T . I.

Vtilitas, & necessitas studii eruditae Antiquitatis cum sacrae, tum profanae. Vetustorum Marmorum ac Numismatum usus & praestantia. Scolorum quorumdam inepta dictoria reiiciuntur.

pag. 155.

C A P V T . II.

Nonnullorum studiosorum Iuvenum praeocces curae in explicandis antiquis Monumentis, qui alios contemnendo, non laudem, sed dedecus sibi conquerunt, improbantur.

pag. 156.

C A P V T . III.

Plurima, eaque maximi momenti in vetustis inscriptis Lapidibus & Nummis adhuc explicanda, & accuratius enucleanda superesse, ostenditur. Vetusta monumenta paene immensam eruditionis segetem continere indubitetum esse. Columbaria veterum quae nam fuerint. Clarissimi Dominici Georgii per breve elogium.

pag. 158.

C A P V T . IV.

Georgiana Disceptatio de LOCATORE SCENICO

K 4

CO-

C O R V M laudata . Scriptum esse in adlato lapide LOCATOR , non vero IOCATOR , perspicue evincitur . Calopodium nominatus in Ara Gruteriana censetur potius Locator funeris , quam Locator Scenicorum . Ludi Scenici in funeribus . Locatoris Scenicorum officium quod nam : item Procuratoris Scenicorum . Archimimi , Scenici Graeci & Stupidi exhibiti in Ludis Scenicis Castrenis bus ex Florentinis marmoribus indicantur . p. 160.

C A P V T V.

Rursus reicitur legio IOCATORIS Scenicorum ; atque aliis monumentis evidenter declaratur scriptum esse in adlato lapide LOCATOR SCENICO-
RVM . pag. 166.

C A P V T VI.

A Locatore Scenicorum diversum censetur munus Redemptoris Scenicorum . pag. 168.

C A P V T VII.

Idem Sepulcralis titulus Q. Gavii Armonii Locato-
ris Scenicorum a Cl. Georgio adlatus illustra-
tusque , rursus emendatior producitur , & tem-
pus , quo effossus est adnotatur . Rogatoris a Sce-
na , & Designatoris munus . pag. 169.

C A P V T VIII.

Ara Gruteriana a Cl. Georgio edita , ut alio exem-
plo probaret Locatoris Scenicorum munus sive of-
ficium , rursus adfertur accuratior , expenditur ,
&

& breviter illustratur. Ostenditur, IONA & TROADAS, quae in lateribus arae scripta sunt, haud esse Histriorum nomina; sed titulos Tragoe-diarum Euripidis, quas Theocritus Pylades Pan-tomimus aut gesticulationibus, aut saltibus exhibuit. Discriumen inter Tragoedos, Comoedos. Mi-mos, Pamtomimos. Qui nam Parasiti, Error doctorum Virorum, qui eamdem Aram Grute-rianam sepulcralem Florentiae exstare scrip-se-runt.

pag. 172.

C A P V T VIII.

Euripidis Tragoediae summo in pretio fuere: ti-zuli earum in marmoribus scripti. Marmora & Hermae Homeri, & Euripidis ornamenta Mu-seorum antiquorum. Deletum mendum in adlato marmore penes Cl. Muratorium in novo Inscriptum antiquarum Thesauro. Euripidis Tra-goediae cum Romae, tum in splendidissimis Ita-liae Civitatibus recitatae.

pag. 174.

C A P V T X.

Eadem percelebris Mediolanensis Ara illustrata ab Iosepho Scaligero, & Claudio Salmasio. Excerpta ex eorum Commentariis adlata. Cl. Georgii sen-tentia, quod eadem Ara duobus Pantomimis de-dicata sit, iterum reicitur.

pag. 177.

C A P V T XI.

Pantomimorum primatus, honorificae Scenicorum ad-pellationes, praemia, munera, dignitates, Decu-rialia ornamenta decreta, statuae, coronae, el-
21.

154

gia, plausus, divitiae iisdem effusissima liberalitate dono datae. Pantomimi abeneum signum elegantissimum, numquam antea editum, adfertur, & nonnullis observationibus illustratur. pag. 182.

C A P V T XII.

Feminae Mimae, Archimimae pares fere honores adeptae. pag. 186.

C A P V T XIII.

Corpora Scenicorum, Adlecti Scenicorum breviter adnotati. Expendendum proponitur, utrum Scaenici Artifices Collegium Romae habuerint; nam Scabillarios ad Scenam Collegium habuisse constat. pag. 187.

C A P V T XIV.

Nonnulla adnotantur in Inscriptio[n]ibus in fine adlati & Cl. Georgio. Inscriptio Iulii Valeriani cum imaginibus Retiariorum, iterum pro parergo producitur, memoriae causa. pag. 189.





ANT. FRANCISCI GORI
PRAEPOSITI BASIL. BAPTIST. FLORENT.
IN PATRIO LYCEO HISTORIAR. PROFESSORIS
AVCTARIVM
AD DISCEPTATIONEM
DE LOCATORIBVS SCENICORVM

C A P V T I.

*Vtilitas , & necessitas studii eruditaz Antiquitatis
cum sacrae , tum profanae . Vetustorum Marmo-
rum ac Numismatum usus & praeftantia . Scio-
lorum quorumdam inepta dictoria reiiciuntur .*



Uamvis exploratissimum sit , ac me-
ridiana luce clariss , IVL I PI-
GNATTELL E ORNATISSI-
ME , & calculo doctissimorum vi-
rorum testatum probatumque , im-
mensas , ac paene incredibiles esse
studii venerandae A N T I Q V I-
TAT I S utilitates ; luculentissimam
que hauriri ex priscis Saxis ac Numismatis erudi-
tionis copiam : & mancam esse atque imperfectam
in politissimo homine sacris profanisque litteris de-
dito doctrinam , si Vetustatis mysteriis non sit ini-
tia-

tatus , & non parum exultus ; tamen (quod mirum est) hac ipsa quoque aetate nostra , in tanta doctissimorum hominum , & disciplinarum luce non defunt inepti scioli quidam iuvenes valde audaces & contentiosi , qui frequenter dictitant , inutile prorsus ac futile esse studium vetustorum monumentorum , quod nulla in re prospic & cultoribus ipsis , & hominum societati . Pudet me tam insulsum ac puerile convicium potius , quam argumentum refellere , quum edita a Celeberrimis Viris tum de Lapidum , tum de Numismatum antiquorum usu , & prestantia volumina abunde satis offendant , quantum isti caecutiant , & mortalium omnium plane sint amentes ac deridiculi . Haud ita Tu ipse profecto sentis , qui sapis , & hanc semidoctorum turbam contemnis ; nam probe institutus a Praeceptore tuo optimo viro Cl. D. Petro Aloysio Gallotto , Philosophiae , ac Geometriae studia cum antiquarum rerum , Marmororum , & Numismatum cognitione ac scientia egregie coniunxisti ; breve temporis spatio tales ac tam mirificos progressus in his fecisti , ut iam ex ungue leo dignosci possit .

C A P V T II.

Nonnullorum studiosorum Iuvenum praecoces curae in explicandis antiquis Monumentis , qui alios contemndo , non laudem , sed dedecus sibi conquerunt , improbantur .

His otiosis priscarum deliciarum osoribus alii succedunt gnavi & industrii , qui licet veteris aevi divitias diligent , & plurimi faciant , sedulamque in ipsis perscrutandis navent operam ; tamen praecoci ingenio , nondum in rerum vetustarum

tra-

tractatione maturi, dum multa animo meditantur, ut se eruditos buccis crepantibus testentur, editis aliquot lucubrationibus sine delectu & iudicio, nulla in eorum tumultariis scriptis elucescente Criticae Artis scintilla, identidem dolent, & tristes effultiunt querelas, quod, occupatis lectoribus subselliis, nullus sibi superfit locus ut in doctorum consenu fedeant; nulla sibi relicta conqueruntur argumenta ex penu Vetustatis deponita, quibus editis suis lucubrationibus fulgeant, atque, si non pari, aliquo tamen perhonorifico gradu inter doctos homines emineant, & nominis claritudinem consequantur. Hinc vides non paucos, invita Minerva, imo ea adversa, & reluctante, in publicam lucem frequenter libellulos proferre; mirumque in modum exsultare, ac sibi plaudere, ceteris omnibus contentis, dum alienos partus ad Musas deferunt, eosque fasciolis quibusdam ornant eruditulis, ut facilius placeant, gratiusque a litterariae Reipublicae Senatu suscipiantur. Dum haec tamen scite & multa cum meditatione faciunt, atque eleganter, non parum eos laudare soleo; sed, si maiora quaedam moliri ingenio suo velint, nego exhaustas esse omnino, ut ipsi putant, venerandae Antiquitatis cum sacrae, tum profanae fodinas; nego sedes omnes iam occupatas; & nihil, aut parum superesse, ut ipsi quoque omnigenae eruditionis palmarum adipiscantur, & de Litteris optime mereantur. Si tempus fineret, ostendere possem vix dimidiā huiuscēruditati Orbis partem in Antiquitatis studio esse perlustratam; quin imo alia multa, dicam etiam plurima, adhuc superesse sive emendanda, sive illustranda, sive ex integro producenda, quae adhuc intacta relicta sunt.

C A P V T III.

Plurima, eaque maximi momenti in vetustis inscriptis Lapidibus & Nummis adhuc explicanda, & accuratius enucleanda superesse, ostenditur. Vetusta monumenta paene immensam eruditionis segetem continere indubitatum esse. Columbaria veterum, quae nam fuerint. Clarissimi Dominici Georgii per breve elogium.

VNUIS solusque immensa eruditionis fruge refertus IANI GRUTERI Thesaurus, (ne quid dicam de Reinesianis, Sponianis, Fabrettianis, Donianis, & Muratorianis Gazis) quot & quanta, Deus immortalis! suppeditat expendenda, & enucleanda, quae nondum satis eruditis observationibus illustrata sunt! Qualia & quanta sunt, quae vel relictæ, vel silentio praeterita, vel perperam explicata in editis libris occurunt! Ne multis utar exemplis in re clarissima, testantur huius rei veritatem *Fasti Attici* nuper editi, opus immensæ & exquisitæ eruditionis celeberrimi ac doctissimi Professoris in Pisano Lyceo P. Eduardi Corsinii, & Notæ Graecorum Marmorum ab eo explicatae, quae nunc exciduntur. Nil dico de opulentissimo & vastissimo editorum Numismatnm promtuario, quum alia Numismata adhuc non cognita illustranda supersint, & iam edita iterum novis adcessionibus, & criticis notis accuratius expendi, & locupletari possint. Sed, quum de antiquis tantum scriptis faxis sermonem modo instituendum censuerim, quod dicebam, verissimum esse apertissime ostendit sepulcralis iste titulus ab eximio doctissimoque Praefule *Dominico Georgio* in lucem editus, & pereruditate illustratus,

in

in quo memoratur *Q. Gavius Armonius Locator SCAENICORVM.* In postremis mensibus anni M D C C X X V I . detectum est Monumentum sive Columbarium , picturis & plasticis operibus ornatum , quod Cl. Ficoronius describit in Tractatu de aurea Puerorum nobilium bulla pag. 47. De Columbariis & Sepulcris veterum Romanorum , quae iam nota sunt , haud opus est ut aliquid dicam . Ea ita dicta constat , quia in parietibus cum ordine exstructa & distributa ollas cinerarias continebant , quarum quum in planicie arcuatae cellulae opercula tantum conspicua prominenter , nidos columbarum referebant , indeque Columbaria dicta sunt . Ante ea adfixus erat titulus , indicans cuius essent cineres in ollis reconditi . Horum icones vide in Columbario Libertorum , & Servorum Liviae Augustæ &c. Tab. xx. & quae adnotavi in §. x. pag. 52. & seqq. ad Portam Capenam Via Appia sinistrorum , quam S. Sebastiani dicunt , cura Eminentiss. Cardinalis DE POLIGNAC effosso . Ex Collectoribus antiquorum Marmororum hoc Locatoris Scaenicorum munus auditum antea non fuerat , nec innotuerat eius officium sive professio ; nec Commentario explicatum , qui nam is esset , & cur ita appellaretur . Vides igitur , PIGNATELLE Amicissime , quam laeta & copiosa eruditio seges ex hoc perparvo lapide prodierit in lucem , face sua omnibus praelucente Praestantissimo viro Dominico Georgio : cuius merita , pietatem , doctrinam , suscepitos pro Romana Ecclesia labores , famam , decora Tibi iamdudum perspecta sunt ; cuius quoque exempla Te probe secuturum , & laudabiliter impleturum , haud vanus auspex spero .

C A P V T I V.

Georgiana Disceptatio de LOCATORE SCENICORVM laudata. Scriptum esse in adlato lapide LOCator, non vero IOCATOR, perspicue evincitur. Calopodius nominatus in Ara Gruteriana censetur potius Locator funeris, quam Locator Scenicorum. Ludi Scenici in funeribus. Locatoris Scenicorum officium, quod nam: item Procuratoris Scenicorum. Archimimi, Scenici Graeci & Stupidi adhibiti in Ludis Scenicis Castrensis, ex Florentinis marmoribus. indicantur.

Georgianam hanc Disceptationem, five Diatribam laudavit Celeberrimus Muratorius, & iterum hunc ipsum titulum protulit in novo Thesauro suo veterum Inscriptionum pag. DCLX. i. ubi haec adnotavit: *Hunc etiam edidit Doctissimus Vir Abbas Dominicus Georgius, a Bibliotheca Em. Card. Imperialis, qui & alteram Inscriptionem laudavit a Grutero editam pag. MXXIV. num. 5. ubi CALOPODIUS LOCATOR (uti verisimile est Scenicorum) occurrit; ita ut Armonius iste fuisse videatur, ut ita dicam, Redemptor, nunc Appaltatore delle Scene. Verum alter Romanarum Antiquitatum studiosissimus Vir Franciscus Ficoroni, pro LOC. five Locator, legendum ibi esse IOC. idest Locator contendit; atque in hanc rem marmor apud se adservari ait, cuius exemplum ad me transmissum heic subiicio.*

P. CAESENNIO. GRATIO
 IOC. SCAENICORVM
 ET

Deest penes Gruterum in Capite iv. Indicis Scalegariani *Locator Scaenicorum*; & *Calopodius* qui LOCATOR dicitur in adlata superius ara sepulcrali pag. 130. recensetur ibidem Cap. viii. quod ad Artes, Professiones & Negotiationes pertinet: quare operae pretium me facturum censeo, si dum Auctarium conficio ad explanationem huius Inscriptionis, nonnullis quoque observationibus Aram a Grutero adlatam breviter illustrem. Sed dum hanc ipsam Aram ab eodem Grutero editam ex Alciati Codice accurate expendo (nescio an Mediolani effossem, seu potius Romae, adeoque ante Alciati aetatem Roma Mediolanum transvectam) perspicue eam favere non video sententiae Cl. Georgii, qui adlato hoc exemplo, ut supra visum est Cap. II. ostendit fuisse apud Veteres *Scaenicorum Locatores*, qui Scaenicis Artificibus mercedem constituebant conducto Theatro: quia potius, quam idem Calopodius *Locator* tantum dicatur, lubentius crederem eum Locatorem fuisse funeris (cuius officii meminit Plinius Hist. Nat. Lib. vii. Cap. lxxii. edit. Hard.) sive funebris pompa impensarumque pro sepultura Theocriti Pyladis Pantomimi, non vero

Scenicorum ; nam quum memoriam ponere eorumdem Scenicorum Grex Romanus veller, idem Catapolodius rem funeraticam curasse videtur; ideoque, ut monebam, LOCATOR tantum dicitur, nec subditur SCAENICORVM. Nec funera tantum, ut docti sciunt, a veteribus locabantur; verum etiam sepulcra ipsa, in quae defunctorum cadavera inferri debebant; cuius vadem exhibeo lapidem Gruterianum pag. DCCCI. 5. in quo scriptum. NEQVE.
 VLLI. LIQUEBIT. (pro licebit) LOCATIONIS. CAVSA. IN. ANNIS. GENTVM.
 QVANDOQ. TRANSVENDER E Sepulcrum, si-
 ve locum Sepulcri . Quod vero in funeribus Sce-
 nici Artifices adhiberentur, & inter hos praefer-
 tim Archimimi, testis est Suetonius in Vespasiano
 Cap. 19. Sed in funere PAVO (aliis FAVOR) AR-
 CHIMIMVS personam eius ferens, imitanque, ut
 est mos, facta & dicta vivi , interrogatis palam
 Procuratoribus quanti funus , & pompa constaret,
 ut audivit HS. centies; exclamavit, centum sibi
 festertia darent . ac se vel in Tiberim proiicerent .
 Locum quoque & Mimi & Scurrae in funeribus di-
 vitum & illustrium virorum habuere, eodem Sue-
 tonio auctore in Tiberio Cap. 57. qui pompam
 funeris praeire solebant. In funebribus hisce ludis
 spectatores sedebant penulati, quum in aliis togati
 spectarent, ut observat Kirchmannus de Funer.
 Lib. iv. Cap. ix. Sed perlubet, PIGNATTELLE
 ORNATISSIME, ut aliis argumentis constet, in
 tuam gratiam, illud adnotare, Ludos Scenicos etiam
 in Castris militum exhibitos multa cum pompa, &
 adparatu, quorum aut nulla fit mentio apud Inter-
 pretes eruditae Vetustatis, aut satis iejune indican-
 tur, ut apud Pitiscum, qui generice tantum Ludos
 Castrenses memorat, & praeterit Scenicos. Horum
 in-

insigne testimonium exstat Florentiae in Hortis Excellentiss. Principum Corsiniorum in duabus Tabulis, quas protuli in Parte I. Inscript. antiquar. quae in Etrutiae Vrbibus exstant; sed haec ibidem non adnotavi ad pag. 125. & sequentes. Scriptae sunt Tabulae duobus Aspris Consulibus, nempe anno V. C. 965. Christi 212. imperante Antonino Caracalla, qui eo anno a. d. V. Kalend. Martias Antoninum Getam fratrem suum in matris gremio occidit. Spectantibus Commilitonibus Cohortium vii. Vigilium solemni spectaculo instituto eorum impensis, acroamata edita sunt, spectatique pariter plures Archimimi, Stupidi & Scenici Graeci, quorum nomina recensentur, a Flavio Iovino in iisdem marmoreis Tabulis scripta.

Perrarum lapidem heic adiicere perlubet, qui ex Arimino translatus est in Museum Veronense curante V. C. Marchione Scipione Maffeo, qui protulit in Tom. iv. Observat. Litter. pag. 358. in quo non tantum STUPIDI sit mentio, verum etiam Gregis Vrbani: quod mirifice confert ad illustrationem adlatae aerae Gruterianae, in qua GREX ROMANVS nominatur; ut hinc colligamus Scenorum Greges & in Municipiis, & in Coloniis fuisse. Is haec habet.

D M

A E M I L I A E

I R E N E . Q V A E

V I X I T . A N N . XXVI

D I E B V S X I I I

A V R E L I V S . E V T Y

C H E S . S T U P I D V S

G R E G . V R B . C O N

I V G I . K A R I S S I M A

f.c.

Sed minime consonat cum veritate quod idem Cl. Maffeius adnotat pag. 373. numquam antea notam fuisse STV PIDI adpellationem; quod etiam iam observavit Par. I. pag. 199. Vir Eruditissimus Comes Io. Franc. Joseph Bagnolo, in Opere in quo differit de Gente Curtia, & Q. Curtii Historici, eaque occasione plura adfert notatu digna de Mimis, Scurris, Stupidis, Maccis, aliisque Scenicis. Redeo nunc ad Gruterianam Aram, in qua coniicere tantum, haud tamen pro certo habere, ac probare possumus, hunc ipsum Calopodium (si non admittamus Calopodium funeris Curatorem) saltem fuisse Procuratorem Scenicorum. Huius muneris fit mentio in hac Vrnula inemendata in Thes. Murat. pag. CMIV. quae Bononiae exstat in Instituto Scientiarum, teste eodem Cl. Marchione Maffeio O. L. T. V. p. 223.

D M S
H E R M I P P O
A V G . L I B . P R O C
S C A E N I C . V L P
A M A N D A . E T . V L P
P R I M I T I V A . P A T
B . M . P O S V E R V N T

Sed in re perobscura nil definio; nec a mea sententia discedo, in Gruteriana Ara designari Calopodium funebris tantum pompe, & impensarum Locatorum, non vero Scenicorum. Alterum marmor eximum exstat in Gruteriano Thesauro pag. CCCXXXI. 4. in quo memoratur L. Surrelius Felix Pro-

Procurator ab Scenicis Theatri Imperatoris Caesaris Domitiani, qui etiam cum laude dicitur *Princeps Coronatus contra omnes Scenicos*; idque contigilse lustro Capitolino, seu Agone in commissione Poëmatum, uti Scaliger de Emendatione Temporum Lib. v. arbitratur. Cl. Ficoronio Antiquorum monumentorum perito multum credam; tamen puto τὸ Λ in principio, quia forsitan transversa linea pro basi non parum caret, ei visum esse referre 1; adeoque legendum is putavit, non LOCATOR, sed IOCATOR. *De Iocatoribus Scaenicis* nullam nec in vetustis saxis, nec in veteribus Scriptoribus mentionem factam adhuc invenire potui. Adde quod si marmor haberet IOCATOR, non subiungendum erat SCAENICORVM; sed forte SCAENICO. Videtur igitur probabilior Cl. Georgii sententia, qui primus dum lapidem hunc perrarum vidit, exscripsit loc. hoc est *Locator Scaeniconum*, non vero IOCATOR, quod vocabulum a nullo antiquorum Scriptorum, ut video, usurpatum, forte eius menti obversatum auguror. Apud Ciceronem Lib. iv. ad Atticum Epist. 16. qui σὸς facit, *Ioculatorem*, non vero *Iocatorem* adpellat. Sed in describendo hoc titulo ingenue fassus est Cl. Ficoroni se facile 1, pro Λ exscripsisse, quod in basi perparvum crus illud Λ vidisset, ut adnotat in Opere *de Personis Scaenicis* Cap. XLV. pag. 126.

C A P V T V.

Ruſus reiicitur lectio locatoris Scenicorum, atque aliis monumentis evidenter declaratur scriptum esse in adlato lapide LOCATOR SCENICORVM.

SED omne prorsus, quod in hoc novitio vocabulo admittendo criri posset inter Archaeologos dissidium, dirimit alterum eximum ac per rarum marmor, nunquam antea editum, quod erutum est secus viam Appiam anno MDCCXL, quod penes Fosarium sine Excavatorem, ut aiunt, vidit, & diligentissime exscripsit amicus meus, tuus optimus Praeceptor, Vir Praeclarissimus D. Petrus Aloysius Gallettius, multa cum laude semper nominandus, & recensuit in suo *Dario Epigraphico* ab anno MDCCXLI. ad alterum sequentem, quod mihi in lucem proferendum humanissime tradidit, continetque fere ccl. antiquas Inscriptiones adhuc ineditas, quas ipse Romae ex abditis locis, & hortis eruit, & ubique investigavit, atque *αὐτότητες* peraccurate exscripsit, adnotatis locis, ubi inventae sunt, quod valde utile censem, & quidem in ipso flore iuventae, emenso hoc aliisque pluribus laboribus ad ornandam, iuvandamque litterariam Rempublicam, antequam Monachi Casinensis habitum in hac Florentina Abbatia indueret; quod quidem *Diarium Epigraphicum* in proximo SYMBOLO ARVM volumine locum habebit.

Ita igitur se habet :

A . MAMMIVS . A . F . SEVERINVS
LOCATOR A SCAENA VIX ANN.
XXXII . MEN . VII . D . XII . HOR . VII .
VALERIA RVFINA MARITO SVO
DVLCISSIMO CVM QVO VIXIT ANN
XII . MEN . V . D . VII . ET L . MAMMIVS
SEVERINVS CAESARIS N . AVG .
A RATIONIEVS FRATRI CARISSIMO
FECERVNT BENEMERENTI

Vides igitur ex praenotatis , ut vela colligam ,
mi PIGNATTELLE , minime dubitandum esse
de genuina lapidis Georgiani lectione , in quo certum
est scriptum esse , adeoque aliis adlatis e-
xemplis legendum LOCATOR SCAENICORVM ;
non vero ut Ficoronius contendebat LOCATOR
SCAENICORVM ; quam lectionem mirifice com-
probat adlatus titulus sepulcralis A. Mammii Se-
verini , qui fuit LOCATOR A SCAENA : & ne
controversiis pateat locus , vides non compendia-
riis litteris scriptum esse loc , sed LOCATOR
A SCAENA . Quum magna sit celeberrimi Muratorii
auctoritas , qui ex fide Cl. Ficoroni marmor
habere scripsit , & edidit loc . non vero LOC .
probe me facturum censui , si veram marmoris
lectionem adsererem , & haec pauca pro Auctario
subcisisvis horis ad te , egregie Adolescens , per-
scriberem .

C A P V T VI.

A Locatore Scenicorum diversum censetur minus Redemptoris Scenicorum.

CVM titulo *Locatoris Scenicorum* connexionem quandam & adfinitatem habet perrarum marmor Musei suburbanii Strozii , quod a me editum vide in Parte i. pag. 390. num. 154. Inscript. Antiq. Etruriae Vrbium ; in quo p. CORNELIVS . P. L. PHILONVSVS , dicitur PICTOR SCAENARIUS . IDEM REDEMPTOR . Ex alio lapide apud Fabretum Inscript. Dom. Cap. ii. num. 90. pag. 78. notus est PECVLIARIS REDEMPTOR PROSCENI . Ita scribendum esset , *Scena* , *Scenici* , *Proscenicum* ; sed , ut vides , frequenter scripserunt Veteres cum AE contra analogiam originis; nam Graecis Σκηνὴ , *Scena* , a Σκηνὴ umbra , quasi umbrofa , umbratilis ; nam ex arborum frondibus primum *Scena* exstructa est . Cl. Muratorius in adnotatione , quam adiecit sepulcrali titulo Q. Gavii Armonii , quam supra exhibui pag. 160. censet idem fere importans apud Veteres *Locator Scenicorum* , ac *Redemptor* , nunc *Appaltatore delle Scene* ; qui apud Florentinos , *Scenicis* praeter modum deditos , & spectaculorum studiosissimos , dicitur *l' Impresario* , qui pacta mercede Musicos tum mares tum feminas , & Psaltrias , ac Saltatores & Citharoedos , & Tibicines conductit ; quam ex pecunia indicta Spectatoribus colligit , atque ipsis solvit . Profecto apud Festum , & Glossas veteres *Redemptor* , idem valet , ac *Conductor* , *Exceptor* , ἐργολάβος , ἡγλέμπτωρ , Sed apud Romanos duo fuisse mu-

ne-

nera colligimus , quae ad similem fere rem , sed diversis officiis spectabant . In Gruteriano marmore pag. cccxxxi. 2. quod mancum in vertice puto , licet ita non exhibeatur , cum Stratone Comoedo , & Ibyco Psalte , duo Sumptuarii nominantur Chrestus , & Tarentinus : qui , ni fallor , sumptus pro peculiari Scenico adparatu totius Choragii , & singulorum speculandorum in Theatro faciebant .

C A P V T VII.

Idem sepulcralis titulus Q. Gavii Armonii Locatoris Scenicorum a Cl. Georgio adlatus illustratusque , rursus emendatior producitur , & tempus , quo effossus est adnotatur. Rogatoris a Scena , & Designatoris munus .

DElendus adhuc superest alter non levis scrupulus , qui superest in constituenda genuina huius vocis lectione ; nam facile erit aliquis , qui dicat , aut suspicari possit in adlato lapide A. Mammii Severini scriptum esse non LOCATOR A SCAENA , sed ROGATOR A SCAENA , adlata auctoritate alterius tituli sepulcralis penes Cl. Ficoroni in Muratoriano Thesauro pag. DCLX. 3. qui haec praefert :

M. VIPSANIUS
NARCISSVS
ROGATOR AB SCAENA

Sed aliud est munus LOCATORIS A SCAENA , aliud ROGATORIS A SCAENA : de quo quum per epistolam sententiam meam rogasset Cl. Ficoro-

coronius, respondi (quod ipsum retulit in prae-laudato Opere de Personis Scenicis Cap. LV. pag. 149.) eum forsitan esse , qui adparatum Scenicum , vestes , & alia ad Scenam pertinen-tia mutuo conquirebat , accipiebatque , ut praeb-eret Artificibus Scenicis , indicato Horatii in-signi loco Lib. I. Epist. VI. vers. 40.

— chlamydes Lucullus , ut aiunt ,
Si posset centum SCENAE preebere ROGATVS ;
Quoi possum tot , ait ? tamen & quaeram , &
quot habebo ,
Mittam . Post paullo scribit sibi millia quinque
Esse domi chlamydum .

Haec quoque tunc adnotavi in Par. II. Inscr. Antiq. quae exstant in Etruriae Vrbibus pag. 30. num. 34. adlato hoc ipso titulo , in quo in fine eiusdem Partis corrigendum monui , scriptum esse **VIPSANIVS** , & protuli cum aliis titulis sepul-crabilis , quos ad me Cl. Ficoronus auctum se missurum spem fecerat , quam , contrarium iubente Pontifice Maximo , mox non implevit . Si qui vero est , cui adlatus Horatii locus non faciat satis , expen-dendum proponam , num *Rogator a Scaena* is esset , qui ad Scenicos usus necessaria emebat ; vel potius stipem a Spectatoribus colligebat , quae pro mercede daretur iisdem Scenicis Artificibus , vel Locatori Scenorum , qui eos pacta mer-cede conduxerat . Spectatoribus etiam , qui sti-pem dederant , tesserae theatrales dabantur , (quas integro corpore cum reliquis collectas aliquando depromendas curabo) quod munus hi Rogatores a Scena praestare poterant . Igitur , ut in viam revertar , diversum munus exse-quebatur *Rogator a Scaena* , & *Locator a Scaena* ; qui

qui idem significat ac *Locator Scaenicorum*; & ab his quoque diversi erant Locarii, qui loca commoda, & meliora in spectaculis, & Theatro quum occupassent, ditionibus certo pretio locabant, quos a Designatoribus diversos fuisse ostendit Raderus in illud Martialis Lib. v. Epigr. 25.

Hermes divitiae Locariorum.

Porro is erat *Designator Scenarum*, cuius fit mention in Gruteriano marmore pag. CCLXX. 6. qui, ni fallor, Scenis praerat, & curabat, ut omnia cum ordine procederent, & Scenici Artifices quando oportebat, prodirent. Erant quoque Designatores, qui loca in Theatro designabant, monstrabantque tum divitibus, tum pauperibus destina ta, de quibus Taubmannus in Plautinae Aululariae Prologo vers. 19. quem vide.

Sed his praemissis, atque expositis, ne dubitatio superfit ulla circa genuinam marmoris scripturam, irrefragabile testimonium adfero egregii illius Antiquarii, & Pictoris Petri Leonis Equitis Ghezzii, qui anno MDCCXXXI. Romae incisos XL. aereis Tabulis erutos titulos ex compluribus Columbariis, ac praesertim ex celebri illo Libertorum, & Servorum Liviae Augustae, vulgavit, atque huiusmodi opus eidem Eminentiss. S. R. E. Cardinali de Polignac dedicavit Laurentius Philippus de Rubeis. Hic ipse titulus emendatior ita exhibetur in Tab. xxxvii. num. 8.

Q. GAVIVS ARMONIVS LOC. SCAENICORVM VIXIT ANNS XXIII M. VI
--

C A P V T V I I I .

Ara Gruteriana a Cl. Georgio edita, ut alio exemplo probaret Locatoris Scenicorum munus sive officium, rursus adfertur accuratior, expenditur, & breviter illustratur. Ostenditur, IONA, & TROADAS, quae in lateribus arae scripta sunt, haud esse Histrionum nomina; sed titulos Tragoediarum Euripidis, quas Theocritus Pylades Pantomimus, aut gesticulationibus, aut saltibus exhibuit. Discrimen inter Tragoedos, Co-moedos, Mimos, Pantomimos. Qui nam Parasti. Error doctorum Virorum, qui eamdem Aram Gruterianam sepulcralem Florentiae existare scripsierunt.

MEntio apud Horatium chlamydum Scenicarum, me monet, ut ad aram a Grutero adlatam revertar. Cl. Georgius in Opusculo suo eam parum accurate edidit, & praetermisit svi TEMPORIS PRIMVS: ego ibidem pag. 130. accurationem substitui. Sculptae in utroque latere sunt duae figurae chlamydatae, quarum alteri a dextris supra scriptum est Litteris Latinis IONA; alteri vero a sinistris TROADAS, & subiecta virilis figura dextra manu, brachioque exerto nudoque tragicam personam incomitis crinibus, sparsisque adtollit; non vero, ut aliquibus visum est, radiatum Solis caput, sinistra hastam tenet. Eximius Praeful Georgius censuit IONA, & TROADAS esse nomina Histrionum: qua in re, pace dixerim tanti viri, perspicuum est valde hallucinatum esse. Nam dubio procul IONA, & TROADAS indicant Euripidis Tragoedias duas eodem cum titulo, quae exstant, &

ad

ad nos pervenere: quumque accusandi casu scribantur, credibile videtur, subintelligendum esse docuit, egit, aut aliquid simile; nempe quod Theocritus Pylades Pantomimus in his exhibendis magnum sibi nomen fecerit. Prior imago feminam referens cum superposito titulo IONA, apud Euripidem inscribitur ΙΩΝ, & vultu gravi in hac arca expressa est; altera vero terrorem spirans, exhorrescentem tragicam personam ostentans, virum hasta insignem refert, adeoque Euripidis indicat Tragoediam, quae apud eundem ΤΡΩΑΔΕΣ inscribitur. Illud a Mediolanensisbus doctis optandum, ut accuratius a Pictore perito hae figurae delineentur, & menda quaedam, quae in eadem Inscriptione occurunt, deleantur, ut omnia accuratius illustrentur. Vtinam id ego facere possem? Non desunt Scriptores primi subsellii, fama nominis, & antiquarum rerum studio celeberrimi, qui hanc ipsam aram Florentiae extare scripserunt. Quam eximia laus Florentinis adcederet, si id certo constaret, & hinc arguere possemus auditas Florentiae Euripidis Tragoedias insignes, quarum tituli scripti in ea sunt, & spectatum Theocritum Pyladem Pantomimorum sui temporis primum, summis honoribus ornatum a splendidissimis Italiae civitatibus, indeque constaret tam remotis temporibus apud Florentinos Graecorum Poetarum studium valde floruisse! Verum decepti sunt, ut etiam in secunda Gruteri editione adnotatur, praeclaris Viri Borsuerius, qui addit: *Nunc apud Florentias ad S. Iosephum; idem Graevius; & Thomas Bartholinus scribit: sibi visam Florentiae in Palatio Marchionis Firenza*, quod etiam Gudius adfirmat. Verum aetate mea nunquam vidi, & maiores nostri priscorum monumentorum Colle-

cto-

tores si vidissent, proculdubio vel memorassent, vel exscripsissent; quare perspicuum est errorem ortum vel a loco, vel a possidente, cui nomen Florentiae persimile.

C A P V T VIII I.

Euripidis Tragoediae summo in pretio fuere: tituli earum in marmoribus scripti. Marmora & Hermae Homeri, & Euripidis ornamenta Museorum antiquorum. Deletum mendum in adlato marmore penes Cl. Muratorium in novo Inscriptionum antiquarum Thesauro. Euripidis Tragoediae cum Romae, tum in splendidissimis Italicae Civitatibus recitatae.

HVnc Theocritum Pyladem floruisse intelligimus, quum duo Augusti Caesares Romani orbis imperium tenerent; nam AVGG. LIB. hoc est *Augustorum Libertus* scribitur. Facile intelligemus, qui fuerint Imperatores illi, quibus imperantibus floruit, si gentis & familiae eorum nomen praeferret. Tamen sive floruit sub Vespasianis, sive sub Antoninis; hinc facile intelligimus quam celebre fuerit apud Romanos, vel etiam apud Mediolanenses Euripidis nomen, cuius Tragoediae maxima voluptate, maximoque plausu audiri, & recitari solebant. Tituli quoque Tragoediarum, quas scripsit, marmoribus adnotati ad perpetuam posterorum memoriam, quanto in honore esset Euripides ostendunt. Exstat eius nominis, & claritatis alterum insigne monumentum, nempe nomina, seu tituli Tragoediarum, quas scripsit, quod utinam integrum, non vero in fine mutilum ad nos pervenisset! Catalogum hunc Tra-

Tragoediarum eius alphabetico ordine scriptum ad me misit Cl. Ficoronius , dum viveret mihi amicissimus , quem quum editum videam in novo Muratoriano Thesauro pag. DCIX. I. aegre me ipsum cohibeo , ut hic rursum depromam . Verum menda quaedam detenda censeo , quum in archetypo , quod idem Ficoronius una cum Hermaea imagine Euripidis dono dedit Museo Collegii Romani Kircheriano , non habeantur ; quod colligo ex accurato apographo , quod statim ad me idem Ficoronius per epistolam , ut frequenter solebat , misit . Siquidem in linea 9. non ΜΕΣΑΝΔΡΟΣ , ut habet Muratorius , sed ΑΛΕΞΑΝΔΡΟΣ scriptum tradit idem Ficoronius ; qui hanc ipsam genuinam scripturam mihi confirmavit , iterum exscripto eodem Catalogo , una cum omnibus Inscriptionibus erutis in Columbariis Romanis ab anno MDCCXXXIII. usque ad annum MDCCXXXVII. ac praesertim in Conditorio Arruntiorum , cuius picturas , & spectatu digna monumenta mecum humanissime communicavit . Hunc ipsum Catalogum idem nuper , paullo ante obitum suum , evulgavit pag. 104. Operis sui , cui titulus : *Memorie ritrovate nel Territorio della prima, e seconda Città di Labico* ; in quo , non ut apud Cl. Muratorium ΜΕΣΑΝΔΡΟΣ , sed geminatis ΣΣ pro Ξ , typothetarum plane incuria , scriptum est ΑΛΕΣΣΑΝΔΡΟΣ pro ΑΛΕΞΑΝΔΡΟΣ , quo Paris ille Troianus , qui nomen Euripidis Tragoediae fecit , declaratur . Locum , in quo eximium hoc marmor inventum est initio anni MDCCIV. mihi accurate descripsit , & , ut video , uberioribus notitiis , quam in praelaudato Opere fecerit ; quare eas haud praetermittendas censui . Ita igitur scribit : *E' da sapere , che nell' Esquilino , dopo*

dopo la Chiesa di S. Antonio de' PP. Francesi, vi siegue parimente a sinistra un Orto, che a pochi passi termina nella Piazza di S. Giuliano, e S. Eusebio; il cui muro di quest' Orto si vede fabbricato sopra grandiosi Portici, che sono alla vista, benchè quasi sepolti da scarichi di terra. Nel fabbricarsi sul principio dell' Orto un Casino di forma bisbetica, vi si trovò un Erma di Omero, che io non potei comprare. Indi poi scavandosi vicino, per ricerca di materiali da fabbricare, trovossi un Portico tutto ornato di pitture, il marmo scritto delle Tragedie d' Euripide, e il di lui Erma, ambidue cose da me compratevi. Le pitture per altro erano di piccole figure, e rabischi, quasi simili a quelle, che ancor si vedono in un Portico del Palazzo di Tito, delle quali ebbi occasione di parlare nella mia Operetta delle Vestigia di Roma alla pag. 105. dove accennai i Portici di altri grandiosi Edifizj, che recano stupore a chi gli considera; fra i quali sono quegli della Villa Tiburtina di Mecenate, da me rammmentati alla pag. 22. della mia Lettera delle Singolarità di Roma, e sue Vicinanze, stampata dal Salvioni l' anno 1730. Potrebbe forse credersi, che il predetto Portico pieno di Pitture, e di varj Sepolcri in detta Contrada dell' Esquilino, siano residui della Villa di Mecenate; tanto più, che il sito è il più ameno della pianura di detto Colle, in cui fosse donato di abitazioni Orazio Flacco dal suo Mecenate, il quale a guisa di Museo può congetturarsi, che conservasse per memoria i Ritratti in marmo de' due famosissimi Poeti Omero, ed Euripide con altri ancora da esso stimati; e del secondo facesse registrare in marmo i titoli delle Tragedie: del qual marmo feci dono

dono unito ad altri di erudizione alla Galleria Kircheriana, e l' Erma di Euripide ora si ammirra nel Tesoro Capitolino .

C A P V T X.

Eadem per celebris Mediolanensis Ara illustrata ab Iosepho Scaligero, & Claudio Salmasio. Excerpta ex eorum Commentariis adlata. Cl. Georgii sententia, quod eadem Ara duobus Pantomimis dedicata sit, iterum reiicitur.

RUsticanti Cl. Georgio, dum hanc Disceptationem exararet, ad manus non fuere observationes, quas summi viri Iosephus Scaliger, & Claudius Salmasius concessere in hanc Aram Mediolanensem Theocrito Pyladi positam, e quibus pauca quaedam excerpta, si heic proferrem, adiecit nonnullis adnotatiunculis meis, operae pretium me facturum censui. Scaliger disserendi de Pantomimis occasionem adripuit, dum ageret de Pylade Cilice Pantomimorum primo, quem Augustus, Dione teste, ex Asia Romam evocavit. Eius mentionit Eusebius in Chronic. poster. Olymp. CLXXXIX. *Pylades Cilix Pantomimus, quum veteres ipsi canerent, & saltarent, primus Romae chorum, & fistulam sibi praecinere fecit.* Mediolanense hoc Epitaphium tanti fecit idem Scaliger, ut eleganterum ingeniorum disquisitione, quae in eo leguntur, digna censuerit; addens: *nam plurima in hunc lapidem, non vulgaria dici possunt: imo iustus Commentarius edi.* Primum, ut exordiamur a figuris in eodem marmore opere anaglypho scuptis; figuram illam proculdubio mulierem in dex-

tro latere expressam (perperam ille sinistram dicit : ni intelligat , quae ad sinistram occurrit manum respicientis) quid referat silet , nec describit ; titulum tantum notat supra eius caput insculptum , nempe IONA : alteram vero figuram in dextro latere (id est arae sinistro) ait referre mulierem barbaro habitu , quae personam , sive larvam Solis dextra , spiculum sinistra gerit ; supraque eius caput scriptum TROADAS , & SVI TEMPORIS PRIMVS . Hos titulos monet significare , hunc ipsum Theocritum Pyladem vicisse Τρωάδας , καὶ Ἰωνα Εὐριπίδης . Claudius Salmasius palliatam illam figuram , cui supra scriptum est IONA , virilem censet ; quod ipsum schema mihi conspicienti non adparet ; sed muliebris videtur effigies : alteram scribit chlamydatam , ornatam lancea ; sed de his iudicium proferre supersedeo , expectandumque censeo donec accuratius hae figurae a doctis Mediolanensibus nobis offerantur Certe Scaligero larvam Solis desribenti non adsentior ; sed adfirmo personam illam ita fusis sparsisque hac illac capillis expressam , ut Tragoediae , in qua Troades mulieres plorantes , & ululantes horrifice ab Euripide introducuntur , nempe thema tragicum referat , vel indicet . Huic adsimiles aliae personae in Ficoroniano Opere *de Personis Scenicis* occurrunt Tab. XLII. XLIII. XLIV. & LIV. & in sequent. quae horrescentibus capillis sculptae sunt . Neque dubium est per eos titulos figuris hisce adscriptos , significari Theocritum hunc Pyladem Augustorum Libertum Pantomimum , in his duabus Euripidis Tragoediis saltandis , gestibusque ; ac corporis motibus exprimendis , Ione , & Troadibus , cum aliis omnes , tum seipsum vicisse , & sui temporis primum praeconis voce declaratum fuisse , meritis-

tisque laudibus, & honoribus decoratum ; quum ex ipso elogio perspicuum sit in his Tragoediis saltandis, quum nutu, manibusque mire loquax esset, primas tulisse, atque prae omnibus excelluisse.

Idem Scaliger Inscriptionem Mediolanensis Arae exhibuit, & quadratarii sphalma notavit, qui scripsit THEOCRITI pro THEOCRITO. Quod vero hic cernimus eumdem Theocritum Pyladem appellatum Augustorum Libertum (forte ad tempora Imp. Lucii Veri Commodi, & M. Aurelii Antonini pertinere censendus est) minime credendum est duo nomina in ortu suo obtinuisse ; nam primum, quod est proprium, lustrico die eidem impositum ; alterum vero ex professione, successione, & ex arte ei obvenit. Nam quum arte saltandi sub Augusto Pylades, & Bathyllus omnium eminentissimi fuissent, & Saltationis pracepta nova antea penitus incognita dedissent, & in Orchestra Latina Pantomimos a Tragoedia, & Co-moedia separatos ostendissent, ut idem Salmasius ex Suetonii loco apud Diomedem Grammaticum observat ; qui ex eius schola prodierunt, eorum nomen post proprium tulerunt ; quare multi in vetustis marmoribus Pantomimi PYLADES appellati leguntur, quos idem Scaliger recenset ; qui & Discipuli nuncupabantur, fueruntque duae Familiae, seu Factiones perpetuatae *Pyladarum*, & *Bathyllorum* ; nam omnes Pyladae Tragoediarum, Bathylli Comoediarum Saltatores fuere : quod, praeter antiqua marmora, docet L. Seneca Natur. Quaest. Lib. vii. Cap. ult. At quanta cura laboratur, ne cuius Pantomimi nomen intercidat ? Stat per successores Pyladis, & Bathylli domus. Harum multi Discipuli sunt, multique Doctores. Hylas in-

ter primos Pyladis discipulos memoratur, qui coram ipso Pylade canticum quoddam, Agamemnonem exprimens, saltavit. Pylades Saltationis Italicae auctor fuit, de qua etiam librum reliquit; quae licet mixta esset ex Tragica, Comica, & Satyrica; tamen non confundebantur, sed singulae seorsim iuxta leges desaltabantur, & in qualibet specie Factio instituta, quam ad Discipulos suos, & artificii per longam seriem Successores uterque transmiserunt. Pyladea saltatio gravis, seria, fastuosa, superciliosa, & affectuum plena, & Tragica tota, ut idem Salmasius observat. Eius *παροήσεις*, antiquorum Poëtarum Tragoediae, Deorum, Heroumque facta: personae, ut in Tragoedia Divi, Duces, Heroes, & Reges: Bathyllea contra, hilaris, iocosa, pedestris, quae tota in rebus laetis versaretur, & risum in spectatoribus excitaret, Saltationibus, & corporis motibus moderandis adhibebantur Tibicines, cuius illustre exemplum in Comica Scena exhibet Cl. Ficoronius ex antiquis marmoribus Tab. II. & III. in Opere *de Personis Scenicis*, ex quibus in Comoediis feminas quoque adhibitas, quae tibiis accinerent, & praecinerent cernimus, & ex alio exemplo ibidem Tab. XLII. discimus.

Sed Pyladeis saltationibus plures accinuisse, & praecinuisse tibias, constat ex Luciani loco, quemadfert Salmasius, in quo Pantomimum saltantem Aiacem furiosum pingit: Pyladi saltanti Choraules praecinebat cum Choro. Praeter tibias, fistulas, & Chorum saltantibus Pantomimis praecinentes, addit etiam citharas Lucianus de Saltatione, & cymbalorum crepitum, & scabillorum sonitum: quae omnia accuratius exponenda, & illustranda erunt,

erunt, si otium quandoque erit, & aderunt vires, ut uno Corpore complectar Theatrales omnes Inscriptiones antiquas, & illustriora figuris insculpta Monumenta, quae Theatrum, & antiquam Sce-
nam illustrant.

Quamvis autem Claudius Salmasius Scaligero non adstipuletur, quod Theocritum Pyladem existimaverit vicisse Euripidis *Tρωάδες*, καὶ Ιώνα, quod minime ἐν γένεσι erat ars Pantomimorum; tamen constat ex antiquis epitaphiis, eos donatos Hieroniarum adpellatione, & non tantum coronas obtinuisse, verum & interdum palmis, & ramusculis donatos, exemplo eorum, qui in sacris certaminibus vicerant. Praemia haec Tragicis, Comicis, & Satyricis Pantomimis data testantur antiquae Gemmae editae a Cl. Ficoronio in laudato Opere, quas vide in Tab. xxxvii. & xxxviii. quarum altera onychi inscalpta; altera vero sardae. Sed de honoribus in Pantomimos liberalitate effusissima conlatis, in sequenti programmate nonnulla adtingam.

Supereft ut heic expungam Cl. Georgii sententiam, qui §. II. suae Disceptationis censet, Gruterianam Aram Mediolanensem, quam adducit, ut supra vidimus, positam esse duobus Scenicis Artificibus, Curante *Calopodio Locatore*; idque, ut opinor, colligit, quod in ea scriptum sit THEOCRITI (pro THEOCRITO) AVG . LIB . PYLADI: vel potius, quia in Arae lateribus ea nomina IONA TROADAS censuit esse Scenorum defunctorum. Sed manifestum est eum hallucinatum esse; nam defuncti huius, cui praeclarum hoc monumentum positum est, nomen proprium, ut diximus, fuit THEOCRITVS; alte-

rum vero , quod ex schola , professione , familia , & successione obtinuit, fuit PYLADES ; quod siquidem ex Pyladeis Discipulis , & Successoribus ipse fui temporis primus fuerit. Comici quoque eodem honore affecti , & ipsi quoque dicti *Primi sui temporis.*

C A P V T XI.

Pantomorum primatus , honorificae Scenicorum appellations , praemia , munera , dignitates , Decurionalia ornamenta decreta , statuae , coronae , elogia , plausus , divitiae iisdem effusissima liberalitate dono datae . Pantomimi abeneum signum elegantissimum , numquam antea editum , adfertur , & nonnullis observationibus illustratur .

Terum me vocat Ara sepulcralis ornatissima adlata in Gruteriano Thesauro pag. MXXIV. 5. ut nonnulla non levis momenti luculentius expendam . Eruditissimus GEORGIVS , qui eam protulit , praetermisit elogium , quod ego restitui in coronide superiori in sinistro eiusdem Arae latere : nempe *s v i T E M P O R I S P R I M V S.* In alio marmore eiusdem Thesauri pag. MXXXV. 10. C. Julius Augusti Libertus Prior Pantomimus dicitur . Eundem primatum sortiebantur Parasiti , Tragici , & Comici . Inter hos & Mimos , & Pantomimos illud intercedebat discriimen , quod Tragici Tragoedias , & Comici Comoedias recitabant ; Mimi vero , & Pantomimi eas loquacibus gestibus , manibus , motuque corporis , & aptis ad rem vestibus armisque exprimebant . de quibus luculenter Iul. Caes. Bulengerus de Theatro Lib. 1. Cap. LII. & nuper doctissimus Io. Benedictus Carpzovius in Parad. Stoic. Arist. Chii de Histrionibus .

Cur

Cur vero ea praecipua laudatio Theocriti Pyladis seorsim scripta sit, non vero, ut in multis aliis monumentis in ipso Inscriptionis, ut ita dicam, corpore, me plane latet. Coniicio tamen id factum, quum idem Theocritus Pylades bene acta Euripidis Tragoedia, cui titulus TROADES, primas tulit, & tunc facile meruit, ut PRIMVS SVI TEMPORIS diceretur, adeoque inter Pantomimos principem locum teneret; quare ad eius praefstantiam declarandam imago illa sculpta est sub titulo TROADAS, ut augoror, quae Tragicam personam extollit. Hinc etiam ex eiusdem Arae anaglypho laevi lateris discimus Pantomimorum Tragicam vestem fuisse variegatam, variisque coloribus, atque adfutis laciniis contextam, quod alibi ex vetustis monumentis luculenter ostium est. Spectata Pantomimorum virtus magnificas laudes adsequebatur, adeo ut non solum Primi sui temporis, sed etiam honorati, & maximi Pantomimorum diceretur. Coronas quoque consequebantur, quoties spectati placuissent. In Donianis Cl. iv. 53. HIERONICO BIS. CORONATO. ET. DIAPANTON. Marcus Vulpius Apolaustus duodecim vicibus coronatus est, quod sequens Epigr. penes Gruterum p. cccxxxii. 6. indicat:

M. VLPIVS. AVG. L. APOLAVSTVS

MAXIMVS. PANTOMIMORVM

CORONATVS. ADVERSVS. HISTRIONES

ET. OMNES. SCENICOS

ARTIFICES. XII

Summum quoque decus obtinuisse censebantur, quum adpellarentur ARCHIMIMI: qua honorifi-

ca adpellatione plures memorantur in marmoribus Gruterianis pag. cccxxx. 2. & mlxxxix. 6. ubi L. Acilius E V T Y C H A E (legendum videtur E V T Y C H E S) N O B I L I S quoque honoris causa adpellatur; quem Bovillenses, imperante M. Aurelio Commodo Augusto, Decurionalibus titulis, munere, & ornamentiis condecorarunt, & omnium in Curiam Adlectorum Patrem nuncuparunt. Idipsum quoque nostra aetate contingere videmus, effuso nimis in otium, mollitiem, & caelestium divinarumque rerum ignoratione paene destituto lautiorum hominum coetu, quum Musicorum greges, & Psaltriae nimis impudicae tantopere amentur, donis immensis donentur, & ad caelum usque cum nausea encomiis evehantur. Adeo enim, corruptis aeternae Vrbis moribus, colebantur Pantomimi, ut primos honoris gradus in Senatu omnium fere Italiae civitatum obtinerent: insanientibus mirum in modum his potissimum, qui Rempublicam administrabant; neque etiam eos indignos Sacerdotalibus muneribus, & dignitate censebant, teste hoc lapide dedicato a Senatu Populoque Lanuvino M. Aurelio Acilio Augusti Liberto: quod factum cernimus, ut Caesari Augusto M. Aurelio Commodo Imperatori, a quo productus fuerat, & Faustinae, cuius Alumnus dicebatur, adularentur, atque eo facilius eorum gratiam, & favorem inirent, ut legitur in sequenti eius elogio penes Gruterum p. cccxxx. Inscriptio marmoreae basi insculpta, cui superpositam fuisse eiusdem Pantomimi statuam minime dubitandum est: nam & apud Athenienses, teste Pausania in Atticis, Co-moedorum, & Tragoedorum statuae in Theatro positae spectabantur. . .

M . A V R . A V G . L I B
 A C I L I O . S E P T E N T R I O
 N I . P A N T O M I M O . S V I
 T E M P O R I S . P R I M O . S A C E R D O
 T I . S Y N H O D I . A P O L L I N I S . P A
 R A S I T O . A L V M N O . F A V S T I N A E
 A V G . P R O D V C T O . A B . I M P . M .
 A V R E L C O M M O D O * . A N T O N I
 N O . P I O . F E L I C E . A V G V S T O
 O R N A M E N T I S . D E C V R I O N A T .
 D E C R E T O . O R D I N I S . E X O R N A T O
 E T . A L L E C T O . I N T E R . I V V E N E S
 S . P . Q . L A N I V I N V S

Schedae Pighii habent A L L E C T O . I N T E R .
 A V G V S T A L E S . In latere dextro basis eiusdem ,
 quae declarat ei Statuam dedicatam fuisse cum
 hoc adiecto elogio , adnotantur Consules L. Cof-
 sonius Eggius Marullus cum Cn. Papirio Aelia-
 no , nimirum anno V. C. 937. Chr. 184. ni ad
 alterum annum sequentem V. C. 940. Chr. 187.
 quo iterum Consul fuit idem Cn. Papirius Ae-
 lianus , scriptam positamque hanc basim dicamus .

Perraram atque oppido insignem perlubet heic
 adferre imaginem ex aere faberrime factam an-
 tiqui P A N T O M I M I , cui similem nec video ad-
 latam in Opere Cl. Ficoronii de Personis Scenicis ,

nec

* Erasum Commodi nomen , & postea maioribus litteris re-
 stitutum .

In fin. LANIVINVS , pro LANVVINVS .

nec apud alios , ni fallor , egregios Antiquitatum Interpretes . Ea huiusc magnitudinis olim exstabant Florentiae in Museo pulcherrimo Ioannis Nardii Viri Eruditissimi , qui Lucretium Carum Commentario illustravit , atque in eius Operis fine non pauca edidit Monumenta praesertim antiquorum Aegyptiorum , de quorum funeribus pereruditate disseruit , quae post eius obitum , ab heredibus vendita , in alia Florentina Musea migrarunt , praesertim Dominorum Cerretaniorum , Morelliorum , & non pauca etiam a me redenta meis Cimeliis adiecta sunt . Quam elegans sit imago haec Pantomimi , haud satis facile explicari potest . Cernimus eius caput inter vittas rosis (ut reor forsitan aureis intertextis) coronatum . Pantomimorum corona , quam ornatae essent , quoque artificio quibusve ornamentis compositae , hinc perspicue colligimus . Vultum persona rectum habet pallenti hiatu , quo vox maximo sonitu ad Spectatorum aures perveniret . Pallio ornatur , sedetque in basi , qua specie , & Comoedi quoque in Gemmis sculpi , & in aereis signis apud eundem Ficoronium occurunt praesertim in laudato Opere Tab . xviii . xxvii . xxxvii . in quibus quandoque bases ipse lauri coronis circumcinguntur .

C A P V T XII.

Feminae Mimae , Archimimae pares fere honores adeptae .

MA XIMOS , atque etiam pares honores feminae MIMAE consecutae sunt , quae spectatae si placuissent , tunc Archimimae sui temporis primae vocabantur , teste marimorea Tabula Thefae .

sauri Gruteriani pag. cccxxx. 4. in qua haec leguntur, restitutis aliquot litteris, quae sinistrorum desunt in eo marmoris fragmento:

FABIA . M . ET . O . L . ARETE . ARCHIMIMA
TEMPORIS . SVI . PRIMA . DIVRNA

Heic quoque adnotare lubet laudes omnes aequali-
se ex Archimimis, & Pantomimis primis, ac
maximis, itemque ex Parasitis, & cum his Archimi-
mae DIVRNAE, qui DIVRN1, vocabantur; quod, ut arbit-
rator, singulis diebus non solum in Theatro, verum
etiam in conviviis, in funeribus adhibiti spectarentur.

C A P V T XIII.

*Corpora Scenicorum . Adlecti Scenicorum breviter
adnotati . Expendendum proponitur , utrum Sce-
nici Artifices Collegium Romae habuerint ; nam
Scabillarios ad Scenam Collegium habuisse constat .*

Collegium utrum ne habuerint Scenici huius-
modi Artifices, expendendum superest; nec
inconsulte dubium hoc a me proponitur, quum lega-
tur in basi Gruteriana p. MLXXXIX. 6. posita L. Acilio
Eutycheti, quae inemendatior adfertur p. cccxxx. 2.

NOBILI . ARCHIMIMO . COMMVN .
MIMOR . ADLECTO . DIVRNO .
PARASITO . APOLL . TRAGICO .
COMICO . PRIMO . SVI . TEMPORIS .
BT . OMNIBVS . CORPORIB . AD . SCAENAM &c.
ex

ex qua colligimus *Commune Mimorum* fuisse , in quo qui eandem artem profiterentur adlegebantur ; & Scaenicos , sive qui ad Scaenam serviebant , in quaedam Corpora adscitos esse ; nam in eadem ara A D L E C T I S C A E N I C O R V M dicuntur , & recensentur , iisdemque sportulae datae memorantur . Ex adlata quoque paullo supra Lanuvina Ara in honorem M. Aurelii Septentrionis memoratur Synodus , cuius idem M. Aurelius fuit Sacerdos . In hac ipsa Ara , quam ipse adnotatiunculis breviter illustravi , G R E X R O M A N V S , qui eam posuit , & dedicavit Theocrito Pyladi , nominantur ; ex quibus nullam Collegii disertam mentionem factam videmus . Sed alia marmora indicant S C A B I L L A R I O S Scaenicos , sive ad Scaenam pertinentes (de quibus non pauca adnotavi ad Inscriptiones Donianas Cl ass. VIII. n. 42. quas , si otium est) vide . Scabillarios vero Collegium Romae habuisse , & in plures Decurias connumeratos esse docet , sequens marmor ex Cl. Ficoronio :

D E C . X I I .

C . I V L I V S

C Y T H I S V S

C O L L E G . S C A B I L L A R I O R V M

Huiusmodi pereruditam quaestione m expenden-
dam relinquo Doctissimo Viro D O M I N I C O B R I-
C H I E R I O C O L V M B O , Patricio Finariensi , amico
meo optimo , ad bonas litteras iuvandas egregie
facto , qui de Collegis veterum accurate , & lu-
culenter compluribus Disquisitionibus differuit ,
quas mihi in lucem proferendas , pto sua in me
humanitate , & benevolentia tradidit .

Cl-

C A P V T X I I I .

*Nonnulla adnotantur in Inscriptio[n]ibus in fine
adlati s a Cl. Georgio. Inscriptio Iulii Valeria-
ni cum imaginibus Retiariorum, iterum pro
par ergo producitur, memoriae causa.*

MEO AVCTARIO ut colophonem imponam,
supereft, EGREGIE PIGNATTELLE, ut nonnulla
summis digitis adtingam, quae spectant ad sepul-
crales Titulos a Cl. Georgio adlatos, quos ex eo-
dem Conditorio erutos ipfe descripsit. Iam ex iis-
dem titulis perspicue vides Conditorium hoc plu-
ribus commune fuisse: siquidem fere omnes li-
bertinae conditionis, nomina praeferunt familiarum
Romanarum *Gaviae*, *Fonteiae*, *Marciae*, *Lici-
niae*, *Aureliae*, *Barisiae*, *Tauriliae*, *Fulviae*, *Vi-
biae*, *Naeviae*, *Hirtiae*. Facili negotio non-
nulli Tituli fracti, vel manci instaurari possunt
suppletis litteris. Titulus vii. in fine praefert for-
mulam illam nempe *vixit annis viginti*, quae
annos a Carpophoro in matrimonio exactos desi-
gnant: mox sequitur V. A. P. M. L. hoc est:
vixit annis plus minus quinquaginta: qui nume-
rus annorum maior totum eius vitae cursum com-
pletebitur. Perrarum minime est exemplum hoc du-
plicis enumerationis annorum vitae in Sepulcrali-
bus Titulis Coniugum; sed frequens, ut & ipse
observasti. Sed illud notatu dignum, quod non
solum in veteribus Christianorum lapidibus, sed
Ethnicorum quoque eadem formula *plus minus*
occurrit, quod & alii Viri docti iam observarunt;
quare & hoc exemplum indicasse sufficiet.

Adiicio nunc , ut promiseram , Inscriptionem
Iulii Valeriani , quae exstat in meo Museo , in
qua hinc inde Retiarii sculpti sunt , quam pro-
tuli , & illustrationibus nonnullis ornavi in Par. II.
Inscriptionum Antiquarum Etruriae Vrbium p. 99.
n. 99. quam tibi nuper ostendi , & talem erga me
tui amantissimum Te semper fore , me magnopere
optare ostendi . Haec igitur habet :

I V L I V S . B A L E R I A N V S
Q V I . V I X I T . A N N I S . B . X X
N A T A L I . S V O . D .
S O D A L I C I F A R I V S
B O N V S . A M O R A T V S
FILETIUS . V S Q V E . A T F O T S A *fit*



S Y L L O G E I.
EPISTOLARVM
CLARORVM GALLORVM
A D V . C.
ANTONIVM MARIAM
SALVINIVM





I.

Clarissimo, & Eruditissimo Domino

ANTONIO MARIAE SALVINIO

F. IOHANNES MABILLON

M. B.

ACcepi a paucis diebus insignis libri
tui exemplar, quod per Patrem Ful-
liensem Gallum mihi transmittere di-
gnatus es. Miror tamdiu haesisse
animo tuo memoriam mei, ut me
tam praeclaro munere non indi-
gnum iudicaveris. Sed mirabilior videtur mihi
multigena eruditio, quae in opere isto contine-
tur, cum iucunda rerum varietate coniuncta. Hae
scilicet modo vos recreant animorum deliciae, dum
nos bellorum tempestatibus paene obruimur.
O quando horum finis, ut similibus tandem stu-
diis pasci nobis liceat. Interim fruimini vestro
otio sub Serenissimi Ducis auspiciis: tuque in pri-
mis, Vir Clarissime, concessum tibi divinitus ta-
lentum profer in Reipub. Christianae, ac Litte-
rariae utilitatem. Dabitur quamprimum occasio

SYMBOL. LITT. VOL. II.

N

fa-

faciendi memoriam praeclari tui operis in Dia-
rio Litteratorum, apud quos nomen tuum haud
ignotum est. Ego vero ex quo e vestris parti-
bus discessi, semper feci mentionem tui in fre-
quenti consensu huius Vrbis eruditorum: quod non
mihi, sed singulari tuo merito adscribas velim.
Iam quando me tuo munere honorasti, perge
quaeso cultorem tuae virtutis ac eruditionis ama-
re. Vale Parisis decimo Kal. April. an. MDCXCVI.

II.

Clarissimo, & Doctissimo Viro

D. ANTONIO MARIAE SALVINI

F. BERNARDVS DE MONTFAVCON

S. P. D.

I Gnorō quod scribendi initium faciam, ut te, Vir
Doctissime, pro officiis, & humanitate erga me
tua digne compelle. Ex animo vere gavisus sum
offendisse me virum illa eruditione, Graecae lin-
guae peritia, modestia, cuius me confortio, & con-
fabulatione per otium Florentinum non parum
utilitatis perceperisse fatear necesse est. Otium
voco, cum mihi spatium, & tempus offertur ad
rem litterariam excolendam, cum item consuetu-
dine Eruditorum uti licet. Cetera omnia negotia
imo *τέλεσθαι* existimo. Musas Graecas, quas colis
affidue, mihi etiam per moram intermissi redi-
tus frequentare animus est, &, si facultas ferat,
Topographiam Christianam ad Codicem Vaticanum
quam-

quamprimum conferam. Spero me ab Eminentissimo Norisio id gratiae consequeturum.

De Vita Aesopi describenda, non est quod iterum apud te, Vir amicissime, agam; cum tute hanc provinciam ultro suscepferis. Verum quae iam exscripta fuerant, imprudens mecum detuli Romam. Recordari te puto qua in clausula finem feceris scribendi. Tamen non abs re forte fuerit si moneam haec ultima esse apographi mei verba: μὴ ἔδωκας τῇ φύσει ἀνεστιν ἀλλ' ἐμπειριπάτων οὐρέis.

Spero me iussu Praefectorum Ordinis brevi reversurum in patriam. Id si peroptanti concedatur, Florentiam iterum concedam, ubi aliquot diebus consortio frui tuo licebit. Si me amas nostra, & nostrum Anselmum Ragusinum curato (1). Est enim φιλομαθής, & φιλόμυστος, si quis alias. Dominum Duccium (2) Clarissimum Bibliothecarium meo nomine plurimum saluta. Bene vale, meique memineris.

Romae tertio idus Aprilieis MDCC.

N 2

III.

(1) Is est D. Anselmus BANDVRIUS, Vir Celeberrimus, quem Florentiae Graecas litteras docuit, &c. in antiquaria eruditio- ne excoluit Cl. Antonius Maria Salvinius.

(2) Franciscus Maria Duccius Sacerdos Florentinus, Bibliothecae Mediceo - Laurentianae Custos, qui eius MSS. Codicum Catalogum primus adgredius est, auspice eodem Salvino, & recensente, quo usus est idem Cl Montefauconius.

Dæflissimo, & Amicissimo Viro

D. ANTONIO MARIAE SALVINIO

F. BERNARDVS DE MONTFAVCON

S. P. D.

Amiam accepi apographum tuum , Vir amicissime , de Vita Aesopi ; pro qua re , ceterisque mihi collatis officiis , εὐχαριστήσας hasce litteras paravi : non quo putem me posse parem gratiam referre , sed quo testificer te non apud ingratum beneficia ponere . Vellem vitae Aesopi adieciisse aliam brevissimam , quae sequitur in eodem Codice , & vix mediam pagellam occupat : si exscribere libeat , in Epistola poterit facile complicari . Abbatis Germani Epistola adversus Congregationem nostram , νανὴ οὐρανῷ νανὸν ὥον , damnata nuper Romae fuit cum Epistolis contubernialium eius ipsi sicutilium . Hac solum de causa remigravi Romam , & inopportune cecidit , ut proscripti libelli nuntium mature Parisios pervenire non potuerit , ut exsolverer Romanis curis ; quo factum , ut Procuratoris Generalis officio in hac Curia Deputatus sim ; angor & crucior , praereptum mihi esse otium litterarium : subcesivis tamen horis Itinerarium paro . Ticinum iam adveni , nunc si quis properantem interpellat (nam videor mihi iterum peregrinari) si interpellat inquam negotiis istis Curialibus , quae mirum quan-

quantum aversor , moriar si non perinde fastidium ingeneret, ac si conspergerer aqua faetenti . Ticinum , inquam , deveni ; & si concitatiore cursu uti liceat , mox Mediolanum , inde Venetias pettam , ubi moras facere necessum erit : inde salutata Ravenna , & Lauretana Domo , quam celeberrime Romam , post Neapolim , iterum Romam , per Cassinum Montem ; deinceps Florentiam , ubi plurimum confabulatus cum litterato Viro Antonio Salvinio , rusticatum cum illo in Villam Stroziam concedam , istic diem totam exigam frigidorem hieme Gallica : exinde comite amabilissimo Dalmata (1) in rusticana casa rusticatum convivium celebrabimus . Tu , Vir amicissime , perge nostra curare , & Epistolas Colucii Salutati , si quidem luce dignas putaveris , pares amico , qui curabit semper ut sciant eruditii a quo profectae sint . D. Anselmum Mariam nostrum quaeſo fo- veas , in Graecis litteris promoveas , meque tui amantissimum plurimum diligas , denique valeas , quod e re litteraria plurimum erit .

Romae 12. Jun. 1700.

N 3

III.

(1) Hoc est Celeberrimo P. D. Anselmo Maria Bandurio .

I I I I.

Dellissimo, & Amicissimo Viro

D. ANT. MARIAE SALVINIO

F. BERNARDVS DE MONTFAVCON

S. P. D.

Accepi cum Epistola tua , Vir Clarissime , Vitam Aesopi transmissam a Dalmata nostro , & gaudeo pluriimum indicari mihi abs te , Aesopi Fabellas secundum eius Vitam in isto Codice positas stylo diversas esse ab editis , quae Planude auctore publici iuris factae sunt ; nam Planudem earumdem auctorem quoad stylum esse nullus dubito : quamobrem pergratum mihi perque iucundum erit , si cum tibi vacabit , exscribas ; operae pretium namque est palam facere undenam Planudes Aesopi cum Vitam tum Fabellas hauserit . De Colucio Salutato mire gaudeo pervenisse in manus tuas istiusmodi Epistolias , quae cum Historiam illius temporis complectantur , lucem haud dubie merentur . Verum haec κατὰ καιρον . Quod autem tangis , metum esse ne stomachum Romanis faciant ; ego quoque αἰδομαι τρῶς . Sed erit forte ratio offendae cavendae : id mihi curae . Venetiis relictais , Patavii verior , propediem vela datus , Ravennam primum , inde celeri cursu Romam ; plura propediem ; nam adsunt amici , qui me abstrahunt a Tabulis . Ceterum cures velim nostrum Dalmatam , ut Graece , Latineque doctus evadat ; sanguis illi fervet ad stu-

studia: ceterum non habet facultatem pro voto
 τῆς φοιτᾶν ad magistrum; quare convenias ipsum
 per velim, nec sine aliqua mei absentis memoria.
 Vale, & me amare perge.

Romae xvi. Kal. Aug. MDCC.

V.

Doctissimo, & Clarissimo Viro

D. ANTONIO MARIAE SALVINIO

F. BERNARDVS DE MONTFAVCON

S. P. D.

DIV est quod destinabam hasce tibi litteras mit-
 tere, Vir Amicissime; sed interpellatus sum
 mole negotiorum; hac demum hora quasi fur-
 tim subdux i me a coetu adventantium domi Gal-
 lorum, quos & saecularis Annus, & Summi Ponti-
 ficis elec^{tio}, aliaque id genus Romam pellexe-
 runt. Vnum in optatis est, otium, quod adse-
 qui mirum quam difficile; quia tamen ex subce-
 sivis horis nihil amitto, sed pro facultate desti-
 natum studiorum iter persequor, Anecdota meis
 non poenitendam operam contuli, pridem scilicet
 cum ἀτέραντος agerem; nunc enim cessare, &
 intermittere δευτέρας φροντίδες necessum est.
 Inscriptiones bene multas, & alia id genus monu-
 menta hinc & inde corras. Itinerarium absolv i,
 nuperque ingenti adcessione cumulavi, ubi de-

amicis amice , maximeque de iis , qui & opera , & consilio opitulati sunt , in queis , Vir amicissime , facile primas tenes .

Brevi depingendis Topographiae Christianae Tabellis operam dabit Vir mihi amicissimus D. Anselmus Maria Ragusinus , quem ut foveas & in studiis Graecis dirigas , te etiam atque etiam rogo . Non indignus sane tua opera est ; sed & candore animi , & ingenio praeditus si quis alias . Tabellas Topographiae Christianae ex Codice Laurentiano eruere cogor , quia in Vaticano deletae pene sunt . Quaeſo te , ut verba Graeca hisce Tabulis inserta , in ipsis exemplis mihi transmitendas , quo loco sunt in Codice , exscribere velis , & parce si tantum tibi molestiae adferam . Vale , Vir Clarissime , & nos Ragusinumque nostrum amare perge .

Romae v. Id. Decemb. MDCC.

V I.

Clarissimo, & Doctissimo Viro

D. ANT. MARIAE SALVINIO

BERNARDVS DE MONTFAVCON

S. F. D.

NE stomachere mihi , Vir Amicissime , si tamdiu moras traham , teque spectatae amicitiae , urbanitatisque virum non litteris meis salutarim
cum

cum primum in hanc urbem perveni ; sed mole
negotiorum , & adventantium frequenter amicorum ,
qui mihi de felici itinere redituque gratulantur ,
haec tenus obrutus , vix demum potui hisce scriben-
dis otium consequi , & memoriam beneficiorum
repetere , quibus me tibi perpetuo adstrictum
scias velim . Nudiustertius cum Anissonio pactum
iniimus pro Diario aliisque Monumentorum Ita-
licorum Tomis praelo committendis . Horum edi-
tio Deo dante , quinta Septembbris proxima inchoa-
bitur , & sequenti ordine digeretur . Diarium pri-
mo dabitur , hinc Italicas Bibliothecas Manuscri-
ptorum , tribus Tomis publicabimus : agmen ducet
de chartis variorum temporum lucubratio , nec
non de diverso characterum genere , cuius ordi-
ne saeculorum exempla aeri incisa dabimus : hinc
de Arcanis Graecorum Alphabetis : post Biblio-
thecae singulae sequentur , exinde Opuscula varia
Inscriptionesque ad duodecim Tomos in 4. Gestio
animo dum isthaec cusa , tibi , Vir eruditissime
sistere valeam . Initio anni MDCCII. quartum Atha-
nasii Tomum typis dabimus , pacto inito , ut isthaec
editio Monumentorum Italicorum publicationem
nihil moretur . Exinde Origenis anecdota pari
conditione emittentur , duobus , ut reor , Tomis in
folio .

Nuper mihi rescripsit D. Anselmus Maria , qui
iter in Gallias parat , te , Vir Clarissime , Aesopi
Fabellas , quae ante Planudem conscripta alio sty-
lo fuere , eruisse , milique transmittendas eidem
laudato Viro tradidisse , qua tua est humanitas ,
prolixumque nostri demerendi studium Xenophon-
tis Epheciaca cum interpretatione donaveris , hic
publicare curabimus , Deo dante , idque nomine
tuo ,

tuo , atque extra Monumenta Italica , nobis enim non licet ἐρωτικὰ tractare .

Nuper cum D. Anselmo agebam , ut tibi ille meo nomine Catalogum Bibliothecae Laurentianae , quod nuper in Batavia imperfctissimum prodiit , integrum , atque omnibus suis numeris cura tua absolutum postularet , edendum in Monumentis Italicis : esset sane illud , cumulus officiorum ; faxo sciat , Vir Amicissime , naustum me Catalogum eiusdem Bibliothecae accuratissimum , quod ad Codices Linguarum Orientalium , nec nou Graecos omnes a Combefisio , viro de re Litteraria benemerito , adornatum , quibus adiungam ea , quae ipse per Florentinum otium adnotavi . Haec quod ad illam partem , Graecos scilicet , Ebraicos , aliosque Codices digna luce erunt , penes te est , Vir Vrbanissime , ut opus totum far- tum , & tectum , ut aiunt , prodeat ; quod me con sequuturum sperare iubet illa tua humanitas litterariaeque rei studium .

Laudatum Anselmum exspectamus , licet iamdiu litterarum nihil ab eo acceperim ; inde auguror iam profectum esse ; quae causa est , ut litteras ultra non dederim ipsi tradendas . Vale , Vir Amicissime , & nostri memineris .

Lutetiae decimo Kal. Septemb. MDCCCI.

VII.

Clarissimo, & Doctissimo Viro

ANTONIO MARIAE SALVINIO

F. BERNARDVS DE MONTFAVCON

S. P. D.

Iteras tuas benevolentiae erga me tuae plenissimas accepi, nec scribentis solum; sed deferentis etiam affectu acceptissimas. Is viginti huius mensis auspicato huc advenit, onustus muneribus tuis, Catalogo scilicet Laurentiano, quem nancisci mirum quantum cordi fuerit. Hunc in secundo nostro Monumentorum Tomo edendum destinavi, auctum meis Combesianisque Schedis, quae Graecos maxime Ebraicosque Codices spectant. Agmen ducet Epistola illa tua ad Serenissimum Magnum Heturiae Ducem nuncupatoria. Reliquas item Schedas tua maxime opera concinnatas, dono ille obtulit, subsequentibus Tomis Monumentorum inferendas. Primus iamdiu sub praefato sudat, brevique prostat: si quidem librariorum negligentia non obstet, gessit ipse tuis fisti oculis, censuraeque subiacere tuae. Iamdiu Roman adventavi, & loca illa Antiquitatis vestigiis famosa persequor. Aesopum inter Bibliothecas Florentinas cedere iubet animus: at non parum hisce turbidissimis belli temporibus a destinato cursu interpellor. Navatam milii abs te in hisce colligendis operam, Vir Doctissime, & Amicissime, ut norint quique per orbem Litterati curabo. Inscriptionum item accessionem novam tuo An-

fel-

selmique nostri labore comparatam, pristinae supellestili adiiciam, quae sane Inscriptiones iam ad aliquot millia excreverunt. Vale, Vir Amicissime, mihique favere perge.

Parisis xv. Kal. Martias MDCCII.

VIII.

Clarissimo, ac Eruditissimo Viro

ANTONIO MARIAE SALVINIO

F. BERNARDVS DE MONTFAVCON

S. P. D.

EX animo gaudeo, te Vir Amicissime, ex diuturna aegritudine convalescere; quare pergratae mihi litterae fuere, queis nobis spei offers proximam confirmandae valetudinis tuae, auctiorque tibi sum, ut vaces interim a negotiis litterariis, ut ne mansuetiores illae Musae, dum studiosius coluntur ac foventur, redintegrantis viribus officiant.

Iam prostat Diarium Italicum nostrum, cuius propediem exemplar tibi, Vir amicissime, transmittam. Sub praelo sudat Eusebius in Psalmos, opus egregium, frequentissimis Hexaplorum lectionibus nobilitatum. Nusquam tot huiusmodi lectiones comparent, quae mirum quam explicandas divinis Litteris opportuna. Etsi vero prior typis mandatur hic Commentarius; post Athanasium tamen

tamen compingetur. Subiungendus adest Eusebio Macarius Magnes tertii seculi Scriptor : quae omnia Ecclesiastica opera necdum vel a limine lucem salutarunt.

D. Anselmus Bandurius Graecis vacat felicissime ; is brevi inter peritissimos accensendus : quem ille Bibliothecae Laurentianae Catalogum adtulit mihi , is multis suis partibus mutulus est ; quamobrem te etiam atque etiam , Vir Amicissime , rogo , ut procures ea mihi transmitti , quae supersunt . Illud esse Magni Hetruriae Ducis placitum non ignoras : nec alicius esse usus potest Codex ille ita mancus , cum multa desiderentur , quae mihi pernecessaria sunt .

Gratissima mihi accidit Inscriptio duodecim Carminibus Graecis adornata , cum eleganti interpretatione , quam addidisti . Quae , si mihi maturius advecta fuissent , in Diario Italico cum aliis bene multis Inscriptionibus edidissem .

Cum primum recreatus omnino a morbo fueris , quaeſo te , mihi transcribas epistolam , cuius initium ἀνόητος ἐν εἰναι , quae in Codice 16. Plutei LVIII. & licet anepigrapha sit , ex opinione in Catalogo Athanasio adscribitur . Diarii Italici exemplar item ad D. Abbatem Sanctae Mariae , aliudque ad V. Cl. Antonium Magliabechium prima data occasione mittam . Vale , Vir amicissime , meique memineris .

Lutetiae pridie Idus Novembres MDCCII.

V I I I .

Clarissimo Doctissimoque Viro

ANTONIO MARIAE SALVINIO

BERNARDVS MONTEFALCONIVS

S. P. D.

Amdui mihi notum est , Vir Eruditissime , & experientia compertum , te libentissime Viros litteratos , qui ex diversis Europae partibus in Italiam concedunt , excipere , ipsisque , in iis maxime , quae rem litterariam spectant , favere . Hac fiducia permotus Vir Nobilis D. Orvilius Batavus , omnigena litteratura excultus , mihiique amicitia coniunctissimus , te adit hisce litteris instructus . Quem , ut cum solita innataque tibi humanitate excipias , te etiam atque etiam rogo Ardet is studio visendarum Bibliothecarum , Mufaeorum item , & Monumentorum cuiusvis generis , quibus omnibus abundat Italia , ac prae multis Vrbibus Florentia . Hunc si foveris , Vir Clarissime , si ad Bibliothecas , & Gazas literarias induxeris , ipsique Eruditorum vestratiu m notitiam , familiaritatemque conciliaveris , rem mihi pergratam perqueiucundam facies , immortalesque tibi gratias habiturus sum . Vale , Vir Clarissime , & Eruditissime , meique memineris .

Dabam Lutetiae x. Kal. Iul. MDCCXXVI.

X.

MONSIEVR.

JAY mille graces a vous rendre pour l'Ouvrage que nous croyions étre de S. Athanase , que vous aves eu la bonté de copier pour moy . C' est une des lettres imprimées de Synesius et ainsi elle ne me servira qu'à tirer des diverses leçons pour ma Bibliotheque des Autheurs Greçs ou je travaille depuis 17 ans . j' ay receu tout le Catalogue de la Bibliotheque de S. Laurent , et j' espere que je le feray bien tôt imprimer , avec une suite des charactères Greçs de tout age . je vous envoie mon *Diarium Italicum* dans un paquet addressé au tres Reverend Pere Abbé di Badia qui avra la bonté de vous le mettre en main . je continue toujours a imprimer mon S. Athanase avec Eusebe de Cesarée sur les Pseaumes . Voius un mauvais tems pour le commerce des Livres , il faut en esperer un meilleur . D. Anselme vous a écrit trois lettres auxquelles il n' a point revu de réponse , le religieux est infatigable . je crois que MS. les Italiens leus auroat bein de l' obligation d' avoir deterré tant de beaux ouvrages du fameux Petrarque et des ouvrages Greçs qu' il prépare pour les donner bien tôt au public . je vous préé de moyaimer trojjours et de me croire tres sincerenement Monsieur

Votre tres humble et tres obeissant Serviteur

Fr. Bernard de Montfaucon .

S P E .

S P E C I M E N
 ADNOTATIONVM & EMENDATIONVM
 C. V. ANTONII MARIAE SALVINII
 AD CAP. XVIII. DIARII ITALICI
 CELEB. D. BERN. DE MONTFAUCON.

-0220-

Adnotationes atque Emendationes plurimas Doctissimi SALVINII.
 quas ad oram Diarii Italici Montfauconiani scripsit, si probari videro, adferam in sequentibus Volum. mearum SYMBOLARVM. Interim Specimen hoc damus, ne vacet haec pagella.

Pag. 422. ad Inscript. I.

ΦΑΙΑΚΟΣ ΙΝΗ ΔΙΕΙ ΥΨΙΣΤΩ
 ΕΥΧΗΝ

Haec Salvinius: ἦ, ἔ, idest, Δῆ, Ζεῦ Υψίστη, Μέγιστη.
 Forte: Phaeacis. i. Corcyraei.

Pag. eadem ad Inscript. II.

ΑΠΟΛΛΟΔΟΡΩΣ ΑΠΟΛΛΟΔΟΤΟΥ . Π .
 ΝΕΥΣΑΣ ΚΑΙ ΟΙ ΣΥΝΑΡΧΟΙ ΦΙΑΛΤΑΣ
 ΙΑΚΧΟΣ ΚΟΣΑΠΕΛΟΥ ΝΙΚΑΝΩΡ
 ΝΙΚΟΣΤΡΑΤΟΥ ΘΕΟΙΣ

In ver. 1. & 2. Π. ΝΕΥΣΑΣ. forte ΠρυταΝΕΥΣΑΣ
 In ver. 3. ΚΟΣ, delet *Salvinius*, legit forte ΑΠΕΛΛΟΥ .
 In versione subiecta linea notat, *annuit*, & illa Socii; adscribit, & Collegae .

M V.

M V S E I
BONAMICIANI
PRATENSIS
BREVIS DESCRIPTIO

¶

7



NOBILIBVS VIRIS NEPOTIBVS

CASIMIRO BONAMICO

EQUITI ORDINIS D. STEPHANI

PETRO BONAMICO I. V. D.

INNOCENTIVS BONAMICVS

BASILICAЕ PRATENSIS

Canonicus , Theologus , & Poenitentiarius .



Vum plurima venerandae Antiquitatis monumenta summo labore ac studio publico bono conquisierim , & industrie collegierim , hoc praeſertim tempore , quo non Optimates tantum , & maxime studiosi Viri , sed proletarii etiam paſſim homines , oppido rude s & illiterati , inani quadam ambitione Antiquariam Gazam ad quaestum potius suum , quam ad stu-

O 2 dio-

diosorum utilitatem publicam comparare contendunt; verebar ne meum post obitum hae praeclarae, eruditaeque Vetustatis deliciae meae, per manus ignaras distractae, penitus interirent. Sed quum in Vos, NEPOTES apprime mihi cari, oculos intenderem, gaudebam summopere, me egregios Iuvenes liberalibus disciplinis excultos heredes rerum mearum testamento relicturum; atque non dubitabam, Vos praeclara indole praeditos, maximi, ut ratio postulat, meam tot illustrium monumentorum collectionem, posterosque vestros aestimatuos.

Verum enim vero dum haec mecum animo identidem cogitarem, opere pretium me fakturum duxi, si dum hac fruor luce, Dei Optimi Maximi beneficio, vobis huiusmodi meae Litterariae hereditatis seriem, ac praestantiam paucis ostenderem. Primum igitur plusquam quingenta ex argento, & aere, adde etiam non pauca ex auro Numismata Imperatorum Caesarum Augustarumque in meis Cimeliis recondita cernitis, & optimae quidem notae, & spectandae integritatis; quorum non omnino spernendam ab Iulio Caesare Dictatore, usque ad Principes filios Theodosii, quem Theodosium Magnum appellant, seriem fere completam, non parvo sane labore, & sumtu comparavi. Sunt etiam in meis Forulis antiquiora quaedam ex aere Numismata, sive Monetae ex aere fuso prisorum Italorum, Etruscorum, Siculorum, & Romanorum, quae libralis assis partes sunt, quorum pondus quibusdam notis declaratur. His accedunt Numismata non pauca argentea, praesertim quae Romanis antiquis Familiis tribuuntur. In hisce ex omni modulo ac magnitudine Numismatis summa cum vo-
lu-

luptate, miroque eruditionis proventu multa notata, atque observatu digna spectantur in eorum posticis partibus, ad quae omnia Viri docti omni eruditionis fruge ornatas Dissertationes, & Observationes elucubrarunt: Templa nimirum, Arcus, Aquaeductus, Tropaea, Praelia, Profectiones, Processus Consulares, Victoriae, Congaria, Allocutiones, Carpenta, Triumphi, Ludi, Sacrificia, Apotheoses, & alia atque alia bene multa, quae priscam omnem Historiam, & cum hac coniunctam Chronologiam, veritatis ac temporum testem, illustrant, & rei Nummariae scientiam praecellentissimam atque utilissimam ostendunt, omnemque prisci aevi cognitionem studio-
rum oculis praesentem, quasi facem lumenque tutissimum ac micantissimum, constituant. Accedunt etiam aliquot ex pluribus delecta Numisma-
ta Graeca, quae veterem Geographiam elucidant,
vel aliis Urbium nominibus augere possunt.

Exstant praeterea in mea penu antiquaria complura ex aere signa, & simulacra, quae vulgo *Idola* audiunt, eximiae raritatis, & elegantiae: inter quae illud certe rarissimum memorare lubet to-
tum argenteum, mira arte elaboratum, quod ex antiquis inscriptis aris, editis penes Gruterum, & ex Douianis, PANTHEVM SIGNVM adpellari potest.
Refert enim Deam, quae adiectis, & in unum coacervatis symbolis, referre videtur Fortunam stantem, sive Isidem, Hygiam, Cererem, Po-
monam; quod luce dignum censuit amicus meus optimus ANTONIVS FRANCISCVS GORIVS, de Antiquitate, quam multis curis illustravit, egregie meritus: quod ut abs Te, EQVES CASIMIRE, de-
lineandum curarem, & ad eum mitterem, bene-
volo animo monens, impetravit, & huc addu-

cere in ornamentum huius Descriptionis , utpote ob raritatis laudem spectatu dignissimum , factu optimum ei visum est .



Signum hoc Pantheum huiusc magnitudinis , faberrimo artificio absolutum , evasit avidas barbarorum , sive maleferiatorum hominum manus , qui illud non conflarunt ; quod fatum infinitis prope modum similibus signis contigit . Si quis censere voluerit , pro donario dedicatum fuisse *Fortunae Pantheae* , non repugnabo ; constat enim signa huiusmodi argentea Diis dedicata fuisse , quae non raro in antiquis aris , & scriptis marmoribus indicantur . Hinc Iovis , Mercurii , & Apollinis argentei mentio occurrit , & interdum pondo argenti notatur . Huic omnino simile aereum signum Pantheum eiusdem Deae , altitudinis un-
cia-

ciarum fere decem apud me extat. Notandum eius caput ornatum parva columella, cui imminet Luna silens; Lunae vero polus impositus ornatus loti flore. Serpenticulus dextro brachio circumvolutus tam eleganter est, ut quodammodo armillam conficiat pro ornamento, qui, capite in craterem immisso, aliquid depascere videtur.

Sed inter cetera Deorum Dearumque signa, quae penes me sunt ex aere, illud Veneris valde elegans, egregia arte perfectum, minime silentio praeterire possum. Praetereo tamen sculpta quaedam marmora; sed unum prae ceteris moreum simulacrum bipedale memorare lubet. Pallio testum habet dextrum humerum, nudo reliquo pectore, sub quo idem pallium circumvolatum eleganti artificio ad crura usque recidit, cuius pedes nudi sunt; dextro vero brachio serpentem tenet, quo habitu ac symbolo multos, quos vidi refert, qui quainvis baculo careant, tamen a peritis Antiquariis Aesculapio tribuuntur, a nonnullis quoque censetur referre Genium, sive Praestitem aliquem Deum domesticum, cui etiam serpens tribuebatur. Nimius etsi si vellem singillatim cetera Deorum simulacula apud me permulta, fusius describere, observatione quidem digna, quae studiosis, nobisque ipsis non modicam eruditionis seu copiam, seu voluptatem suppeditare possunt. Satius duxi ea Vobis commemorare, ut omni studio, & cura apud Vos servare velitis haec monumenta, nec sinatis (quod probro Vobis verendum esset) vel distrahi, vel interire.

Complura etiam antiqua penes me sunt aposphragismata, sive sigilla ex aere litteris insculpta, quibus veteres Romani, eorumque exemplo Itali, & Etrusci maiores nostri supellectilem suam, & alia

ad quotidianum usum parata obsignare consueverunt. Adcedunt aliqua omnium vetustissima ex aere Deorum, aut Heroum signa: non pauca etiam donaria, anathemata, & amuleta, quae classem suam constituunt. Cum his coniungendi Nummi priscorum Etruscorum ex aere fuis conflati, symbolis, notis & litteris distincti, qui magno sane in pretio habendi sunt. Ex his aliquot in nostris hisce Sabinianis praediis, ut scitis, eruta sunt, & adlata a Cl. GORIO in Par. II. Inscriptionum Antiquar. Etruriae Urbium pag. 121. ubi Pistoriensia, & Pratensis antiqua monumenta protulit, & illustravit. Adservantur etiam in hisce meis Forulis aliquot ahenea, quae ad Mythologiam, & veterem Gentium Theologiam illustrandam pertinent monumenta, anaglypho opere caelata. Neque in his undequaque adsiduo studio conquirendis prisci aevi elegantissimis lauticiis defuit cura mea; sed his adieci perraram messem Nummorum ex aere, & argento, medii aevi, quibus pecuniae loco Barbari populi, pulcherri Mae Italiae invasores, vel liberae Civitates, Reguli, Principes, Dynastae, maiorum nostrorum aetate utebantur. Syntagma hoc Nummorum medii, sive sequioris aevi, erudit ac studiosi homines ad Historiam cum nostram, tum Italiae locupletandam, & illustrandam libenti animo accipient: siquidem probe mihi, Vobisque compertum est, quanti Clarissimus Vir LUDOVICVS ANTONIVS MVRATORIVS, Italiae decus, & alii excellentissimi Scriptores huiusmodi Nummos fecerint. Ego vero, quamvis pro viribus adlaboraverim, ac non parum meam iisdem Collectionem ditaverim; attamen non, quod in votis erat, consequitus sum: scio enim adhuc superesse multarum Rerumpublicarum

me-

mediocris notae monetas, quas eadem percusserunt, quas quidem nondum invenire potui; sed, Deo dante, si vita supereft, me eas quoque conquisitum non despero. Prisci Patres Pistorienses eo tempore, quo sua libertate utebantur, & feliciter fruebantur, propriam habuisse monetam, ut aliae Civitates, ac Respublicae habuere, cordati homines adfirmarunt. Pratum quoque, olim liberum oppidum, nunc Civitas omni cultu referata ac pervenusta, quod proprios cuderet nummos, suadent non inanes conjecturae; & praecipue quidem monimenta *Codicis Diurni* anni MCCCIV. pag. 34. a tergo, nostri Pratensis Generalis Archivi. Saepe numero a senibus, & doctis maioribus nostris audi vi Xystum, sive Ambulacrum (vulgo *Loggia*) quod hodie clausum est sub aedibus Nobilium Oricellariorum prope SS. Trinitatis aedem, antiquitus vocatam fuisse *la Zecca Vecchia*, nempe veterem Officinam Monetariam; quae omnia fusiore calamo elucidantur a me in *Pratensi Historia*; cuius priorem partem nuper legi eruditissimis Collegis meis Sociis Columbariis Florentinis, a quibus ea haud improbata est. Verum tum Pistoriensium, tum Pratensium nullam potui ad hoc tempus monetam cernere, aut reperire. Evidem possideo quosdam aereos orbiculos, veluti monetas, typis percussos insignibus Populi Pratensis signatos; sed utrum vere fuerint huius nationis Nummi, an potius tesserae mercatoriae, ut aliqui volunt, adfirmare non ausim.

Quod attinet ad memoratum Xystum, Ambulacrum Pratense, iam a me persaepe audistis, hoc ipsum iuris olim fuisse antiquae, ac nobilissimae Pratensis Familiae de Pugliesibus, quae una cum Gente Rinaldeschiorum (e qua sati sunt Nobiles, & Generosi Naldinii, Patricii Florentini

tini) capita fuere Prati factionis Ghibellinae , de quibus fusiis in memorata mea Prateni Historia .

Anulares Gemmas a praestantibus Graecis Opificibus scalptas , quanti fecerint antiqui homines , nemo est , qui ignoret . Has quoque eruditae Antiquitatis delicias , & quidem selectas , comparare non supersedi . Non paucas igitur Gemmas a priscis Caelatoribus eleganter incisas habetis , e quarum numero eas omni eruditione tum Graecae , tum Romanae Gentis plenas , ubi contigerit eorum numerum augere , vestris oculis accurate delineatas subiicere non praetermittam .

Meam tandem litterariam venerandae Vetustatis Syllogen exornant , & locupletant complures Chartae membranaceae , exoticis characteribus , Longobardorum more , & stilo exaratae , quae eorum politiam , leges , consuetudines , mores , instituta nobis exhibent , ac testantur . His iungendi permulti Codices pervetusti , & inter hos Psalmorum Libri , picturis perita antiquorum Monachorum manu condecorati . Multa quoque apud me exstant manu conscripta Volumina doctissimum Virorum , in quibus praesertim permulta Epistolae immortalis Galilaei nondum typis demandatae habentur .

Iam etiam vobis prospectae sunt non paucae Icones , quae Effigies referunt vel Principum , vel illustrium Virorum , quas praefantes Pictores penicillo egregie pinxerunt ; Chartae quoque aliis similibus Iconibus ornatae ex aereis Tabulis desumptae ; praeter non spernendam collectionem plurimarum chartarum rariorum Caelatorum magni nominis , nempe Callot , Sangalli , Stephani della Bella , & aliorum , qui incisoriae Artis laude valde apud nos , & exteris inclaruerunt .

Mi-

Minime Vos taedebit, sed volupe erit evolvere , & scrutari complures , & ingentes meos Codices , in quibus Excerpta nostrorum Archivorum continentur ; neque etiam manu diurna , nocturnaque versare vos pigebit multas Chartas , & Instrumenta , & paginas , in quibus complurium Populorum , & multarum Familiarum Italicarum , praesertim Florentinarum , ac Pratensium , tum publica , tum privata facta , conventiones , pacta servantur , & exponuntur , quas ipse congesisti .

Hanc igitur meam antiquariorum Supellecilem , veterumque omnis generis elegantiarum Collectiōnem , quam Vir Clarissimus , paullo superius a me memoratus , ANTONIVS FRANCISCVS GORIVS Florentinus , & ex his nonnulla in Volumine II. Inscriptionum Antiquarum Etruriae in lucem protulit , vel descripsit , & Eruditissimus JOSEPH BLANCHINIVS Pratensis , MVSEVM BONAMICIANVM appellant , vestris curis NEPOTES CARISSIMI , committo , & etiam atque etiam commendo . Commendo quoque meam non quidem magnam , sed multis eximiis excusis exemplaribus refertam Bibliothecam , quae quidem non est Bibliotheca illa , quam IOANNES FRANCISCVS BONAMICVS , & BONAMICVS eius germanus frater , Maioribus nostris legato instituto , ex testamento reliquerunt : copiosam enim ac praecipuam gazam librariam Excellentissimus Iuris Consultus IOANNES FRANCISCVS BONAMICVS adquisierat , qui ob egregiam doctrinam , probitatem , & insignia munera , Canonicus Poenitentiarius Metropolitanae Ecclesiae Florentinae , & Alexandri Cardinalis Medicei , Florentinae Ecclesiae Archiepiscopi , Vicarius Generalis renunciatus est , & obiit anno R. S. MDLXXXVII.

Neque minoris omnino praestantiae , & rari-
tatis

tatis fuere Libri Historici , Geometrici , & alii omni-
gena eruditioe instructissimi , quos filiis suis ex
testamento reliquit eiusdem Praefuluis frater BONAMICVS , Equestris Ordinis D. Stephani insignibus ,
& munere decoratus ; quibus cum non pauca etiam
fuere Erthnicorum signa , sive Idola , & duodecim
capsulae aureis , argeuteis , aereisque ex omni mo-
dulo numismatibus , & quidem insignibus , plueae ;
quae omnia heredum incuria , dum se ipsos invi-
cem multis controversis , ac litibus diuturnis ve-
xarent (proh dolor !) penitus periere , atque
ubique gentium distractae , ita pessumdatae sunt ,
ut vix nomen tam eximiae , & copiosae supelle-
ctilis ad nos pervenerit : quod fatum , quoties mihi
cogitanti in mentem venit , non sine summa ani-
mi aegritudine , desiere , ac memorare possum .

Id ipsum in causa potissimum fuit , ut hanc per-
brevem mei Musei Descriptionem typis vulgan-
dum permitterem , quae apud vos servata , meas
curas Vobis posterisque vestris testaretur .

Vobis vero meas halce hereditarias Delicias lon-
ge iucundissimas , semper in pretio habendas ,
fore confido : e vestro enim sanguine , Deo dante ,
fortasse filius nasceretur egregiae indolis , qui inge-
nuiis facultatibus ac disciplinis probe vestra ac mea
cura excultus , huius meae litterariae , & anti-
quariae Supellectilis , & BONAMICORVM Familiae no-
men , & gloriam , ut spero , amplificabit .

Haud enim desunt Domus nostrae Illustrium Vi-
rorum exempla , quae vobis , posterisque vestris
proponi possint . Minime Vos latet , quot in lu-
cem protulit opera MATTHAEVS BONAMICVS , Ro-
mae I. V. D. qui compluribus Principibus , Pro-
ceribus , summisque doctrina , & dignitate Viris
apprime carus , inter doctissimos homines secu-
li xvi. connumeratus est . Ob-

Obversatur oculis vestris fama nominis BLASII BONAMICI, qui anno humanae Redemptionis MCCCCXCVII. eximius Legum Doctor duo Volumina Consiliorum reliquit; & quae de GASPERE etiam BONAMICO Ordinis Vallis-Vimbrosae Abbe celeberrimo scripsit Dominus Venantius Simus: Gaspar Pratensis originem dicens a conspicua satis Familia de BONAMICIS, Monachus Vallumbrofanus, & Abbas SS. Trinitatis Florentiae, Vir fuit magni ingenii, & summae autoritatis apud Florentinos: ipsi enim tanti GASPEREM Abbatem aestimaverunt, ut circa negotia publica nihil ipso inconsulto auderent decernere; quapropter Consiliarius publicus illius amplissimi Magistratus fuit dictus, &c. FLAMINIUS quoque BONAMICVS, Vir humanioribus studiis addictus, qui stilo elegantissimo patriam scripsit Historiam, quae inter manu scripta Volumina meae Bibliothecae servatur, occurrit. Tandem quis, & quantus fuerit IOANNES FRANCISCVS BONAMICVS, Avus meus Clarissimus, Vos ipsi probe scitis, & perspicue ostendit eius sepulchralis Inscriptio Pratti in Ecclesia Sancti Augustini inter cetera nostrae Familiae avita monimenta reposita, quam hic adferre in laudem tanti Viri non abs re iudicavi; & quidem non mutato versuum ordine, sed prout iacet, & legitur marmori insculpta, servata eius orthographia.

M.
O.
D.

IO. FRANCISCVS BONAMICVS I. V. D. EQVES D. STEPHANI
 EQVITIS PETRI BONAMICI NOBIL. PRATEN. ET SPOLETINI EX LIVIA
 LAVRENTII CARNESECCHI PATRICII FLOREN. SEREN. M. D. HETRVRAE
 NOBILI PVELLA. FILIVS ARCHID. AVSTRIAEC
 A SECRETIS DEINDE VVOLFANGI VVILHELMI DVCIS BAVARIAE
 AC NEOBVRGI S. R. I. COMITIS PALAT. RHENI &c. &c.
 BONI REGIMINIS A CONSILIIIS ET PRO EODEM AD PHILIPPVM IV
 HISPA. REGEM A QVO ILLVSTREM HABITVM ORDINIS S. IACOBI
 SIBI IMPETRAVIT ET APVD VRBANVM VIII. P. M. LEGATVS
 GLORIA IMMORTALI PLENVS DOMVM REVERSVS A FERDIN. II
 M. HETRVRAE D. OPTIMO PRINCIPVE PLVRIBVS ADHIBITVS NEGOCIS
 AC DE PATRIA OPTIME MERITVS SENIO ET STVDIO BONARVM
 ARTIVM CONFECTVS OBVIT A. D. MDCLXIX.
 PETR. ET MATT. EQVITES D. STEPHANI
 FILII MOESTISS. PATERNAE GLORIAE M. HOC PP.


Haec

Haec igitur vobis isthac mea Epistola memorare volui, non ambitionis, aut gloriolae actus stimulis, sed benevolentiae causa, studioque in perpetuum servandi vetera, quae conquisi vi Monum enta; ut tanto alacrius iter honoris & gloriae, more, & exemplo Maiorum nostrorum, conficiatis, & meos amores, ac delicias, eruditae Antiquitatis monumenta, omni cura servetis, nec di spersa ac distracta ullo unquam tempore ire sinatis; sed mei erga vos amoris, liberalitatis, & studii perpetua apud Vos posterosque nostros, quibus & Vos magnopere eadem commendabitis, extent testimonia, & argumenta.

Deus Optimus Maximus caelestia dona sua vobis omni tempore largiatur. Valete, & me, qui Vos tanquam filios semper amavi, & rem vestram auxi, ac tuitus sum, semper diligithe.

E Sabiniano nostro Rure, Autumnalibus Feriis,
A. R. S. MDCCXLIV.





ETRUSCI PAESTANORV



tant in Museo Gorio
Museo Acad. Etrusc. Corton.

Vinc. Franceschini Sculp.

INVMMI EX ARG.ETRUSCI PAESTANORV



III. extant in Museo Gono
III. In Museo d'ard. Etruc Corton.





Sign. ex aere huius magn. Flor in Mus. Nardio. v. Franchini inv.

J

94-33181

